
# 又東禪師遺集



## 经制大十次最高银铁银

# 益利大十之像佛經佛造印

懺

悔

麓拔

之時

皆宜

歡喜施捨努力行之。

造經像既

有

如

此

殊

勝

功

德故

凡

遇

〇祝壽

〇 免災

〇祈

求

所言 永 愚 至 夜 夙 之處常得 離 者 前 所 惡 轉 道 智, 法, 慰 神 衆 病 雖 咸 無險 生, 無 佛 聞 植 相 法。 善 困 瘟 夜 而 貌端 無惡夢虎 者 根。 到 直 疫. 1轉亨 何 至 衣 以 水 方常 食 慧宏 爲 豐 顏 寇 永 能爲 足。 色 家庭 光 多 尋 仇 兵 福 通 福 和 報 傾 牢 謝之 睦福 誠愛 親 田,禄 復 獄 證, 獲 之災悉皆不 戴,禄 速 無量 勝。 日, 得 捷 恭 緜 所 敬禮 長。 成 勝 佛。果。

身。拜。

# 夢東禪師遺集



# 徹悟禪師行罗

異. 此 津 爲 妙 圓 師 覺 臨 得 長 諱 惟 津 H 際醒字徹 聖庵 喜 課 師 安養日學士俾老病者有 禮 不 濟 其 倦. 要後 與 讀 + 拜 三 會 持 萬 + + 了 樂池老宿剃 書。 六 經史 無 歷 焉。 念 彌 几 悟。 世磐石 滯礙乾隆三十三年冬參廣通 心 晨 年 iffi 陀。 夕研語 如一日。 羣 已。五 期生安養況今末代 華 字訥 籍。 寺 髮越明年詣岫雲寺. 靡 十七年遷覺生 七世也三十八 徧 堂又號夢 空法 精求 聲 弗釆覽二十二 馳 奥義。 南 所依託初學者便于誦習師于禪淨宗旨皆 師 北。 座 下聽法 逐悟 東京 宗 尤宜遵承 寺. 年粹翁遷萬壽寺。 風 歲。 住 大 圓覺全經大恉復 東豐潤縣 持 華 恆 因 振。 實律師 大病 每 粹如純翁明向 楞 八 逐棲 嚴 年 憶 悟幻質 金剛 人族姓馬父諱萬 百 永 圓具次年間 心将土 廢 明 等經 盡 延 師 無常 壽 繼席 依 舉。 增壽 主 禪 上 于 圓 發出世 聞 廣 解 師。 事. 淨 張 蓮宗日限 師資道 寺慧岸法 香界寺隆 業 乃 通. 頓 璋。 開。 率 堂 禪 一母高 門 眾 于 志。 外 深造其 參禪 别 宗 合. 性 病 立三 乃印 相二 師。 已至 氏。 匠。 法 策 師 倘 聽 宗。 晤客。 講 房 幼 堂。 師 歸 勵 الماد 焉。 相 開演 Ш mi 心 後 觀 淨 涅 過

髮白 接 子 努 年。 爲 洪 何 土 也。 嚴。 名 待 松 力 第 勢至三大士 苦 相 變黑光潤異常二七入龕三七茶毘獲舍利 留 現 方 泉 念 五 心 望 示 人。 年二 終 人 吾 寂 領 佛。 來 耶。 分相 甚 將 华 同 眾 他 嘉 十二月十 無 月詣 西歸 月前 切。 修 主 年 慶 厭 今復蒙 持。 逐 開 淨 淨 五 好。 年。 導 遂 矣。 覺身微病命大眾助稱佛號見虛空中幢旛無 業。 誡 土 萬 復 凡吾 一好相 說 日 壽 留 手 六 眾 寺掃 佛 日命監院 以住世相 念 眾。 居 法。 結 佛法 俄成 親垂接 所立 見也三月還 紅 彌 如 粹 瓶 螺 陀 門三 祖塔舜 叢席。 山資 瀉 Ell 規 雲興。 安詳 模. 引。 師 勸。 吾今去 一根普被 擔柴 貫 師 福 永 寺. 與 日 諸 宜. 山 m 設 百 遵 命 運 眾 逝。 山 **刈期終歲。** 女矣 眾稱 豫辦茶 精 年 守 外 水 眾 涅 無 修蓮 護。 泥 聞 槃 不 機 如 壁 矚 曰. 百餘粒門弟子遵遺命請靈骨葬于普同 異 齋。 寄 得 不 改絃 收吾 杂 補 風 香 佛號 終 毘 + 大 有 事 幻 屋。 因 浮 七 衲子 扇。 易 物。 緣 空。供 所 愈 日 數 ---歸。 + 飲 遐 轍。 年 勵。 申 不 久人世 邇 依 刻 吾 庶 來 月 奉 師 \_ 仰化道: 戀追 食. 告 得 數. 不 與 + 七 面 眾日 臻 自 眾 七 與 負 H 四 老僧 日集 隨 聖 苦 非 眾 面 端 四 致難避 俗歸 境 共 吾 常。 而 心。 貌 坐 、眾付院 之如 汝等當 昨 合 來。 與 建 虚 如 生可 心當 已 眾 掌 乃 此 生 告眾日 Ė 見 道 是 迹。 慈 片 惜. 師 文 塲 務。 者 時 和 稱 爲 苦 命 各 爲 法 本 叉 殊 師

觀

幸。

淨

心

爲

+

法

宜

弟

丁

過 望. 僧 塔 假 內。師 **節愧余不文特質言之以傳信** 量 有師 臘 人也六根 PU 之 十九。 生于乾隆六年十月十四 弟子 法 惺聰 臘 通 利解悟超常既具 四 者. + -有三所著 持師之行 實請 云爾。 有 日未時終于嘉慶十五年十二 辯才兼持苦行始終如一余所目覩故此錄 示 敍 禪 于 教 拈花寺慕蓮杜多體寬申敬 余余與 律 念 佛 師 伽 相 陀 契有 行 于世。 年素蒙開 嘉 月十七日申時世壽 慶 敍 + 誨 七 啟 年 廸 壬 良 不容 申 多。 九 二字 師 月 直

行署 遺像 像讚

重刻敍 自 敍 原践附睿

重印践附師

法

語

示眾

原敍

原敍附加陀

雜 著

般若淨土 兩 門大義

西

有

解

相 相離 相 心心印心畧解

三八七

華嚴經節畧要旨

楞嚴頓 楞嚴二決定義 歇 漸修 說

經 質 無 有法發菩

金剛

禮佛說 提 乘決疑論 心 說 說

四

楞嚴經

知見無見說

几

四四四

74

天

津佛教

功

林重編

說
兀
DU

几

五

尺香齋白

五九

五

九

五

與瑞一李居士書

紅 箇庵老人生塔說 螺 普同 塔

闡 教 禪師 塔銘

重修中天寺十方常住碑記

四

衣單

壽萬壽蓮筏

和

尚敍

淨土津梁跋

五〇

Ħ.

五

跋禪人

勇

建

血書楞嚴經

莊嚴淨土

跋明初禪

人血書蓮經

跋德全禪

1

血書蓮

經

爲

書蓮

經普門品後

五

五

念佛堂釋迦

佛

像

五四

五六

讚

讚 回 彌陀 血 畫 彌 佛 陀 像 佛

音丈夫相

像

答江南彭二林居士書

五

讚

乘吼觀

日錄

覆香嚴居

士

書

一有室跋

五

慈壽寺熏塔 爲闡教禪師 資福寺講前提綱 款待白詞 均伯老和尚入塔 疏 入塔

六四

六四

得戒和尙塔前供

法空寶耆宿像

簡庵老人像讚

本然安老宿像讚

偈頌

念佛伽陀

示眾偈六首

覆講大義八首 講 圓覺經畢示眾偈七首

我空偈四首 解制示眾偈

念佛偈 七言五十一首 宗教義百首 五言二首

九 加

九四

九五

頌般若 **颈金剛般若經** 淨土 相節 以無所得節 故說般若住在菩薩節 色不異空節 諸法

心經

十一一首觀題

頌番僧轉世

**頌禪人血書蓮經求生** 

六八

六九 六八

悟圓老宿像

讚大土像

**箇庵老人斗室偈** 

題誠齋居

土照

開爐示眾偈二首

類楞嚴經 觀空應眞

開講楞嚴 勢至章 道場加行頌虛空藏章 彌勒章 大

頌

十首 發經 起題 敍 四證信章

九九

九九

資福寺講前示眾偈十六首 九六

六

日錄

祝闡教禪師八十壽三首

-0

題慈因講寺太湖石

七

一〇九

偶成四首

香嚴居士肖像

三三二二二〇八八七

挽羯磨阿闍黎岫雲靜

觀老和

份

立春 病 三週 中示 一哭師 眾二首 挽戒 自題肖像六首 香嚴公松泉 壇 度 公四 小照三首 首

遺 漶 節。 念佛 有餘 夢 錄 在 有 公議 餘 像 北方者後人獲師遺稿 改 清 東禪師遺集其念佛伽陀一卷先已別行旋由 名語錄 見示 伽 中葉夢東老人繼蓮池蕅益而起宏闡 燼. 年。 陀仍為 集資排 海內 益以 页 冠総首 刻于金陵揚 晚 稱淨土門庭 印。 兩卷易名徹悟禪 年 所 一并爲 重 作。 爲 曲 首推 州藏 次第增入雖較完足稍傷陵雜適同 目 編 師 錄。 次釐爲三 手自 便檢尋 經院 紅 删定 師遺稿刻于杭 螺焉師早年文字悉自焚棄門人喚醒 遂以 一卷復荷江 為兩 附 淨土 卷。 淨土法門于京北之紅螺 紅 師 城清季楊仁山居 十要之後合刻行 螺 浙 西 山普泉老和份以 逝 江錢伊庵居士節其上 後門人 人以集板 松 泉刻于北方。 世。 士又 山迄今百 本 而 漸形 山所奉 稍 原 了 卷合 集 睿 加

漫

之

删

輯

甲

戌仲春菩薩戒弟子徐顯瑞識

之 也。 宏 根 者。 注 立 亦 元嗣 + 淨 卽 也。 成 教. 何 經 三人. 所 以 業。 稱 眞 厚 者。 任 熟 也。 之證 運 要 夙 淨 理 於 稱 虚 業者自 其衷. 得 兼 感 惟 具 師 恆 是 定 自 包。 平 心 業. 兢 彌 河 平其 昔 作 合 兢 陀 慧 在 如 沙 於 佛。 道 法 零 力。 晉 阿 數 於 **次語言文** 界遺集 氣歷 契淵 轉業。 念 遠 伽 中。 是 心是 法 陀藥 11 履 而 捷 心心 之 世 微。 無 師 之權 字。 佛 生。 具 載 始 念. 始。 無 行 一語。 存讀 病 不 簡。 夫 如 則 仰 無 體 欲 也。 横 悟 生 不 速 -之 尤 清 日。 佛 療。 究 圓 而 出 徧 珠 而 慈。 如 ونياد 生 反 + 無 覺 生。 益信 濁 退 然 覆 方。 大 如 死 心 ---啟渡門. 水詳 水之 豎窮 轉 意 偶 之關 經 FI 師 心。 珠。 要 遞 之所言 三致 克隨 無 拈 共 投。 = 傳。 義 鑿池 吟。 際。 證 迄 願 種 繼 安樂之 大之 意 至 不滿 心 西 則 瓜 生之 焉。 種 之 日 了 于 植 願日 者其 叉謂 總 廣 解 今 蓮。 显 境。 之 建 攝 願。 不 也。 是以 堂立 信。 藏 如 無 拯 穫。 慮 墜。 \_\_ 日行,日 斯 餘。 拔 鏄 墜 寸 + 有 乎余竊 誓。 細 羣 時 金 偏 圓 夢 乘 信 之 于時 迷 光. 成 小。 妙 東 圓 胥 罪 圓 禪 麫 發 旨。 念宗 登 之 大 業 解 + 融 寸 盡 師 彼 命 菩 懺 饒 者 無 具 棄 岸。 益 賢 教 礙。 光。 心 提。 除 舊 法 門 之 對 其 眾。 欲 心 E 眾 兩 機 後 緣 之 善 生 專 之

之是爲敍三寶弟子誠安謹 如。 宜 鳅。 師言 浩 如 之 煙 不 海。 疏 n 經 湮 没 注 也師之高: 義. 恰昭 識 弟松泉以是集付刊問敍于余余即師文之奧衍者申言 明而淨業之修爲入道正軌自龍 舒 大 佑 諸 集 外言 者 關

附 念 佛 伽 陀 原 敍

焉。 義 訥 堂老 因 云爾嘉慶元年歲 仰 乘各詠偈百 體 N 老 率 人 眾 爲 精 眾苦 首。 修 闡其要妙舉以示 持 名法門備 心諄諄 次丙辰佛歡喜日受業弟子 如 是若 極 誠 懇。於 不 眾。 如輩 刊 布. 廣 久必 通 覺生兩 ~湮没. 心雨稽首謹題 當時 逐壽 蘭若。 之梨 歷 \_\_\_ 聞。 有 棗。以 心盪 年所茲乙卯冬復以 期修淨業者共 神怡若深有 領 會 教

參味

余自 乾隆 癸巳住持 京都 廣 通寺領眾 麥 禪。 間 有 東語 西話筆以記之至丁酉歲. 以宿

鳴 龍樹等諸大祖 病 緣。 因 思 師智者永明楚石蓮池等諸大善知識皆悉歸 教 乘 五停 心觀。 多障有情 以念佛治且此 二門文 心我何人斯敢不 殊普賢等諸 大 一菩薩。 皈 命。 於

聞 是 淨 有 燼 請 中 余 土. 法 朝 以 開 撥 復 有 深 悟。 示 出 課 何 信佛 文 逐 若 佛。 欲付 字 而 干 禪者 則。 言 叫 之剞 然百 留。 不 愿隨者 顧 居 不存 士 劂。 也。 一堅請了 余日 十 已而 一矣。嗣 餘 頗 夥。因 年 不 不 已。 應之日久歲深復積成卷戊辰 來。 可。 所有 身既隱矣焉用文 順時機且便自行 後 爱 弁 爲 數語用示皆不 業 積 風 稿。 所 \_\_\_ 旦付 吹 歷主 之内 遂輟參念佛。 爲。 一覺生資 得已之言 此 丁童 # 間隱 夏逢春李居 子。 福 時門牆 L也嘉慶歲 不 者 兩 之言尚 意為 刹。 爲 多事 見重 虚 次庚午 名 士在 然。 者: 所 禪 余已 誤。 者 Ш 聽 棲 往 于 燄 九 講。 月 心心 往 灰 几

重陽後三日訥道人書于資福二有丈室

訥 之。惜 仍 欲 旋梓里 堂 意 命 數 老人 焚之睿始知爲老人之稿本也由是愈加珍秘且私囑同. 年 未 叫 暇 馳。 臨 安 問 從 生苦 得 行遺余鈔本語錄 前 出 何 所 有 心為 人手 作。 此。 睿 盡令焚之乾 法真誠 筆。壬 述 所 子 曲。 老人 夏老 誨 卷. 隆 人 日當 不 N 題 五 遷住覺 倦。住 日 + 1碎瑚析檀。 四 時 廣通 年 所 冬睿 生 焚 容 時著作法語偈 如 亦隨 內有山 始 此 者 親 往。 炙 數 居詩偈等作余甚 座 本. 人將各 此 日 下。 頌 老 次 必 歲 題跋甚富逮輟參 唤 1 所記憶 見之 醒 解 多 制。 事。 問 同 愛而 學 或別 E 私 唤 竊 此 吟 醒 有 留 錄 後。 收 者. 玩 師

藏 者. 求 而 時襲 之然 希 圖 完 壁 不 可得 也及老人退 居 紅 螺 山 寺以期 靜 養。 曲 禪 者 追

得 Th 並 不 老人山中講前法 老人 堅請老人 捨 故.體 復 恤眾 將 宗 開 心復成叢 門 示 净土宗 中 語一篇不忍棄 語 句 删 旨. 席。 丁卯昶 去 及 大半。 啟信發愿立 亭居士 今 置 今附集內顧容劣機淺識謬承齒 所 傳 來山聽講法喜怡神深生感 者 行 止 用 此 11. 耳。 修持等文合前詩偈等篇 佛 伽 陀 久 已 别 激索所 錄。 行。 自 嘉 慚 慶 共為 未能 存 7 丑. 兩 克 又 句.

池 文 振 殊 先 心懷劇 宗 金臂. 光揚 遙 切語吐真實良由苦 摩 法 容 道。 頂. 但 恪 安慰之也。 守 一受嘉慶二十二年佛成道 成 規謹 仿腳 海濤 抑 或 冰 未 迹 業風無定此生錯過. 而 敢 己。每 私 先 導 生 師。 厭 必 離。 待 竊常 彌 後 陀 私 世何 同 祝 老人 至. 追。 始 現居 更祈老人于 攜 容 手 蓮 往 邦 育 何 珍

華

上

無量

光

中遙相攝

H

不肖了睿謹識

愿日 余輯 行確信而 徹 師 遺 稿 愿 成。 或 打 在其中矣憶昔從學單華藏夫子請益當世諸大德即耳都 問 念 佛 往 生之道 有 要術 乎。 余 E. 有確信而 已 矣。 、淨土三 ~ 資糧. 中徹 日信日

出 眾 信 以 以 苦 阳 之 無 夫 耶。 X 聞 善 之 淌 所 異 薩 今 生 于 宿 名。 咫尺遽 死。 語 程。 道 歟。 香 繼 風 用 徹 然終 興 承 其 浮 見 語 以 淹 余 至. 師 貫宗 起。 遠。 嘗 空。 臨終 悲 俗 纖 聞 之 後 致 七 以 交 激。 法 疑 羈 四 未 有繼 不 照. 震 者 H 之 歸 確. 臂 往 不 教。 少 日 也。 得 而 生 果 m 如 頃. 也. 反 列 康。 自 X 生. 彌 疑 其 失 之 行. 宏 數 遠 一髮白 月前 門而 祖 若 陀 之 種 悵 揚 永 傅 耶嗟 淨土 位 明. 公 聞 緣 親 種 載 慳者 者 開 省 此 變 接。 舜 或 止。 確 殆 常. 淨 黑。 繁密 則 夫. 者慕之丙寅 而 囑 即 過 ·人之戊寅· 娑婆 不 蓮 土 仍 舍 報 外 其 有 nJ 授 池 法 利 終 護。 不 實. 多 遺 思 門 知 鱗 境 次 卒 生 忍 北 也。 爲 土 齊。 霍 砌。 現 第 至 濟 善 適胥城 然猛 諸 佛 諸 境 宗 之春. 初 遊 此 懷 根。 燕竊. 菩薩 務則 苦 師 祖. 則 疑 皈 風. 省. 出出 而壽 曠 爲 其 自 敬 眞 貝寶巖 淨 後 步 接 預 悞 = 遊 益 幸 時 宗 武 眾 引 促。 獲 п 知 寶. 甘 南 子 登 自 禮 後 見 之 忍 且 稍 台 九 時 先生 至之 京 塵. 座 祖。 加 眾 確 以 知 教 知 發 余 位 努 知。 也。 待 海. 攜 矣。 有 續 維 者。 力 往 然 確 大 不 至 死。 最 師 以 吁. 徹 殆 今 生 猶 上 心心 覺 則 也。 集 之 師 生 幢 確 者。 涕 來. 師 師 不 師 往 念 以 乏 確 旛 信 孰 己 行 生 泗 余 ---佛 T 1 之捷 履. 人。 瑞。 之 不 移 盈 獲 悔 警 之獨 當 空 難 讀 伽 盡 加 憤. 徧 居 陀 自 生死 惕 未 布 m 生 徑。 焉。 紅 何 相 來 古 支 有 當 見 來。 义 無 歎 螺。 沿 那。 或 常。 也 諸 如 年 其 相 足 誰 若 之 m 是 以 思 m 大 距 示

松濤 備 體 開士謂宜 而 已蓋以資天下後 重合梓 念佛僧。 以 廣 世會宗教 其 傳首 淨文長老之戒子也清 捐 而同歸淨土尤當於三資糧 刻資若干途 澤兩 集之精 談宗教 中決以 淨者刊之其餘 確信 往 生為 先 雜

既望 虎林 \_ 一寶弟子 錢伊 庵謹 敍 務

故

也。

松

師

權力

X

四

天目

嘉慶二十四年歲

次己卯

夏六

月

云所愿 錄. 同 湮 徹 要 刻 治 沒 悟 語錄. 原 于 七 不 見 文 金 年。 傳 者聞 乎。 特 陵。 杭 洵為淨宗最要開 光緒十 附 州諗 以故錢伊庵居 于十 者。 同 四 皆深 要第 六年揚州貫 師 依 入 伊 + 淨宗 之 士于 庵 示。倘 後 本。 仍依 法 通 重 嘉 在蕅益老人前決定選入十要然具法眼者肯令此 界直 和 慶二十四 刻 倘刻 仁山 于 登上品蓮臺庶不 杭 海土十 本. 州。 年擇 但 同 治 加 要依仁 錢敍 要節 + 年 于首 "各名徹 楊 **夏徹悟老人一番大慈悲心** 山 本附于十三 俾 Ш 悟禪師 閱 居 者 士 咸 又 要後 遺稿 稍節 知 此 書 以 之改 刊 之 行。 布 名語 今排 源 南 委

也民

國

+

九年庚午仲冬釋印光識

# **法**語

# 小 衆

無 便 不 在 念 來。 切法門以 必定見 以 念。 念 X 其 佛。 相 以 九 現 中。 如 應 法界。 無 前 信 此。 -念佛念 念 念佛 不 佛。 解 念之 更無 念三 修 الان 不 明 體 證 非 假 النار 念相應 外 110 惟 淨 方 乘。 俱 爲 全真成 故。 佛 便 11 攝。 便。 要。 念六 毎起 之要乎。 獨 一切行 大 自 證。 念念 小 得 自等覺已還。 凡。 妄。 諸 ريار، 念爲 全妄 不 佛。 ---門。 乘 開。 念 句 以 如 \_\_ 一受生 人 刨 切 佛 珠 此。 淨 真終日不 諸 號。 下於 天。 念 心 皆 便念 爲 經 佛 之緣果知 之 悉 濁 攝 非 要。 三途不 要。 有 悟 水。 明 然 變終日隨 念。凡 罄 修 濁 心之 Hil 兩門 無 水 明 此理 起 念 不 不 安 انار 鬼 盡。 之 平。 之要。 \_\_\_ 得 而 念。 緣。 要。 畜。 復 然 1. 清。佛 不 必 便 夫 则 次 1IIE 念佛 不 念 落 悟 淨 \_\_\_ 如 + 地 隨 旬 號 則 心 念 者。未 狱。 佛 投 之 州 信 佛。 界之緣 以 陀。 於亂 史 要。 憶 在 之有 凡 無 非 其 亦 佛 念佛。 有 在 至 中。 心。 無 业若 要 亂 念 有 IIII 舉 如 出 ·L. 念 之 修 心 念 現 不 此 前當 佛 道 則 + 不 佛。 心 得

當 相 墮 人 卽 相 能 密 畜 應。 法 念 應。 與 自 卽 生 界 聲 平 卽 檢 隋 法 也。 聞 念 等 矣。 點 地 界。 若 苦. 法 大 修 日 或 獄 界 薩 慈 用 法 以 戒 也。 法 大 緩急相 所起之念與 界也。 善等 或 界 悲。 與 也。 依 + 法。 以 几 E 兼懷順 恶 华 禪 無 功 者。 心。 八 我 德。 何 定。以 卽 與 心。 以 界相 殺。 1 1 慢 與 及 盜。 品品 勝 及 + 萬 應者多與行 始。 + 負 上 德 安 恶 口口 之 因 洪 ونا، 言。 相 + 緣 名 綺 卽 應。 善 相 相 何 語。 便 落 相 應。 應。 界相 恶 墮 修 應。 卽 卽 餓 羅 念緣 口。 卽 念 應者猛。 兩舌。 鬼 法 念 佛 法 界。 天 覺 法 貪。 界。 若 法 界也。 法 則 嗔。 若 界 以 界 邪見是。 他 以猛 緩 也。 也。 能 日 輭 若 以 與 安 熾 、菩提 心。 無 與 身立命 念 反 الناء 我 五 此 與 1 戒 心。 心 品品 則 上品 相 觀 之處 + 爲 度 應。 祭 恶。 + 萬 即 几 善。 惡 念 卽 諦。

中 道 境 所 切 見 境。 雖 境 山 苦 界。 有 不 川 樂 優 現 惟 人 相 降 業 物皆依夢 間。 不 乘 所 各 山。 之 感。 隨 要 境。 惟 便現六 其 背 ال 心所現。 業。 受享 所 冬 現。 小 凡 法 卽 若無夢 之 不 樂 其 同。 境。 m 現 已。 不 處當 鬼 現天 1L'io 畜 必無夢境設無 之 界 體 境。 諸 人 卽 心。 鬼畜 苦 天 老 所 凡 樂 現 之 在 之境。 小 境。 有 夢 至 便 الا 不。 境 於 現 但 亦無夢 地 地獄境界佛及三 能 唯 狱。 受用 無 則 境 心。 純 禪 不 故 定 現 知 極 五. 佛 ال 苦。 欲 境 外 之 如 乘 便 無 樂。 所 現 夢 人 現 九

勞

更

問

人

有 境 無 外 ال 無 境。 ونار 曾 全 無 境 無 卽 境 心。 全 いい。 果 11 必 卽 從 境。 若 因。 因 於 必 因 剋 中 祭果當 果。 带 真 知 須 此 觀 心。 الناد 設 境 於果 因 果 處 ---驗 如 因。當 不 之 須 理。 觀 而 境。 猶 故 不 日。 念 未

佛 求 牛 + 信

能 皆 所 長 而 鑽。 胎。 不 真 廣 磨完。 尤 應 故 難 驢 發。 爲 利 الا 出 刨 倍。 出。 皮 生 羣 離。 有 今 久 地 袋。 胞 切 死。 淨 生。 痛 經 未 彼 獄 馬 胎。 開 發 無始 等 安。 念 皮袋。 長 時 捨 菩 亦。 者。 况 與 生 長 吾 刧。 皆 提 恩 我。 大 死。 何 m 何 皮 爲 ويار 不 愛。 本 ال 如 苦 所 以 1 袋。 戲 何 山 不 喪 何 重。 不 取 論。 深 也。 以 验。 考 休。 七 取。 信 世 \_\_\_ 解 體。 則 佛 皮袋。 妣。 萬 此 間 願。 皆 脱。 外 如 苦 已 個 持 無始冤 是 交 不 救 來。 人 苦 切 佛 能 多 頭 煎 猶 身。 已 重 名 最 感 生 然 爲 無 不 苦。 號。 愆。 父 也。 爲 通 歸 蟻 堪。 + 無 何 諸 母。 然 六字。 無 子。 難 况 過 以解 佛。 未 我 救。 八 得。 輪 生 來 萬 最易 内 有 每 迴 死。 爲 釋。 諸 不 牛 刼 未 生 念 積切罪業 能 言 佛。 死。 後。 打 出。 好 佛 契合 若 我 之。 未 失。 難 不 法 不 求 衣 脫 一念 1 門 免 念 本 出 毛 鴿 肾 生 難 性。 普 卓 離。 之 身。 落。 大 死 以 度。 1-豎。 差。 而 畜 猪 死 綱 懺 唯 不 時 道 胞 -便 生。 宗。 除。 能 求 切 時 入 \_\_ 胎。 生 若 圓 自 衆 念 長 恶 狗 生 真 刼 利。 已 成 生 及。 趣。 胞 死 爲 善 佛 則 背 Hi. 極。 = 胎。 死。 生 根。 於 道。 在 内 途 鬼 何 出 死 難 下 理 牛 獄 易 之心 如 所 以 不 死。 時 胞 不

引 ال 彼 佛。 終 虚 且 願。 大 成 蜀 الناء 轉 土 願 贵 日 棄。 以 持 行。 熟。 矣。 思 之 隨 矣。 相 樂 我 果 念 佛 而 隨 然 慈 樂。 自 誠 續。 心 緣。 無 佛 名 於 所 後 欣 切。 然 念 母。 具 終 浪 號 求 修 ----以 如 如 念 樂 以 日 之 得。 生 矣。 切 行。 此。若 此信願 避冤 自 彼 佛。 不 無 此 之 所 行 老 切。 土 差。 變。 丽 미 因。 謂 門 諸 不往 唯 家 如 之 横 深信 不 不 必 之 障 之 歸 樂。 專 之 應 徧 待 感 中。 緣。 生者。 持 唯 ه رااد 故 囘 豎 我 問 見 者。 求 縱 勤。 執 刀 鄉。 觀 具 窮。 佛 佛 釋 其 有 釋 當體 持 相 無 娑 佛 如 而 往 迦 最 所 迦 名 迫。 婆 之 雜 奔 能 易 生 成。 如 如 號。 籫 之 اناد 無 如 無 自 之 來 下 終 來 喳 苦。 間。 持 所。 信 耶。 外。 果。 梵 手。 隋 便爲 愈 \_\_\_ 水 總 厭 往 彌 者 如 音 最 偏 陀淨 聲 久 火 之 離 生 也。 種 聲 易 小。 莊語彌陀: 是 愈 而 如 自 傳 况 相。 成 故 瓜 急 渴 堅。 深。 音 載 土。 得 决 就。 須 轉 九 求 思 如 臨 總 人 瓜。 無 至 稱 蓮 持 飲。 終瑞 救 離 在 現前 極 種 誑 性 世 轉 種 接。 其 穩當。 如 厠 語。 發 豆 尊便爲虛願有是理乎 果 饑 坑。 中。 切。 子。 相。 得 彌 大 念 能 思 久 如 班 以 念 至 豆。 陀 菩 食。 之 一句 如 出 我 班 心 響 極 提 世 久 牢 此 如 別 具 性。 必 尊 圓 心 是 獄。 全真 之。 病 懇 列。 佛 應 大 頓 也。 自 切。 苦 以 党 之心。 慈 聲。 者。 然 成 往 之 娑 欺 成 影 悲 大 則 安全妄 片段。 切 思 婆 生 我 念我 必 心。 無 الماد IE 境 良 之 哉。 隨 决 如 旣 緣 人。 藥 如 اناد 形。 無 以 發。 直 如 遙 具 刨 此 因 深 虚 應 須 110 觀 信 之 真。 願。 修 不

截 爲 正。 難 朝 痛 作 刨 m 經 快 佛 爲 作 是 也 耶。 作 佛 الا 哉。 夫 佛。 易 作 成 故 故。 \_\_ 佛。 易經 佛是 是 何 是 祖 爲 心 語。 佛。 云。 見 是 汝 理 性。 ---佛 是佛 無二 等 離 語。 الا الناد 言。 意 致。 想 較 佛 何 而 識。 之 禪 重 見 時。 靈 何 性 是 光 宗 作 輕。 الأر 迸 直 佛。 卽 何 露。 指 取何 是三十二 始 難 人 易 爲 ورياد 捨。 相 見 見 學者但當盡捨舊習虛其 懸 性。 性 若 相。 故 成 是豈非念 八十 難。 佛。 何 尤 種 爲 爲 好。 作 直 佛 豈 佛。 截 較 非 持 痛 之 以 佛 快。 想念 參 名 何 禪。 心。 號。 也。 平 尤 於 以 觀 其 爲 佛 佛 見 氣。 直 卽 依 性

試

玩

味

而

檢

點

之。當

心首

肯

是說

爲

不

謬

矣。

意。 萬 紙 紙 有 石 其 泰 年 1 霜 衣 衣 麽意。 道 背 遷 云。 ---裝 念 化。 用。 者 E 衣曰。 我 香 去。 衆 麽。 坐 會 衣 脫 來。 其 舉 詩。 餘 日。 不 JL 香 泰 烟 則 得。 不 首 虔日。 化 敢。 卽 盡 不 座 問。 Ш 不 處。 繼 山 先師 日。 無。 我 如 席 住 先 若 何 如 尋常 汝 師 去 是 持。 何 祇 是 意 不 \_\_\_ 時 解恁麼 教 未 得。 條 九 紙 衣 夢 卽 白 人。 峯 見 休 虔 下 不 練 去歇 去。 在。 會 爲 事。 去。 曹山 不 衣 先 泰 侍 解恁麼 去。 日。 師 云。 者。 堂 冷 乃曰。 意。 此 类 湫 1 但 左 來。 纔 右 明 湫 若 坐。 衣 掛 即 地 繼 紙 色 復 體。 衣道 去。 裝 ---住 開 古 萬 香。 邊 持。 目 法 者 香 事。 廟 須 悉皆 從堂 問 烟 虔 香 明 爐 日。 未 先 云。 下 原 如。 盡。 去。 師 意。 靈 過。 111 泰 來 日。 山 卽 未 條 泰 日。 會 如 日 化 白 何 莫 去。 先 先 練 假 是 是 虔 師 師 去。

P.

便

四 以 全 靜 路。 最 具 花。 有 何 巴 胞 方 此 體 違 念 何 無 足。 直 是 此 初 胎 念。 依 法 禪 此 順。 洣 法。 迷 以 妙。 \_\_\_ 時。 IE 念 界。 能 .真 則 胞 山 段 唯 昧。 有 如 之內。 起 於 故 H 胎 答 依 外 淨 精 何。 土萬 妄。 臭穢。 西 得 此 切 此 刼 云。 神。 Ш 方 横 如 念。 國 則 相 不 專 E. 兩鏡交 蓮花 借借。 土。是 阿 變 念 E 修 懸。 徧 未 الناد 彌 + 現 乎。 \_ 萬 天 念 是 念妄 是 地不 香潔 陀 方。 諸 此 人 妙。 衣 佛 光。 佛。 豎窮 去。 法。 \_ 故 便 求 念澄 足以 相 此 求 離 動。 而 珍 生 坐 \_\_ 含互照此横 末後 生 念 真 論。 此 淨 重 脫 喻其 極 際。 念 語 已 凝。 悟。 化 士。 立 返安 當 樂 離 外。 隨 也。 自 几 去。 淨 生 淨 否 過 實 勝 噫。 無 未 必 語 土。 歸 泰 絕 法 正 緣。 劣 與 穩 明 徧 正 非。 可 報。 真。 也。 矣。 懸 其 得 刨 大 當 大慈 十方之相也若約暨窮三 得。 是 佛 則 無 殊。 不 上品 不 法固 念 法 日 怪 可 原 此 况 借 界迷隨 時。 一念相 悲 乎 思 此 出 上 非 m 念 胎 了 議 西 心 永 借 生。 方 贵 念。 淚 事然 法 情 明 隔 臭 依 本 想 染 應。 出 陰。 穢 爾 大 更 是 合 其 正。 緣。 作 遭 具 是 痛 師。 胞 在 腸 造詣工 此 法 離。 則 卽 謂 主 胎。 人 之語 我 威 界。從 九法 起安 几 有 檢 大 何 大 11 禪 神。 難。 點 如 際。 夫。 中。 緣 依 界。 之 也。 法 哉。 無 而 不 則 後。歸 而 爾 而 報。 + 學 淨 殊 蓮 借 如 念佛 者 我 是 具 起。 方 非 土。 胞 紙 m 此 真 幸 此 此 緣 虚 + 借 衣 易易。 時。 功 داناه 勿 無 空。 之 人 敷。 進 香 刨 念 是 前 忽、 用。 自 九 果 勝 潔 問。 在 性。 動 此 史 諸。 錯 緣 蓮 能

如

南 佛 柯 時。 夢 亦 事。 卽 畧 成 類 佛 時。 班。 浓 此 生 理 時。 悟 刨 之 往 最 生 難。 時。 信 亦 之 刨 最 度 易。 生 但 時。 能 = 一際同 直 F 承當。 時。 更 終 無 必全 前 後。 帝 身 受 網 用。 珠 光。 叫 謂 難 參 齊 全 學 體。 事

定。 在 報 業 何 小小 畢。 而 人即 人矣 能 定。 义 能 切 以 所 然業 الناد 定 現前 能 造 作 合 縛 今 若正恁麼 能 業。 之 心 轉 已 其 發 乃 轉 時。 故。 境 業。 心 辨 極。 心 造 業。 唯 界。 能 矣。 11. 而 前境 念 於 與 则 轉 忽 心 -如 時。 佛。 已 發 所 切當 道 業。 或 心 能轉 來報 未能。 其 往。 合。 業 求 廣 現 心或偶 生 此 ال 大 故。 來 曲 心修 但當任 不定 業。 極 則 前 果 與 ال 佛 造。 樂。 無 境 報。 m 然 削 或 之 真 來 皆 合。 業 叫 唯業所感。 時。 失照或忽 境 觀 隨 奈 報。 的 便 實 之 皆 能 觀 依 何。 而 行。 11. 娑 轉 轉。 iE. 所 大 心。 無 察。 婆 或 業。 隨 幸 心 與 ال 200 定。 生退 轉絲 忽 持 而 佛 唯 業 不 分 受用 名 退。 合。 以 何 能 發 11 轉業。 心能 悔。 極 號。 الن 實 11. 所 以 樂胎獄 念念 現唯業所以 行 能 耳。 與 典 不 與 否。 有 道 轉 刨 縛 佛 爲 業 相 其 虚亏。 合。 いい。 合。 之 業 續。 機 則 則 故。 心 1川業 業 來 在 若 感 依 縛。 觀 心 能 報。 念 我。 能 故。 常 業 人 能 之 造 縛 分。任 轉 轉 IE 前 不 當業能 境來 縛 河。 業 業。 隨 為 心っ 述 则 刨 前 連 ال 心。 轉 前 作 而 胞。 心 業。 境 報。 轉。 削 便 與 不 境 來 縛 背 受。 卽 是 境 佛 來 報。 能 曲 有 卽 心。 合。合 切 樂 別 報。 定 前 爲 \_\_ 縛 人。 定。 業 邦 m 境 不 心。 定 來 自 之 如 來 以 縛。 心 不

報 依 然。 退是 忍 土 苦衆 生 也。然 則 我 輩 有 志 出 雕。 水 生淨 土 者。 11]

淨 哉。 異 雖 僧。 願 用。 多 食 他。 上。 一壽活 八萬切 爲 + 類 於 僅 明 博 來 生作威 餘 佛 魚 門 通 而入人道豈自願不能自度耶佛以四十八願自致成 地。 鳥 中以願 年。 經論。 復 法。 八 衣料 葢 萬 所 後 教 其 如無緣 能滿。 皆 以 所 武 大 驚。 刧。 受食之禽 發 耳。 至 大 爲 因 一發惡願日。 臣後果作大將 日。 况稱性之善願 最。 天 願。 無 此亦足 何其僧日。 報 乃 所 凡 既終遂墮 有願 囑 遇。 鳥昆 乃咨 日。 矣。 汝二 吾 者。 蟲 我 嗟 他 終 乎神僧傳 必能 + 即終於此 爲 日 變價置買 歎 軍。 也。 此戲發 此 年. 後。 息。 飛 願 當作飛 後。 貍。 滿。 傍 力 方 -入 如 之願 僧 之 食 乎傍僧日吾代汝爲 載 林 鬱 可 日汝學 物引其僧子 貍。 不 開 水 丽 僧於石 也尚終得 可 以 法。 藍 林食鳥。 弗。 思議 其 食 魚鳥。 習非非 佛 僧 也尚能 至一 佛前。 如 法。 入水食魚。 遂况至誠語 佛而我所發之願。 此 所 獨 戲發願 悪願 想定 深 囑。 不 以他 至 林。 之問其僧有何所 聞 弗 也。 於水 惕 禽 未 鳥昆 人之 + 成 所 然 E. 與 後非想定 發之願 [如今生 邊 而警。 年 佛 性 願。 蟲 果。 後 相 林 先結 攝 甚多 違。 奮 正合佛攝 始 下。 成逐 然而 毎定 開 彼 乎。 生 尙 蟲 之 蓄。 復載 死 有 法。 將成。 生天 處。 緣。 不 大 受 發 置 力 也 生 脫 化 無 汝 了。

能 悲 我體 世 速 想 佛 佛。 臺 H 生 發 我 念 生。 菩 後 傳。 願。 乎佛既 因。 最 願。 乎。 佛 薩 入玉 來接 欲 + 每 此 凡動一 佛 可 則 金 次見佛現身劉念曰。 徧 年 讀 則 信 念日。 珍 卽 臺 滿 汝。 後 直 傳。 重 在 滿 卽 以 三日 虚 來 以 念。 者。 其 衣 吾 接 易 空。 爲 發 莫過 切衆 金 中。 覆 後 一首肯。 前 汝。 願。 -信願 其體。 生精 + 珂曰娑 臺。 持 果 便 界種 精 生 欲 銀 得 可 一之願豈獨一 神。 旣 手 於 臺 進。 往生。 遂 往 安得 一婆濁 子。 真。 摩 志在 斷 戲。 者 世 生。 食念佛。 佛 易 可不珍重 行 頭 又 而 心之於衆 最 恶易 不 問 如 金 金 懐 况 臺。 期 不 塺 來 佛 口口 要 玉 滿 失正 愛 起 頭。 手 今 禪 至 而 有 平是日已 我 胡 惜 欲 生。 摩 至。 七 而 師。 不 之願 者。 自 我 玉 念。 衣 無 不 精 日。 思 莫過 修淨 所 遂泊 然。 願早 起。 覆 頭 感 議 是 乎大慈悲心。 不 乎。 佛 體 大 過命亦隨減。 然而 臺逐 生淨 光 故 至。 佛 業。 現 慈 刨 真可 即手 陰。 信 身 覆 大 で慰之日。 逝劉遺民。 願 隱。 體。 H 士。 悲。 念 謂大 摩 行三 佛 王 見 承 如 淨。 無 旣 其 彌 佛 事 鉴 一寸時 ·頭復念日· 種資 菩薩 有 慈悲父母 加 諸 卽 慈 汝 珂。 揀 佛 悲 依 精 聖。 陽 酒 擇。 東 進。 滿 佛 壽 界 肉 粮。 光。 緣 唯 切 林。 虚 日, 尙 無 安得 結社 十一 矣。 擇 起。 有 衆 空 汝 有 \_\_\_ 願 此 欲 志 + 之 生。 中。 寸命 念 字 党 念 年。 人。 理。 速 如 H 加 是以 盡 來 佛。 生卽 後。 當 染。 獨 人 此。 後 刨 之 不 衣 復 我 好 閱 執 日 見 慈 令 覆 銀 往

得 見 倘 不 大 彌 業 置 愛 陀。 有 乎。 佛 惜 在。 漏 倘 時 名 乎。 得 承 之 置 m 非 開 果 淨 别 知 乎如是 自 業 修 示。 精 食 三乘 面 而 神 其 奉慈 别 之 珍重 珍 取 聖 可 音。 重。 權 行。 珍 愛 妙 如 乘 亦 重。 惜 是 是 悟 小 則 愛 之 自 果。 浪 不 報 心。 惜。 亦 用 浪 深證 是 乎。 則 精 用。 虚 心 則 神。 亦是千 法 專 度 念 界延 光 念 而 佛 陰。 執 易 鈞 持 亦 一念爲長 感行 是 之

答。 佛 以 名。 勤 爲 光 如 刧。 陰 Im 意 鼷 促 業 籫 鼠 1 易 長 虚 珠。 Mi 精。 刧 m 發 度。 果得 爲 貿 機。 則 况 刻 念念 真 造 衣 刻 生淨 六 熏 刧 食。 凡 修 淨 圓 土。 况 生 親 融。 取 死 業。

號 壁。 教 夫 墮坑 Pol 乘。 見 必大 道 彌 陀。 落 而 開圓 今 壍 後 現 矣。 修 在 唯 解若依宗門。 道。 訊 淨 修 土 法。 道 但 而 發 門 後 則 必直 願 證 持 不 道。 名。 透重 然。 此 從是 卽 干 關然後 得 聖 往 四 同 途。 生。 方 得論 此 過 乃 + 古 修道否則是 萬億 佛 不 易之 النار 佛 佛 定 眼。 士。 便 論 親 有 爲 知 也。 世 盲修瞎 然 親 界 見道豈 名 見 之 日 境 極 練。 易言 界。非 樂。 不 其 免 撞 彼 土 哉。 墻 -若 有 乘 佛。 依 磕

自

也。

餘

修

道。

必

悟

後

依

法

修

攝

心

成

定。

因

定

發

慧。

因

慧

斷

惑。

所

發

之

慧

有

勝

劣。

所

斷

之

習。

所

能

知

見

也。

但

當

深信

佛言。

依

此

丽

發願

持

名。

即是以

佛

知

見爲

知

見。

不

必

另

水

悟

門

有

淺

深。

然後方

叫

論

其退與

不

退唯

此淨土門中唯以信願之

،نار،

專持名號

持

至

الا

居土 最 株 淨 出 不 至 初 業 便 億 懺。 離 中。 極究竟學者當細 省 永斷 同 卽 即爲 刧 横 求 生死 能障 居 悟門末後 矣既生彼-見上三淨 國 大 士。 重 道。 成。 一唯修 身後 罪 則 進修 故。 士。 土則常常見佛時時聞法衣食居處出於自然水鳥樹林皆悉說 决定 不 又餘門修道。 淨 心玩味 業。 待 諸 無路矣修淨業者。 Ŀ 發 往 乃横 慧。 善人俱會 生。 不須懺業 而詳擇之毋以一時貢高失此殊勝最大利益 出 得往 須 -界。不 幽 煩惱若 -生。 處圓證 不 斷 乃帶業往 便 斷 永 煩 見思煩 煩 心区。 不 三種 悩。 從 退 至 生不 轉。 此 極 不 同 惱 分毫未盡 徐門修道。 省 退。 須懺業以至 居。 要。至 生彼 生便補 極 同 徑 居。 則 先 心念佛 捷。 佛 分段 須 及其 位.。 生 懺 然 其 彼 生 證 也。 則 土。 死 現 淨土 入。 聲。 則 業。 不 至 盡。 能 若 生 現 極 法。 死 不 滅 門, 同 能 根 業

內 多 現 蛇 窮人 乎。 也。 根 之 錢 m 身。 妄 蛇 遙望。 上 外而境 之蛇。 見 現 見錢 其 者。 唯業 妄 界。由 難 人之別業妄 串。 知。 所 以易 就 感。 方而 而 唯 取 知 心 之乃蛇 至十方以及 例 見也蛇上之錢多人之同分妄 所 難 現 知。難 也。 錢 也。 知 上 遂 四大部洲三千大千世界皆 之 亦 瞠 易 蛇。 立 於其傍復 知 固 矣。 是業 然 則 感 蛇 一人 الا 固 見也一人之妄 現。 蛇 至。 而 蛇 得 也 錢 上 錢 此錢 亦 之 15 串 蛇 錢 見。其 携 也。 獨 乏蛇 推 非 去。 夫 此 妄 業 易 感 而 錢 非

淨 養 唯 樂皆 之淨 ال 之 唯 蛇 樂。 皆 心 旣 現。 唯 現。 便能 何 ال 不 現。 螫人。 捨 唯 唯 心 心 之 唯 之穢 穢 11. 之 苦 苦。 錢 旣 以取 現。 旣 則 現。 唯 遭 便 得享 大逼 いい 之淨 迫。 用。 樂。 非謂 唯 mi 心。 乃 之 唯 久 淨 11,0 樂既 經 便 長 無 刧。 現。則 外 甘 境。 爲 得 且 大受 八 娑 苦 婆 之所 用。 之 穢 旣 苦。 穢 煎 苦 安

唯 業 吾 强。 力 人 也。 生 業 死 力 關 最 生。 頭。 大。 惟 心力尤 種 力。 大。 以 者 業 心 業。 緒名 無 自 端。 性。 全 重 依 處 於 偏 心。 墜。 心 此 能造 الن 力 業。 也。 心 能 者 轉 如 人 業。 到 故 ال 債。 强 力 者 唯 先 重。 業 產。 力 此

也

哉。

師 卽 IE 修 往 雖 以 修 習 四 有 此 淨 淨 方。 乃 禪 業 業。 不 能 深 生餘 妙 授 時。 信 產 禪 貴 汝。 偷 於 道。 但當 達 處 若 深。願 磨 吾 矣。 以 如 則 [fi] 大 重 貴於切。 大樹 不 祖 師。 الناد 敢 師 忽 而 自 作 現 大 修 墙尋 以信 禮。 在 違 淨 謂 前。 本 淨業 誓 乃日。 深願 我 常 先已受 向 也。 縱 吾 切 西 則 或 有 故。 而 强。 釋 釋 心 直 \_ 歪。 他日若 指 迦 迦 切 重 邪 業 如 如 人 說莫能 來念 來。 心 强。 忽 見 倒。 惟 佛 爾 性 决 四 现 法 搖 不 方 成 門發 是 身。 佛 间 惑。 謂日。 餘 之 趨。 禪。 切 處 願 則 吾 受 境 他 汝 也。 先 持。 但 緣 何 H 說 莫能 捨 爲 報 終 置 念 身 重 終 念 佛 不 心。 命 4 易。 佛。 我 盡。 法 轉 定 加 若 翋

特

時

方便

耳。

今

更

有殊勝法門超于彼

者汝當

且置念佛吾即

爲

說勝法亦秖

口口

向

佛

苟 是 信 乃 素。 可 熟。 以 首 本 素 E 臨 得。 極 願。 此 п 願 陳 樂淨 果 常 佛 時 其 樂。 謂 110 白。 信 來 自 得 願 退 深 雖 我 淨 失往 願 也。 不 業 pl 矣。 佛 先 入 業 遂 謂 不 若 若 禀 祖 到 合 于 已 熟。 切 生 赤 受 現 + 掌 歧 熟。 娑 矣。 之 熱 身。 世 分堅 而 路。 則 婆 信 願。 尊 鐵 尙 臨 染 深 逝。 淨 如 此 輪。 不 夫 固。 古 終 願 業 緣 逆 旋 改 時。 當 臨 德 便 切。 順 轉 其 法 是謂 此 臨 雖 欲 門。 盡。 至 頂 所 時。 命 欲 欲 果 信。 發 極。 上。 對 命 彌 願 終。 得 重 倘 不 况 此 兀 終。 陀 染 以。 魔 心。 不 境。 淨 息 大 六 緣 而 改 此 王 而 欲 土 苦。 外 分 已 修 所 尙 能 淨 張。 天 不 盡。 願。 道。 存。 退 童 業。 强 此 現 失 則 况 虚 决 作 何 次 在 臨 世 妄 往 不 主 時 第 前。 業 邪 終 間 生 更 說是足以 宰 也。 接 亦 小 時。 必 之 張。 六 引。 乎。 不 雖 强。 小 願。 如 欲 皆 如 欲 逆 वि 心心 若 來 古 天 不 得。 輪 重 順 輪 雖 德真 童。 搖 去。 境 然 迴 故 Ŧ 有 界豈能 次 唯 此 境 則 惑 勝 勝 信願。 第 界 易 叫 專 之 法。 妙 謂 接 吾 心 純。 再 Ŧi. 耶。 T 引。 待 要 現 業 引 能 則 欲 古 此 佛。 在 强 轉 現 在 如 不 修 操 是 何 後 前。 故 哉。 前。 敢 淨 境 佛 之 亦 則 能 亦 信。 自 業 也。 現。 有 易 其 違 不 如 不

之 標 者 問 榜 日 0

有 禪 地 以 前。 夢 中 切 修 諸 道。 法。 悉 無 明 皆 大 如 夢。 夢。 雖 娑 等 婆 覺 固 猶 夢 眠。 100 唯 極 佛 樂 \_\_ 亦 人。 夢 始 也。 旣 稱 大 同 覺當 是 夢 夢。 修 眼 未 之 開 何 之時。 益。 予 苦 日。 樂

宛 迷 然。 者 與 其 夢受娑婆之極苦。 何若夢受極 樂之妙樂况娑婆之 夢從夢入夢夢 之又 同 夢。 也。 展 轉 nl

沉 平。 也。 極樂之夢從夢入覺覺之又覺漸 至 於大覺者也夢 雖 同。 所 以 夢者未嘗

斷 論。法。薩。 佛 以信居 生 去。 法 加 nl 楊 師 大 淨 知 日一信之 土矣楊後 作信心 少分自 海信爲能 初。 信 銘。 餘 心 入淨土一 以信 見 後。 之前。 仲囘 更不 切 賢 心一 史 之子問及 再 無 聖。 門。信 疑。 法。 善 但當遵信 爲 王欣然而 法。 尤爲 入 Ŧi. 道 仲 + 一要門也背下 囘 而 五 要。 去 位。 已。 以 去未久楊夢仲囘致 持 時光景及去之時節。 以信 非 其智分 名念佛乃諸 王仲囘問 爲 始。 之所能 信位 於 之 佛 謝。 楊 前。 甚 知。 况下 深行 正楊 無爲 謂 别 因蒙指 無 處唯除 劣凡 日。 得夢之日噫信 聖位。 示。 佛 故 夫 菩薩造 乎。 得 如 大利 何 然 生 + 得 所 之 益。 起 不 繫 時 今 間 信 善 菩

義 大 矣哉。

果 然 法 藏 此 爛 自 比 陀極樂 致 E, 成 對 佛。 世 非自性彌陀唯心 法 自 藏 在 轉 Ŧ 名 佛。 發稱 彌 陀。 世 性 極樂 界轉 四 + 乎但此心 名 入 種 極 樂彌 大願, 性乃生佛平等共 依願 陀 之 所 久 以 經 爲 無 彌 量 陀 長 有。 者。 刧。 不偏屬 深 修 證 習 其 大 佛。 唯 行。 亦 至 心 不 自 於 偏 性 因 蜀 也。 圓

時 旧 陀。 衆 醒 有 時 之 醒 佛 以 生。 之 時 悟 彌 人。 人。 憶 之 陀 此 以 非 之 人 心心。 11 心 叉 中 夢 耶。 如 屬 中 憶。 醒 之 但 協 人 則 夢 時 衆 陀。 也。 將 中 人。 生。 則 夢 見 衆 念 之 衆 大 人。 中 生 衆 生 當 人 夢 迷 乃 生 衆 漸 此 彌 不 心 冬。 中 醒, 自 陀 心。 醒 認 Imi 如 Z 心 時 夢 夢 彌 中 爲 眼 陀。 之 真。 中 人 豊 惟 大 亦 人 衆 一。 開。 離 衆 生。 不 刨 醒 牛 若 離 方 夢 夢 時 11 以 諸 中 中 中 人。 心 能 如 之 無 Ż 屬 人。 來。 憶 別 彌 衆 同 之 別 夢 陀 生。 人。 共 中 則 求 不 便 醒 之 應 爛 法 是 人 娴 時 陀 党 身。 所 之 陀 乃 憶 人。 离性 النار 衆 小小 醒 唯 夢 中 生 時 之 ---應 中 心 智 之 常 之 衆 中 人。 憶 人。 生 之 力 m 西星 别 耶。 彇

謂 爲 生 無 句。 則 增。 合 生 便 當 也。 决 合 之 定 演 則 理 爲 是 此 雙 生。 ---句。 兩 美 卽 去 事 則 句 也。 義 作 若 之 實 亦 理。 不 無 见 兩 謂 去。 减。 句。 句 總 作 不 謂 語。 生 兩 去 -事 則 句 而 1: 句 决 去。 理 看。 定 非 說 則 圓 融 生。 事 直 事。 生 以 F 耳 理 句 與 而 分 不 其 去 說 無 張。 執 爲 理。 生。 所 謂 不 事 去 去 則 則 去 是 離 賞 實 也。 卽 Z 理 則 兩 不 不 句 Ż 去 去。 兩 作 之 事。 不 傷 謂 理 去 1100 -若 句 不 Thi 牛 去。 看。 卽 如 不 執 雖 合 則 不 生 爲 事 生。 此 則 理 非 几 兩 决 圓 直 句。 句 定 以 养 作 融。 生 小 所 生

無

畏

亦

然。

此

乃

刨

卽

彩。

常

同

常

别。

法

爾

自

妙

之

法

他。

念

佛

之

意。

大

畧

如

此。

之

事

得。

何

也。

以

執

事

昧

理。

猶

不

虚

入

品

之

功。

若

執

理

廢

事。

便

1

免

洛

华

誚。

以

事

有

偕

理

六

見。之 功。 m 理 斷 見 無 之 獨 過 立 之能 患 深 故 重。 也。 故 以 不 若 有 執 生 爲 事 之 生。 爲 則 得。 墮 常 然 總 見。 不 以 不 如 圓 去 爲 會 不 不 句 去。 則 爲 隨 佳 斷 耳。 見。 鐵 常 雖 同 邪

吾 是。 者 終 此 遂 蛇。若 不 日 分。 約 大 -人 見 師 終 念。 則 婦 無 現 彌 云。 此 性 前 年 不 人 臨 臨 陀。 念 叫 渡 緣 -14 念。 史 終 者。 僥 終 河 生。 在定 見 倖 之 緣 失 則 無 何 非 m 緣 手。 + 生 人不 界勝 之 其 爲 致。 生 無 子 心。 心 \_\_\_ 孰 性。 生淨 刨 須存 念。 劣 此 墮 無 淨 懸 性 叫 水。 ---土 之以 士。 念 不 因 殊。 緣 受 愼 撈 更 m 生。 阿 生 生 已。 誠。 祈 乎。 子 不 苟 何 之 果 操 故。 達 生 處。 以 佛 心。 得 之 與 王 只恐 有 然 此 臨 之 界。 俱 惟 念 素。 終。 الن 便 吾 生 此 純 是 緣 没。 爲 九 故 念 趕 人 \_\_\_ 熟。 以 自 念。 吾 彌 慈 蠅 則 界。 輩 若 信 陀。 史 臨 الله 人 以 約 無 於 不 命 求 故。 及 異 終 此 生 拂 緣 得 耳。 淨 生 念。 時。 拂 生 خار 非 句 唯 土。 天 面。 無 在定 此 得 上。 性。 彌 念 不 夫 則 陀。 之心 見佛 念。 千 嗔 生 念萬 念 更 心。 佛 乎。 往 慈 遂 平 無 念 念。以 等 異 生 墮 嗔。 果 念。 爲 乎。 天 如 智 至 但 畜 毒 空。

不 觀 觀 作 經 經 是 是 九 النار الناد 作 作 الماد 佛。 不 佛。 是 是 是 九 ال 心 是佛 界等義 是 佛。 語 語。 俱 彰 旣 不 矣。 唯 舉。 是 噫。 則 言 觀 果 經 明 外 此 之 -經 理。 心 而 綱 不 宗 猶 作 法 不 佛。 安實 念 ال 佛 不 是 者。 是 釋 佛。 則 迦 吾 الناد 如 末 作 來 如 九 之 界。 代 何 الناء 是 時 也 教 九 大 矣。 法 الناء

綱 宗。 不 唯釋迦 \_\_\_ 佛 法藏綱宗實是十方 = 世一 切諸 佛 法藏綱宗此宗既透何宗不透。 此

法 明。 何 法 不 明。 所謂 學 雖 不 多。 可 齊 上 賢 也。

於 真 因 法 果。 無 而 性染淨從緣。 深 信因果者終必大 真既舉體成 明 乎心 + 性。 界則十界全體即一 此 理勢所必然也。 真是故善談心性者必不棄 離

名。 吾人 不 二生佛宛然。 現前 外 無名以名召德名外無德能念心外。 念能念之 本離四句本絕百非本徧一切本含一切絕待圓融。 心全真 成安全安 卽 無別所念之佛所念佛外。 真。 終日隨 緣。 終日 不 變。 不 句所念 可思議蓮宗行者當 無別能念之心能 之佛。 德 所 立

從者裏信入。

亦 兵 也 曲 殺生一事過患至爲深重一切衆生皆有佛性生可殺 矣。 殺 殺之漸但不 刧。 皆 所 何 所從來。 致。 由 是以 不 知 知殺父兄者由於不戒殺始 殺人之父者。 戒 殺 心漸猛。 殺之所 殺業漸深。 致。 X 带 亦殺其父殺人之兄者人亦殺其兄知人之父兄不 知 戒 漸以殺人以及 殺。 牲 且 也。 不 忍 殺。 殺其六 乎造重 况 殺人乎。 親。 業縱殺心結深 况 甚 而 殺 六親 積 爲 乎。 刀 怨感苦 性不 兵 大 忍 刧。 叫 果。 n 殺。 悲 刀

之。 應 見 以 不 之以菩提 噫感應之道。 於 戒 善 之 乎。 所 人 心 縱 道。 感 以 之。人 不 知 而 戒 心 感 不 六 應通 п 知感應通 亦 殺 盡言 度 以 者 於六 萬 曲 善 於不 哉。 行 心 道。亦 於六道 感則 應。 達 人 菩薩法 不 但 因 果 知 也。 知 感 果 之 感 界果 應通 知感應通於三世六道。 理。 應 見 因 果者感應 應之以平 於 於 世 現 出 生。 世 mi 等大 也我 間 不 也。 知 以恶 慈。 以 感 同體 一六道中 無 應 通 心感 我 於三 大 心。 悲感則佛 感則 皆名 之人亦 111 聲聞緣 生之父兄殺 也。 以 1 恶 法、 但 界 覺 知 الناء 之 應。 感 應 果 [II 應 我

須 爲 其 現 m 量 知 幼。 觀 墓 夜 宿 佛 者。 於 中 句 謂 義。 控 塚 鉢 親證 阿 出。 間。 甚 比 彌陀 渴 喻 遂 重。 何 其 甚。 外。 而 恶 明月之下。 能 理 佛。 知 الا 以 也。 也。 大 頂 吐。乃 戴。 如 唯 諸 是念纔 心爲宗。 喻 羅 悟萬 見清 之 什 得。 中。 大 此惟 師。 水 動。 夢 法 忽 七 喻 唯 1 失 汪。 蒇 心 最 ه المار 之義。 聲置 隨 切。 以 便 手 母 如 囘 鉢。 入 須 喻。 夢 掬 本 炎以三量楷定 · 遂 佛寺見佛鉢。 中 國 而 悟萬 飲 所 著 之。殊 述。 見 此 法 Ш 皆現 覺香 唯 JII = 心で 喜 人 量 量 高 物。 美。 IMI 者。 萬 頂 法。 麗 親 至 次日 別千 戴 現 証 元 之。 量。 也。 曉 比量。 差。 法 俄 比 清 皆 量 晨。 師。 而 乃見 念日 聖言 也。 者。 來 不 借 此 離 量 其 土 我 我 衆 參 年 也。 能 相 水

夢

離

夢

心

別

無

法可

卽此

叫

以比

而

知

現前

-

切萬

但唯心現

聖言量

理。事 無 前。 中 妄。 實 同 事 念 曲 具 真 造。 造。 折 所 11 有 集 ه، آر، ه 븰 而 則 中。 造。 內 事 謂 衷 說 之 起 體 如 本 性。 異 造 無 指 真 水 如 由 心。 團 唯 現 具 點。 唯 火 隨 方 有 如。 心。 者。 乃 心。 離念 + 前。 約 有名 人 以 佛 I 顯 理 同 萬 若離現 界萬 性。 匠 諸 第 外 理 具。 法 之 爐 經 實 靈 八。 四 異 具。 方 唯 皆言 以能 緣。 知。純 鎚 法。 相。 大。 事 有 識。 而 之緣造成 體同 前。 法 造 刨 若 事 千 無 界等。 成 此 造。 贵 真 集 無 所 不 經 造。 知 種 萬 有 始 心 諸 者。 理 念隨 名同體 若 無 本 種 體 法 識。 種 爭 論。 始。 食 也。 瓶 種 種 緣 知 不 皆 有 品品 今 子。 慮 盤 緣。 理 具。 真 極 如 言 能 故 則 能 異。 是 ·L'o 心心。 也。 鈥 具。 事 之名皆 造十 已辨 釧 不 唯 起 如 所 何 說 夫 通 之器。 必高尊本 於八 以 所 已 旣 心 諸 心 界萬 者。 之一 事 事 造。 約 E 法 此 現 識。 理。 叉 造。 所 現 本 堅實 行 理 以 名。 復 等二量楷 有。 堅 以 法。 秖 實 具。 理 造 理 故。 約 有。 卽 八 有 今 遠推 肉團 純 純 此 種 名 如 具。 理 具。 真之 尝 真 則 識 體 如 麵 具。 但 皆 金 定 無 真 心。 同 中 具 無。 الماد 離 有緣慮 始。 الناد 中 事 也。 妄 能 異。 本 理 唯 而 الناء 造。 本 具 10 今 已 也。 和 緣 揀 具 更 現 現 揀 名 合。 慮 定 具 外。 離 叫 約 前 真 異 堅 自 心。 真 成 可 别 事 有。 實 分 有集 成 造 卽 妄。 體 妄。 種 無 事 瓶 念 本 還 同 心 境 佛 種 所 外。 理 起心。 盤 造。 食物 約 故。 無 الناد 有 者。 者。 法 門。 中 釵 只 别 之 此 也。 本 如 卽 此 自 有 釧 所 若 有 諸 堅 則 有 之 辨 固 是 名 理。 之 具。 現 經 堅 明

無 爲 其 贵 合 百 子。有 法。即 法。 卽 宗。 壞 乃 庶 别 絕 非。 尙 唯 الا 旣 本 待 無 獨 於 ul ال 至 之全 唯 幾 有 有 爲宗。 之 唯 圓 雜。 絕 + الناد 平.。 真 體 真 界 虚 微 現。 融 如 待。 全 體。 由 11. 心 當 全 自 爲 萬 皆 叉 真。 八 名。 塵。 上 也。 唯芥 一宗。 萬 臺 以 法。 m 具 體 四 性 以 更 隨拈 古 + 無 相 無 الماد 唯 義。 哉。 現 之大 JE. 鏡。 界 好 唯 子。 以 古 前 有 ونار 絕 影 萬 外。 莊 心 顯 德 الناد \_ 待 切唯義 現 嚴 唯 念。 之 法。 彌 法。 用。 無 云。 實 全 時 重 各 之 彼 威 滿 無 如 心。 心横 果 卽 重。 各 清 非 義。 此。 故 音 真 瓦 圓 如 卽 地 以 俱 那 淨。 心 成 -融。 帝 徧。 الا 彌 以 中 成。 徧。 無 畔。 妄。 IE. 網 各 全 陀。 切 分 唯 全 不 110 如 不 圓 干 各 體。 切 際。 妄 容 唯 心 الماد 離 反 於十 豎窮。 融 珠。 具 互 義 唯 爲 他。 不 今 卽 時 迴 可 義 宗 含。 心 俱 世 真。 以爲宗 界萬 環 大 以唯 便 法 成。 俱 也。 門 終 交 絕 旣 用。 成 义 故 頭。 日 方成 待。 攝。 交 横 日 心 法。 衆 一道 爾。 -耶。故 義 若 非 此 羅。 萬 徧 句 生 緣。 法 依若 離 約 + 無 成。 現 終 法 真 阿 \_\_\_ 方。 定 絕 諸 皆 以 唯 唯 行 H 彌 不 待 豎 IE. 法 該 然。 唯 相。 1. 色 陀。 無 佛爲宗。 假名 窮 迭 各 遇 義。 唯 以 别 徹。 明。 變。 有圓 緣 若一 互 彼 \_ 聲 唯 卽 離 約 彼 際。 實 佛 是 相 卽 唯 此 諸 離 又以 宗。 諸 融。 望。 無 切 香 法。 爲 現 法 前 於 唯 宗。 是 當 唯 佛 絕 障 唯 隨 拈 爲 兀 絕 微 義 以 待。 味 不 無 體。 -念 句。 塵。 唯 1 動 絕 圓 礙。 絕 待 不 智 之 唯 觸 待 融。 各 待 絕 圓 成。 法。 切 其 各 於 融 芥 但 唯 皆 萬 體。外。 無

超 思 圓 乘 議 情 融。 賢 離 中 非 見 聖 離 不 爲 思 圓 所 宗。 議 融 見 初 差 也, 別 以 别。 义 有 唯 若 超 絕 11 約 情 待。 爲宗。 諸 離 圓 法 强虫。 見 次以 爲 圓 圓 宗。 融。 融 唯 圓 以 其 佛爲宗 該 但 絕 約 几 待。 句。 諸 絕 融 待 = 法 以 會 絕 圓 絕 融, 百 待。 待 非。 各 離 圓融 尤 過 皆 非 絕 不 爲宗。 非。 凡 口 情 己 思 末以 超 聖 議, 見 今 超 之 切 共 情離 合 所 衆 能 爲 生 見爲 情 及。 宗。 故 妄 宗總 總 執 則 著。 江

厭 不 所 此 此 始 有 極 其 真 足 修 四 五 至 -E 然 種 周 念 重 也。 因 宗旨。 平。 種 佛 背 盛 兀 也。 無 叉 法 分 非 熱 法 此 其 門。 方 華 之 則 次 開 婆 行。 嚴 是 成 示 羅 党 殊。 揀 如 悟入 選 門 者。 非 以 天 七 皆念 普蓋。 句 趣 等 以 因 圓 沈 佛 萬 果 彌 通。 無 陀 淪。 知 量 行 佛 似 示 字。 地 正宗宗旨豊 門。 向 成 佛 因 法 普 此 佛 見。 然 華。 行 該 皆 此 擎。 則 之 莊 也。 盡 妙 非 嚴 明 丽 無 無 顯 行 始 末 餘。 五 有 示 -後普賢 魔 易言 終 四 130 也。 毗 乘 人一 擾 後 唯 盧 佛 + 亂末後 哉。 果。 歷 境 -4 六 念 此 以 位 法。 界。 + 能 佛 + 此 萬 因 法門耶。 聖 出 無 行 大 心。 云。 非念 有 位。 量 願 無 其 人身 圓 門。 外。 王。 楞 非 佛 導 滿 الن 不 嚴 具 菩 卽 歸 行 而 在 耶。 提。 最 念 極 其 四 不 樂爲 重。 歸 初 佛 華 趨 中 門 嚴。 無 顯 向 者。 波 所 具 全經 果 示 耶。 如 華嚴 羅 得。 藏 婆 覺。 法 證 華 須 性。 四 大結 于 瞬 佛 明 密 全 息 地 成 經。 經。 女。 卽 之 從 位 雖 佛 無 穴。

顯 總 未 經 妙 而 而 佛 學。 此 非 示 覺 K 是 成 而 方 念 本 已。得 佛 有 佛 代 人 他 罪 法 淸 者。 時 方 非宗 門 淨 非 教。 障 PP 應 哉。 法 總 鼻 門亦念 藏 念 地 至 身。 -大念 十二 如 法 消 獄。 乃至 佛 身 滅。 佛門 變其 之 横 佛 部。 半。滿。 \_\_\_ 窮 徧 法 , 耶故合二 字。 豎 門 地 盡 晋 權。 獄 + 窮。 耶。 所 方 不 至 無 實。 受 喜 所 偏。 無 如 派 間。 聞。 不 禪 苦 圓。 徧。 五宗 宗。 頓。 因。 靡 爲 棒 不 m 達 漸。 參 千 安 經 打 磨 種 殺。 禪 七 大 種 樂 歷。 百 法 或。 若 與 人。 師 則 門。 此 能 狗 要 四 須 公 則 子 來。 無 案。 念 喫 時 但 非 徹 等 時 不 當 顯 始 將 過 徹 語。 現 此 E. 示 皆 前。 指 直 終。 法 唯 門。 點 指 唯 顯 頭 心 當 於 頭 人 自 示 人 念 法 相 الن 性。 末 身 應。 圓 佛 刧 本 見 向 此 源 性 成 法 中 門 開 1-何 11. 便 無 也。示 在 性。 勝 了。 1

念 何 處 佛 謝 法 無 門 之 私。 外。 灰 以 路 彼 桃 花 去 來 風 動 雨 靜。 後。 咸 馬 蹄 率 此 無 地 道。 澼 百 殘 姓 紅。 日 用 m 不 知 也。 別 謂 氣 不

不

唯

宗

教

兩

門

如

是。

卽

普天

之

下

士農

T.

商。

諸

子

百

家。

縱

不

欲

念

佛。

不

知

佛

者。

亦

不

能

出

於

言

含

有

萬

靈

象。

妙

方

便。

是

真

念

佛

心。

往

往

無

知

之輩。

謂宗

門

中

人。

不

宜念

佛。

此

不

唯

不

知念

佛。

豈

真

知

宗

哉。

念。 爲 真 爲 F 手 牛 方 死。 便。 發 、菩提 四 以 折 160 伏現行 是 學 道 煩 通 惱。 途。 以 修 深 心 要 信 務。 願。 Fi. 持 二以堅持 佛 名 號。 爲 四 淨 重 戒 土 法。 正 宗。 爲 入 道 以 根 攝 本。 ル 六 專 以 注 種 而

種 苦 行。 爲 修 道 助 緣。 七 以 心 不 亂。 爲 淨 الان 歸 宿。 以 種 種 靈瑞, 爲 往 生證驗。 此 種 各

以 况 宜 信 大 勇 不 壯。 衆 人 刧 痛 所 猛 不 願。 身。 得 以 道 生 及老 關 來 力 猶 何 男 爲、 講。 所 切。 係 生 行。 曲 不 幸 子 能 以 修 身。六 决定 淨 者。 死 信 死。 耳。 輪 信 而 景 業 不 也。 聞 眼 但 業 迴 難聞之佛法聞 真。 之所 凌 根。 得 願 根 失 者。 者。 生淨 具足尤 凌 則 人 總 而 六 不 從 哉。 之 無 見。 身 道 可 荀 者。 此 士。 生 行。 耳 也。 不 之所聞。 决定得 如大地 非 永 真信難信果 猶 難。 餘 知 障 斷。 弗 聞 趣 也。 之而猶 道 旣 願 佛 衆 見彌陀决定證三不 土。 緣 -也。 法 無 生。 生 已 爲 非 薄。 行 生 補 真 而 不 難。 世 人 驚 肯 佛 矣。 況 間 身 死 不 順 業 矣。 願 猛。 信。 聞 塵 者。 苦 至 輕。 自 猶 勞生死業緣 如 不 彌 樂 久 能 弗 深 爪 極 陀 〇所 尊 爲 行 名 E 種 切。 貴 退。 也行 土。人 善 願 號。 障。 可 惜 决定 根。 無 果 淨 無 之所以 身豈 宿 上 也 土 耳。 暇 切 妙 矣。 哉。 佛 因 法 向 法党 不信姑 門 覺。 生 行 易 深 道。 補 尤 厚 則 自 不 得 nl 易聞 佛。 猛。 者。 便 能 難。 乎。 以 得 置。 曲 何 何 旣 猛。 整 以 圓 得 願 即 乎。 道 真 幸 ال 生淨 能 成。 不 如 得 衆 慮。 切 而 信 信 生。從 爾。 此 切。 得 人 趣 士 願 者。 難 菩 然 願-身 吾 念 已 矣 信 得 提。 加 之 生 人 真 曠 所 之 難。 以 而 唯

無

刧

來。

業力輕

重。

善

根

深

、後皆莫得一

而

知。

但業力由心轉變善根在

人

、栽培是故

宏

皆 不 不 佛。念 無 佛 悟 牛 應 何 法 體。 念 必 الا 慚 念 愧 所 但 樂。 佛 п 得 轉 乎。 憶 已 念 佛。 不 唯 我 不 切。 念 愧 受。 我 可 逐 念 雖 久 奮 變 善 佛。 心。 向 境 於 悟。 業 巧 不 念 故 不 無 發。 念佛。 長 懼 之 是 力。 方 應 生 我。 佛 减。 而 皆能 可 以背 我猶 必 念 刼 乎。 هرياد 念 爲 便。 循情造 佛 佛。 枉 今 慚。 念 真 懇 切。 受衆 倘 以 同 且 思 攝 性 迷。 業 栽 切 之可 念 慚 體 知 化 佛 力 培 開 故。 我。 苦。 佛 業。 於 遭 雖 深 善 示。 ال 愧 我今懇 曠大 已 欲求 以 心 性。 怖。 我。 極 重。 根。 而 真 大 設 我 悟。 雖 學 念 旣 重 脱苦。 道 佛。 日 慈 今 刧 於 苦。 亦 善 聞 切念佛。 同 無 念 本 大 史 來。 佛 根 種 者。 故應念 悲。 體 於 所 佛 不 五 輕 種 不 有。 於念 念 逆 心 同 增。 尠。 緊 口 必 卽 佛 + 性 則 要 切。 今 佛。 我 不 體 以畏苦 雖猶 必轉 贵 佛。 念 依 恶。 之 心 亦 開 竭 莫 已造 中。 種 性 中 舊 力 無。 示。 更念我矣大勢至菩薩 憶 種 都 奮 埋 雖 之 迷。 祗 미 遭 念攝 頭造 中。 亦 النار 欠 之 重 如 無 勉。 業。 念 悟 業。 衆 雖 無 何 勇 言 佛。 證 種 苦。 所 也 往 無 化 何 受 耳。 矣。 所 於 種 所 不 法 减。 直 叫 不 佛 我。 業。 樂。 佛 現 入。 前。 求 如 知 造。 以同 必 悟 則 依 仰 雖 前 雖 但 何。 遭 舊 二途 切。 北 未 我 求 無 -言入 以 性。 來 今 從 於 體 增。 念 種 M 云。 感 故 7 者 八 佛。 大 以 種 頭 心 十方諸 難。 思 業。 受 悲。 順 性。 應 深 不 逆 耳。 無緣 性 الا 念 感 種 種 知 本 順 U 念 更 佛 憶 境 佛。 種 種 故。 念 與 佛 佛。 苦。 大 以 造 恩。 念 大 佛 界。 動 受 念 苦。 於 慈。 曾 故 可 大 同 والما

憶 念 佛 衆 念 生。 佛。 如 現前當 母憶 子。 子 來 若 必定 逃 見佛。 逝。 雖憶 去佛 何爲。 不 遠。 若子 不假 憶 方 母。 便。自 如 母 得 憶 小小 時。 開。 母 此 子 大 歷 士 生。 親證 不 相 實 違 到 遠。 境 若 界。 衆 叶 生 心 心。

洗 叶 膽 往 相 告 慚 語 愧 也。 矣。 我 今念 佛。 必得 不 念 見 乎。 佛。 得 見佛。 便脫衆 苦。 卽 開 悟有期果得開悟。 便 III 痛

之

佛

尙

मा

全 空之 念 無 別 具 圓 以能 功 佛 所念 1 之 轉 切 成。 之 妙 善 衆 妄。 圓 頓超多 念之 未證 11 之佛。 覺 滅 成 生本 念全 本是之 也。 \_ 雜 所 心本是全真成安全妄即 來是 本 切於此不信。 念 心 染 念 有 佛。 之真。 之 如 佛 佛。 障。 是念念皆然 佛。 圓 外。 真 而 善本 心本 實 破 無別能念 隨 悟 五 有 真同 有妄性 自 陰。 淨 具 圓超 之緣 الناد 然。 而未 但能 之心。 木 果 者求其 元空。 石捨此別修非狂 佛 Ti. 修。 全 念 濁。 能 真。 佛 念 所念 圓淨 分 所 本 -威 相 直 是 切 兩 之佛亦本 四土圓念 德 續。 忘。 捷 而未 善 法性本 心佛 其 神 痛 伏斷修證。 力。 成。 快。 即痴。 今欲 冥 至 全德立 熏 如。 頓 自 復何言哉。 於念念 斷元空 加 身。 具。 至 圓 但 被 有 圓 耳。 修 名。 者。 以 不 一之妄證 可 中。圓 久隨 萬 全 無 復 得 名即 句 行。 如 何言哉。 迷染之 佛 而 圓 伏 持 徳能念 本有 號。 思 証 圓 名 議 本 斷 念 不 之真。 雜 佛 緣。 者 真。 五 矣以是 未 住 之 異 心 丽 員 煩 外。 修 斷 行 成 本 心。 無 元

願 兒 祖。 使 境 問。 因 乘 緣 力。 念 之 勝 顯 卽 諸 之 特 佛。 與 然。 故。 密 方 留 時。 化 諸 佛 皆 此 老 時 百二十 衆 與 經。 有 必 經。 皆 生 衆 口 淨 更住 久 指 生。 有 田 土。 三人。 瑞 蒙 中 偏 歸 何 百 佛 而 有 故。 專 相。 結 令 年。 化。 緣 讚 此 發。 社念 廣 非 久受佛恩與 衝 故。 初 西 衆 度 此 الناد 方。 口 含 生 佛。 而 土 人 求 識。 衆 與 其 專 出。 願 夫 念 佛 \_ 生。 注 往 不 百 佛 佛 緣 無 生 緣 論 境、 留 深。 耶。 十三 他 謂 聲。 深 僧 答。 之何 然 經。 故 俗 昧 此 人以以 也。 不 男 易 非 m 獨 哉。 念 女 且 成 人 留 次 此 佛 老 又 故。 師 幼善 無 此經者豈非 漸 懈 則 兀 意 量 化。 陀 已。 + 也。 悪 凡念 壽 臨 八 乃 之人。 願 經 終 經。 金 云當 皆 羅 佛 爲 口 以此法 留 什 必 當 緣。 誠 瑞 最 念 其 緣 言。 來 經 應。雖 初譯 阿 處 强 分 門 道 彌 極 故。 明 嬰鳥 陀 順 指 下 滅 成。 + 手 盡。 鵡, 佛。 逆 念 東 示 易 林 苦 爲 我 八 此 故。 mi 以 八 遠 誰 樂 因。

大 我 世 慈 輪 間 悲 迴。 衆 生。 縦 以 110 當 以 其 其 同 處 急 心 在 見。 證 生 難 不 各 死 痛 過暫時 苦 有 輪 分 迴 之 故 限。 時。 耳三乘 離苦終非究 未 噑 能 114 普 父 聖 利 母。 衆 人。 呼 竟。 生。 雖 天 出 唯 滿 唤 生 地。 kul 彌 切 死。 不 陀 願。 無 知 大 十方 父 佛。 悲 但 母 得 諸 心。 人 天 無益 佛。 王等。 見。 雖 刨 背 於 證 頓 我。 不 諸 能 脫 窮 苦薩 法 救 界。 我 等。 永斷 然 生 雖 我 死, 感 盡 有

Z

感極

而

生

苦

攝

機

普。

入

道

穩

而

獲益

速

耶。

以

是

而

其

時

愈

後。

此

法

愈當

機

矣。

知。

念 根 遮 誰。 矣。 攔 然 唯 不 而 此 住。 念 ----萬 句 佛 牛 不 Boj 挽 難。 彌 不 難 陀 囘 於 佛。 頭。 堅 是 如是久之。 所當盡 久。 果能 堅 心 必能 持 竭 力 感 念。 者。 通 子 如 相 生 曾 應若其 鐵 有 鑄 偈 成。 五。 未能 渾 世 鋼 間 打 如 出 此 就。 世 用 如 思 惟 心。 ---便謂 人 徧 與 不 佛言 萬 念 彌 X 敵。 陀 無 驗。 更

衆 施 刧。 佛 身 不 知 修 無 知 心 多 小 難感 觀 量。 行 菩 也。 而 薩 佛 接 也。 之。 不 如是 佛 引 行。 於 知 者。 捨金 無量 則 衆 大。 夫 普 生。 忍 党 見 轉輪 方 人 刧 沂 可 爲 便攝 所不 前。 哉。 而 王 對 切 但 不 能 位。 見遠 衆 化。 世 得 忍。行 自 國 令 生 -生彼 也。 城 在 者。 念 人 妻 E 若 此 感 以 國。 所 子。 佛。 衆 通。 普爲 木生之常 \_\_ 然 不 頭 便 能 目 人 則 頓 惡世 腦 觀 如 行。 出 爲 之。 圓 髓。 分 生 修萬 界苦衆 佛 不 也。 死。 直 人。 知 則 如 登不 專 其 衆名 行。 BOJ 生。發 幾千 力 爲 彌 亦 退。 極 陀 我 穩成 萬 四 佛。 然。 功 純。 億, + 於 人 如 爲 嚴 八 諸 佛 此 也。 果豈 衆多。 成 但 種 衆 稱 淨 萬 大 生。 性 大 土。 願 易 行 有 依願 自 事 願 中 大 人 亦 致 內 恩 也 爲 外。 成 外 久 德 哉。 我 若 佛。 經 財 衆 發 以 分 布 長 生 也。

行

時。

佛

則

加

被

我。

佛

之所

以種

種

爲

我

者。

不

過

欲

我

念佛

也。

欲

我

往

生

也。

欲

我

水

脫

衆苦。

廣

應。

總

皆

爲

我

我

造

業

時。

佛

則

数

覺

我

我

受

苦

時。

佛

則

拔

濟

我。

我

皈

命

時

佛

則

攝

文我

我

修

也。

長

刧

大

爲

我修

也。

几

土

爲

我嚴

淨

\_\_\_\_\_

身

爲

我

圓滿

也。

以

致

頭

頭

現

身接

引

處

處顯

示

瑞

也。

法 比。 雖 樂 天 也。 地 欲 不 我 足 展 以 轉 喻 化 其 度 高 1 厚 切 矣。 衆 非 生。 直 聞 開 至 示。 生 安 知 補 此 佛 意。 而 後 不 讀 已 也。噫。 佛 經。 安 佛 曉 之 此 深 理。 思 今而 重 德。 後。 非 父 知 母 之 所

矣。

唯

有

竭

力

精

修。

盡

報

歸

誠。

拚

命

念

佛

而

復

何

言

哉。

己。

可

受

别 難 斷 鑆 故。 身。 -念 緣 靈 之 邊。 切 共 四 此 勤。 邪。 衆 起 知 難。 + 實 之 + 生。 故。 見。 也。 然 里 難。 爲 欲 流。 以 戒。 1100 外 此 使。 隨 此 + 况 此 衆 此 利 鈍 佛 思 + Hi 牛 靈 使。 惑 使。 爲 1 或 界 知 總 利 乎。若 使 於四 名。 緣 不 名 老 所 能 使。 起。 衆 或 使。 子 生 見 諦 少。 以 無 思二 然 各 發 久 如 知 1 以信 經長 見。古 動 自 歷 有 一惑。 = 立。 偏 輕 德謂 界 刼。 願 必 便。 重。 流 隨 髮 九 若 故 心。 貪。 轉 緣 未 帶 持 衆 地。 生死。 佛 盡。 有 之修 瞋。 起。 生 八十 癡。 見。 名 不 知 分 段生 道。 慢。 受 隨 號。 見。 但信貴 大 疑。 佛 須 八 但 界 苦 以 唯 此 死。 使 心。 見 之 佛 不 增 五 深。 緣。 能 惑。 爲 知 長 1 鈍 能 中。 願 便 見 出 八 邪 貴 隨 治 + 出 雕。 見 使。 此 14. 煩 曲 雕。 切。 九 之。 所謂 品思 界緣 佛 利 持 惱。 可 使 悲 决 見。 名 知 貴 見 豎 無 所 也。 起。 惑。 出 者。 但 生。 + 專 離 相 使 勤。 +  $\equiv$ 斷 應 對 卽 利 者 果 界 現 界 見 分。 惑。 如 訊 以 外。 前 也。 何。 甚 欲 鈍 卽 深 無 離 也。 如

熾

然

+

使

المار

但

置

\_\_\_\_

信

願

持

名

之

卽轉

生

界緣

起。

爲

佛界緣

起。

此

於修

道門

中。

乃

點

鐵

心。

中。

切

車

之

信

願

持

刨

是

以

佛

知

見

m

爲

知

亦

刨

是

念

念

以

佛

知

治

衆

生

知

見

成 金 極 妙 之 法 耳。 只 須 赤 體 擔當。 久久 勿 替。 管 取 金 臺 口口 以 坐 待。 實 蓮 不 H 來 迎。 是 爲 從 此

同 居。 生 彼 同 居。 横 出  $\exists$ 一界。較 之 豎 出 者。 不 亦 省 力 也 哉。

果 於 恐 行 嚴 度。 覆 耶。 把 命。 真。 是 句 皆廢 敗。 作 憶 願 BP 無、 可 近 念 不 明 彌 謂 於因 不 期 陀 似 長 忘。 第 佛。 間 發 夜 循。 耳。 作 之 是 而 等 敗於怠惰。 (或作只恐介) 爲 自 慧 阿 無 第 發。 燈。 伽 只 陀 血 無 件 將 性 藥。 暗 漢 所以 要 此 不 無 吾 事。 子 信 病 破。 矣。 常 A 不 願 但 不 論 得 在 曠 療。 是 生 大 所 法。 常 死。 刧 處 歷 如 受 來。 境 存 耳 意 大苦惱。 界靜 久 在 珠 根。 在 王。 心。 便 輪 鬧 如 爲 無 今聞持名簡 迴。 閒 忠 有 願 贵 忙。 臣 緣。 不 之奉 永 冬 但能 滿。 念 是 不 少 生 發 明 要法 念 念。 君 求 死 總 密旨。 信 苦 出 門若仍 皆 心。 離 海 孝子 爲 便 之 之 وريار 往 慈 미 生正 循 之 航。 修 相 向 故 受慈 應。 無 轍。安 道 因。 苦 信 只 不 父 الم

稍 成 所 淨 或 謂 業 執 -焉。 念 持 若 名 夾 到 雜。 號 則 者。 -النار 非 卽 不 執 拳 亂。 持 拳 也念 仍 服 復 膺 念 精 之 謂。 進 相 謂 不 續。 輟。 牢 無 雜 持 將 見 無 於 問。是 開 心 智慧。 m 真 不 發辯 精 暫 進。 忘 精 才。 也。 得 進 稍 輔 不 或 通。 己。 念 成 則 念佛 漸 間 入 斷。 -則 昧。 心 非 以 不 執

種

靈

異

瑞

相。皆

現前

矣。

如

蠟

人向

火薄

處先

穿。

但不

可預

存

期効之

心。

唯

當致

力

於

الا

不

至

種

員

持

也。

圖 耳。 心 不 亂。 乃淨 業 之 歸 宿。 淨 土 之 大 門若 未入 此 門。 終 非 穩 妥。 學 者 叫 不 勉 哉。

之宗 以 之 心。 圓 然 外 修 佛。 圓 念 球。 習 旣 無 劈作 實 所 融 不 不 110 故。 相 生 明。 知 切 但 全收 佛。 之 則 兩 知 法 心 真 以 土。 华。 門。 唯 無 法界 全 唯 離 萬 量 -貴 切 體 心 之則 法。 爲 乎 心念法 法 大 義 明宗 ---門。 用。 不 兩 真 不 横 成。 無 傷。 知 得 知 果 界佛 出 徧 合 萬 旨。 -豎 其 透 之則 爲 法 今 念 窮。 真 外 唯 人 無 念 獨 雙美 者。 唯 الا 量。 但 體 絕 心 哉。 此 但 知 待念 全真。 之 義。 也。 萬 旣 知 謂 是故念佛 則 不 轉 法 法 念 包 唯 知 山 唯 圓 羅 佛 無 佛 河 心。 定 融以絕待故 無 唯 外 大 不 外。 相。 土 者。 無 地 知 所念 之 必以 心。豈 遇 歸 心 宗 緣 自 唯 既 自 卽 唯 真 己。 萬 全超一 宗。 爾。能 成。 佛 知 不 法。 繁興 既成此 唯土 心 知 但 念亦 外 轉 知 大用。 爲 切法門 無佛 自己 心 宗。 宗。 然。 外 舉 是 若唯佛 哉。 則 歸 無 必全 所謂 無 謂 佛。 112 山 句 與 以 河 不 等 所 實 唯 知 大 者。 相 念 土 個 地。 佛

知 淨 生 局 之 佛 然促 極。 不 故 然。 其 平 等共 介爾 靈 知 微劣 横 有 徧 者。 也。 醫 唯 然 此 窮。 卽 廣 現 前 此 大 介爾 無 離 外 念 靈 靈 也。 知。 衆 知 與諸 耳。 牛 以 諸 佛廣大靈 隨 佛 以 迷 染 隨 悟 因 知。 緣。 淨 覿 迷 因 體 之 緣。 不二毫髮無 又 悟 迷染 之 又 之 悟。 又 淨 差。 染。 之 使 故 其 其 淨。

得

靈

句

Bol

쒦

陀

佛。

須

恁

麽

信。

恁

麽念。

方

是

小

思

議

中

不

思

議

1110

持 者。 地 諸 外 者 爲 而 同 無 頃 隨 本 名 荒 地 大 聖 慕 清。 悟 如 也。 雜 異。 宗 開。 號。 皆 鏡 鏡 風 諸 唯 田。 淨 陛 如 其 然 光。 門 靈 或 已 聖 耳。 同 也。 同 之 觀 先 唇 離 冬 光 內 塵 此 緣。 舉 الا 禪 獨 想 證 體 非 光 明 火 現 業 重 性 音 前 者。 露。 我 己 無 溼。 也。 有 也。 盡 容。 之已 靈 情 外。 以 乃 異。 溼 昏 異。 燒 念 首 = 毫 知 者。 故 者 者 清 檀 空。 於修 我 業 靈 無 指 靈。 水 濁 則 則 有 叫 取 之 語 之 使 雖 香。 知。 此 人 虔 不 著。 己 誠。 道 殊。 若 介 وناد 慕 本 磨 燒 默大 諸 方 糞 約 爾 所 見 靈。 六 動 性 之 溼 謂 性 性 時 靜。 而 所 原 聖 便 也。 則 Z 任 敬 皆 門 明。 臭。 知 成 與 此 知。 不 不 所 之 當 他 佛。 諸 堪 重 中。 光 禮。 境。 干 督 故 聖 己 念 昏 燒 F 傾 垂 便 聖 唯 平 靈 者 明 固 轉 範。 有 الا 靈 雖 雖 現。 等 皈 殊。 有 爲 欲 我 者。 多 知。 爲 門。 帶 能 廣 廣 我 曹 若 異。 + 無 命。 如 光體 有 異。 盡 若 但 有 水 垢 燒 狹 大 勝 天 時 亦 報 但 之 耳。 無 不 仰 Z 真 中。 遵 仰 垢 是 劣 外 不 慕 仰 溼。 火 佛 諸 之 之 几 慕 慕 非 同。 可 水。 如 無 不 也。 威 及 諸 聖 諸 鏡 靈 不 光。 水 及 同。 儀 自 平. 聖。 者。 聖 之 光 同 又 知 平 内。 若 矣。 拿 時 則 如 者。 光。 者 如 -造詣 獨 重 至 進 鏡 溼 約 如 本 有 如 口 之 能 露 110 緣 修 分 但 火 机。 ----出出 念 之 功 又 熟。 尊 本 濁 水 知 星 無 深。 感 佛 之 X 但 路 重 燒。 體 者 也。 之 悟證 應 矣。 拿 之 也。 火。 面 己 舉 n 清 知。 使 目 重 道 故 人 靈 體 水 濁 則 能 澄 交。 或 以 濁 全 者。 無 不 燒 用 心心 靈 專 異 者 之 山。 萬 知 有

尊 尊 乃 重 重 知 靈。 靈。 切 岩 諸 必 聖。 能 須 仰慕 仰 皆 久已 慕 諸 諸 聖。 聖。 先 一此則 證 唯 其 我 仰慕 之己 内 外 交 諸 靈 修。 聖。 者 IE. 尤 الا 佛等 是 不 拿 可 重。 重 不 旣 己 仰 無偏 靈。 慕 又 也。 叉 執。 仰 進 慕 外 道 諸 慕 彌 聖。 諸 速至 必 聖 須 内 於 尊 重 力 重 己 己 靈 極 功 靈。 者。 純。 若 夫 全 欲

體

相

應。

乃

先11

諸

聖。

但

不

過

先

證

我

之己

靈

而

己。

無

庸

仰

而

我

己

靈

者。

亦

不

過

平

等

齊

於

諸

不 外 聖 門 仰 遺 而 深 慕 世 諸 界。 人。 何 內脫 久 聖。 勞 之 乃 尊 善 身 必 重。 心。 皆 仰 又 有 慕。 不 念不 相 慕 雖 諸 應。 不 算重己 生。萬 聖。 切 不 不 緣 重 पा 妄 靈。 己 坐 生 蠻。 却 靈 執 真 者。 至 於 此 着輕發議論。 拿 久 謂 重。 久功 此 寸 絲 之 慕。 四 熟。 不 路。學 圓滿證 出 挂。 「奴入 الناء 者 佛 主。 自 入。 兩 是 諒 本 忘。 靈 根 徹 110 非 性。 獨 底 餘。 各 露。 撒 諸 不 隨 開。 唯 聖 好 迥 背 樂。 頓 無 齊。 妙 但 依 道 當 雖 倚。

而 成 障 礙。將 恐 謗 大 法 而 招 愆 尤 也 矣。

汚 知 者。 楞 染 識 伽 卽 之 造 爲 經 緣。 論。 向 云。 未能 皆 佛 諸 就 智 聖 頓 現前 所 故。 復 華 知。 其 嚴 轉 \_\_\_ 本 念 合 相 空 指 論 傳 耳。 點。 授。安 云。 須以清淨緣 顯妄 頓 想 悟 性 無 性。 本 念 緣 李 起漸而轉 也。 祖 起 夫 云。 無 安本 生。 心了 超 彼 之以吾即佛 华 而  $\equiv$ 不 真 可 乘 得。 權 本 有。 學 起 信 之因 等 非 佛 見。 論 云。 心。 此 而 念吾 何。 佛 若 但 經 有 即 衆 能 加 生 語。 觀 الناء 之 菩 久 無 果 隨 薩 念

則 考 靈 佛。 根 妣。 刨 源。 因 身 直 佛 如 果 世 雞 趣 之 從 界密 果 抱 因 來 卵。 海。 心。 交 隨其 然 如 深 徹。 則清 龍 信 الن 心念念轉變。 養 切 佛 珠。 淨 願。 法 之 專 不 爾 想持 期 緣。 小 無 如。 殆非 效。 過 名。 而 此 吾 不 亦 凡 者。 復 求 刨 心肉 但 速 不 ال 於 成。 叫 之 眼所能 念 思 果 但 只一 時當 佛。 議。 能於念 無 知 萬 緣 الا 見者 常 緣 大 念 放 慈。 恁 也。 中。 同 麼 10 齊澄 及 念。 ----體 念單 平報終 是 大 衆 名 悲。 提。 染。 本 無 命盡。 圓 自 1-如 深 救 顯 不 彌 妙 頭 本 叫 陀 禪 然。 空 思 聖 議 如 頓 衆。 喪 契 此 且

念 ه، بار 忽 佛當 現 一無始業 在 生 前。 四 或 障。 就。 種 現 此 ه،آره 異 法 云 香 難遭 何 天 樂諸 爲 難 久。 四。 遇當 靈瑞 無 生 始 相。 戲。 悲痛 以 # 來 人 方謂 斷。 النار، 造 業 四 佛 至 淨 如 此。 業 是 當 成 慈 就。 生 悲。當 慚 然淨業之成。 成。 愧 長 生 いい。 感 激 得 豈 いい。 聞 猛。 此 此 此 時 四 法 不 種 門。 乎。 當 疲 الناء 中 怠。 生 疲 有 欣 息。 慶

寂 中 念 m 止 觀 佛 照 時。 T 具 了 足。 不 分 非 वि 有 明。 别 有 别 念 此 想。 不 觀。 無 生。 有 止 卽 别 卽 定 照 想。 即是 因。 m 定 寂。 刨 止。 能 當 如 此 是 果。 念 者。 觀 佛 淨業 卽 時。 慧 須 心心 因。 了 了 慧 無 分 卽 不 明。 成。 觀 能 果。 如 此 1 念 T 成 分 者皆是上品。 不 生了 明。 卽 是 了 分 觀。 明。 念 卽 1

淨

業

亦

不

能

成。

長

久

不

勇

猛。

卽

有

退。

勇

猛

不

長

久。

卽

無

進。

淨

業

卽

能

成

念

佛當

長

不

可

間

間

淨

業

亦

不

能

有

久當

勇

可

干 ·萬億 人如是修皆如是成就念佛者 n 不愼乎。

剪 東

遺集

卷上

三四

#### 雜著

# 般若淨土兩門大義

般 從 是 存。 無 爲 空。 不 有 若乃即緣 從此 此則 本 同 聲愈有愈空。 性 知 兩 空之所以。 源 佛 時 門 法界流無不 心 說 空有兩門互 無 不 性。 礙。 但 種 即是 流 起 種 不 出種 愈空愈有者矣夫緣起性 又以性空故緣起若非性 般 相 而 礙。 若門無非顯 向 明 還歸 種般 性空雖 上圓 且 不 相礙 復 岩淨 选互 融 此 也不特於 性 法界也昔有人問雲棲大師云參禪念佛。 不 相 土法 思議 示 奕 成矣。 此 而 門。而 本 不壞 第 此。 卽 源 \_\_\_ 義諦。 種 空。 古 空。 正以緣起故性空若非緣 緣 الناد 何從緣 起淨土。 種般 所謂 性。 既在同時任運 佛 [1] 融第 若淨 說 萬 起此 種 象 乃 參 卽 土法門背悉指歸 種 \_\_\_ 義 天觀 性 淨 則 空 性 十. 諦。 便有雙泯雙存 即是當 之而 空爲 門。 m 明緣 亦 起說誰性 緣 無色羣音揚 無 起之所以。 起雖緣 如 非 人 本源 何 顯 本 之面 得 源 示 空。 融 此 心 起 心 若然 性 地聽 此 通 本 A. rfo 性。 之異 雙泯 則 去。 所 源 不 者。 緣 礙 謂 1L's 性。 名。 mi 起 性 師 無

用 答 融 工。 得况可更論其相成相礙也哉。 通 若然是兩 作 麽。 然 則 物。 般 用 若 得 淨 融 土 通著噫旨哉 兩 門既 唯 \_ 言 本 乎。 夫禪 源 心性不 者淨 唯分無 土之禪淨 मा 分亦且合無可合分合尚 土 一者禪 之淨 士。 本 非 兩 物。

### 西有解

者

不

得 具 叉 存。 空 執 四 空 着 此 則 妙有二諦 有 句。 義。 者謂西 有 卽 之常有也若謂一切境界循業發現即其現處當體全空此則 緣起性 故全該設有一句不超亦不能全該四句唯全該故全超設有一句不該亦不 不 空 諦 喳 卽 非 交徹 雙 方 有 空不墮有 存。 有 之 的 有 之有 該 非 的是有但含 得 空 也。 句。 亦 若 也。 句性空緣起不墮空句二義只成一法不墮亦 有 此 IF. 若 雙泯 亦 則 互 一奪雙亡二諦 空 四 事 理空 句。 句 時。 全超 便 諦 雙存。 有等種種義 之有 俱 俱泯則非 泯。 IE 該 也。 雙存 得 叉 非 此 時。 相耳若謂定 有 有 便雙 空非 性 非 一空緣 泯。 空 有 句。 之有 雙 起。該 此 泯 方 也若相成 非有而 則 雙存 實 得 有不可 几 有亦 句 有 同 全 句。 有。有 時 空句。 該 緣 無 兩立。 移易。 之 起 即非 礙 有 性 之 此 有。凡真 諦 有 也。 法 宛 俱 也。

唯

全

超

能

兀 有 有 也。 有 爲 超 皆 火 般 種 非 句 增 PL ---堪 若 邪 句 聚所謂毫釐有 固 空 1-句 入 如 見。 旣 是 句 緣 也。 道 大 通 亦 卽 有 因。 此 也然 火 是 之 四 句。 則 則 聚。 有 句。 有 顯 圓 全 觸 爲 句。 四 句 發 教 差。天 亦是 大 著 几 全 句 耳。 有 火 便 方 門之 亦 曾 聚是 地懸隔毫釐無差。 燒。 便 刨 卽 空 何 門。 此 四。 \_\_\_ 句。 片 有 執成 謂 清 句。 全 有 法 也。 凉 四 有 句 四 之 义 句 邊 邪 池。 亦 刨 新 四 非 見 是 不 固 方 得 容 網。 是 離 亦 哉。 依 有 火 執 永 四 有 此 JE 地懸隔 聚 著 얠 圓 句。 亦 則 莊 外 别 也。 嚴。 空 融。 空 西 又 道 句 句。 皆 有 不 有 日。 也。 凉 種 n 亦 有 者。 池。 般 族。 是 何 思 乃 切 全凉 亦是 若 議。 有 通 自 衆 爲 又 句。 生 如 性 清 方 亦 性 池 非 此 本 是 便門。 凉 有 有 所 有 具 大火聚非 亦 非 池。 空 真 本 具。特借 隨 等 空 便 空 善 方 入 句 句。 四 妙 聖 亦 वा 何。 ---有 賢 离性 入。 執 是 句 之 彌 凉 階 刨 陀 之 有 有 此 池 謂 位。 則 句。 大 四 也。 非 別 几 故 成 句

#### 相 相 離 相 心 心印 心 暑解

天

斯 原 ED 夫 境 無 逐 الناء 念 不屬 生。 念 真 泯 心是以 則 相 相 滯 離 相 相。妄 迷真。 依 頭 真 頭 起。 障 達 一碗背塵合 真 則 心 心 ·覺法法 EII 心。 惟 圓 其 通。 離 ال 也 相大 有 相 端。 皆 畧 歸 申 實 相。 卽

精微詳釋以俟多聞。

# 華嚴經節畧要旨

間 九 布 集 机。 文 法 按 方 卷。 之 皆因 做此。 古 品。 後。 門普慧雲興 間。 四 廣 德 + 收 域 佛 刨 m 几 也 判 九 經 記。 華 入 口。 卷。 爲 龍 嚴 分 其 此 來 次 六 經 中 Ti. 卽 經 此 宫。 今 二百 品。 士。 修 周 以 有 者。 會。 四 經 上 大 卽 有 --乃 問普賢 本。 契 以 几 分。 也。 晋 中 毗 上 次 果 分 曲 然 盧 唐 訊 盡 文 中 瀌 牛 中 本。 兩 精 雖 譯。 非 瓶 解 + 舉 那 信 本。 瀉 果 詳。 未 佛 閻 分。 如 備。 + 勸 今 陀 浮 其 來。 五 F 義 住 樂 古 波 偈 於 周 提 酬。 + 生 同 E 陀 人 品品 菩 中 奠 周 以 提 行 信 羅 ال 重 差 分。 焉。 圓。 塲。 力 世 明 别 + 所 第 譯。 能 界 因 因 巴 Hi. 神 初 向 果 周 而 六 持。 微 成 果 \_\_ 塵論。 行 + 中 會 會 + 故 JF. 平 卷。 等 地 所 之。 龍 覺。 相。 訊 存 等 信 \_ 共 毗 樹 F 七 天 七 妙 + 果 大 盧 乎 大 本 處 果 其 卷. 猶 遮 几 士。 九 覺 周 周 那 人。 口。 有 但 ---品。 文 + 也 法 也。 唐 於 如 卽 第 門。 中 龍 萬 來 音 貫 修證中因 前 偈, 几 八 共 依 叉 宮 頓 後。 記 演。 几 難 几 分 JE. \_\_ 圓果 中 會 共 出 + 因。 陀 稱 大 妙乃 託 訊 果 有 所 此 性 果聖 卷, 法 品。 七 法 。位 本。 法 離 非中 處 進 流 結 #

源 焉。 方 分。 + 所 修 始 信 也。 葢 請 五 成 然 圓 證 周 滿 果 行 法 該 入。 中 心心。 海 分。 苟 指 界 證 萬 中 Ŧi. 勢 善 有。 無 入 事 周 含 此 因 唯 財 中 几 是 證。 果 童 + 成 重。 前 子 周 問。 行 也。 令 心。 之 南 天 礙法界。 謂理法界 信 以前 覿 參 其 果 體 解 諸 現 周 事事無疑 全 行 善 證。 \_ 也。 俱 + 真。 知 爲 第 爲 識。 八 本 融 九 法理 虚 品。 會。 爲 通 也事。無 交 設。 雖 末 後 會。 會。 攝 故 廣 文 有 以證 共二 重 談 殊 是 本 重 爲 於 法 有 無 終焉。 + 諸 界 福 末。 盡。 佛 城 太 初 因 詳 果。 卷。 極 東 如 果 際 證 夫 但 來 緣 全 品。 之 令 大 現 起 果 經 塔 生 刨 相 六 之 廟 四 海 信 放 位。 亦 開 分 前。 光。 旨。 地即 卽 解 中 具 。前信 統 六 答 衆 起 依 干 。 妙住 生 惟 行 人證 諸 造 比 本 菩 0 0 二行 真 修 人 薩 有 丘 覺。也向 至 成 Ż 頓 法 心 部 界 念 0 此。

影。 萬 定。 果。 位 類 萬 法。 位. m 天 舒 德 風 原 池 萬 融。 卷 始 之 自 要 圓 行 融 曲。 終。 昭 滴。 二際 究 然。 不 味 不 後 礙 具 + 离性 乃 行 方。 百 强虫 布 乎 行 1110 縱 因 ----真 故 横 果 布 界 無 法 於 而 標 圓 磁。 界。 混 華 故 同 融。 + 藏。 # E 法 差 古 首. 别 無 界。 非 見 今 不 -毫 离性 染 万 從 淨 現。 华 此 等。 塵 之 無 法 始虫 邊 鄭 平 界 等其 通。 刹 流。 爾。 境 雖 而 無 交 差 佛 不 几 別。 號 羅。 還 重 毗 六 猶 歸 初 則 盧。 帝 此 位 直 網 法 有 舉 之 界 殊。 法 亦 界而 F 應 也。 隱 真 珠。 是 展頁 以 之 開 全 光 含 合 诚 衆 ال 無 因

Hi.

周

四

分

之金

文瀾

翻

於

口

海。

六相十玄

之妙

旨。

星燦於義

天。

可謂

教

啓

無

J.

阅

宗法窮

其

所能 經於微 瞽上 深 經不入一 岡川 之藏塵塵 理 於党管窺 窟 一德聲聞。 塵終 者矣故得若聞若見圓文殊智鑒於自心或誦或持啓普賢行門於徧 切餘衆生手論云唯付囑最上 是皆所以 樹 有待夫智 功德 미 得 而測認 之林。 者。 融 權執。 直 承叱命愧乏精思。 得 字法 引 生 大心之深意 門。 事 辨。 海 墨 大 则 書 心凡夫斯言豈無謂哉。 我 勉述大端聊備采覽云 而 即 也然則食金剛之少許。 善 不 盡。 财。 但使法 千 重樓閣指 界願 故知排斥久修開 聲 周。 爾。 彈 而 固 已植乎 誰 而 頓 非 淨滿。 界人 開。 非貝 聖 因。 經云。 人入 剖大 亚 此

如 體痛快直截二者參 欲 詳 明 者藏 中 有清凉觀 而觀 之則華嚴大旨無餘蘊 國 師 疏鈔棗柏 李長者合論其疏盡精微冲深包博。 矣。 而論得

## 楞嚴二决定義

唯 明 初 義 而 葢 後 根特相妄性真之別耳惟其相妄故領解之令盡惟其性真故可依而爲因然真旣 斷 示根中之池 修 有 要。 性為 性 者。 真因真因得而 六 根之 性 也。 不 後果證 變 之 真 也。 可 期。 結相者六根之相 義葢指根中 之 也。 隨 結 緣之妄 相 爲 惑本。 也。 斯 則

活 真 不 m 妄 妄 潑 變。 交 發。 元 則 融。 空。 妄 渾 性 刨 無 性 定 修 德 本 相。 雙 尤 空。 所當 云爲 妙 而 之旨。 妄 明。 動 旣 作。 無 性 緣 起。則 心 餘 德 心念念。 蘊 固 資 真 矣。 然 必全 修 性 德 則 也 推 而 隱。 修 此 顯。 約 也。 修 安 而 淨灑 往。 德 緣 根 全 起 灑。 而 身 依 真全 赤 世 性 界。 裸架。 德 物 隐。 而 了無定 成。 修 物 合 德 頭 頭。 固 門之 執。 真 不 夫 可 也 如是則 妄 義 缺。 也。 且 而 圓 真 觀 陀 之。 不 何 惑 陀。 則

不 戲。 何 果 不 成。 而 實 亦 無 鐵 無 不 鐵。 無 成、 無 不 成。 特對 迷 ال، 倒 見 者 强 分別 耳。

## 楞嚴頓歇漸修說

前 级线 刧 此 漸。 似 也。 圓 根。 云 云 相 菩 計 融 不 汝 提 懸 論 之 劣 但 理。 於 不 m 之。 涅 實 頓 滿 槃。 隨 分別 念 不 漸 慈。 尙 路性 歇 不 在 而 二之宗 也。 狂。 滿 遙 = 況 頓 慈 遠。 種 乃念 之 非 也。 相 顯妄 位。 續。 不 汝 性元 了 差 歷 狂 性 空 則 勝 刧 以 流 自 空。 於 辛 歇。 時節 爲 奪 Roj 勤 歇即菩提。 長 法 難。 修 證。 無 切。 執。 何 體。 歷 斥 其 雖 徒 迷時 復 刧 修 證 勤 聞 老 何 藉 似有 聞。 難 修。 而 劬 策 易 祇 漸 勞肯 真 益 帰 110 之 究 修。 戲 異 相 緊修證。 悟後 亦 論。 卽 懸 不 所 若 似 謂 令 本 路性 是 自 看 歷 似 于 耶 令一 圓 孔 此 刧 -念。 著 恭 漸 楔。 修 念 此 世 念 頓 念 應 也。 尊 歇 本 刧 病 據 阿 難 念 也。 頓 與

四

人

Mi

執

實

有。

Bul

對作

殊 羽 長 老 机。 Ш Mi 長 Mi 府逐 刮 淮 原 修。 祇 是一 则 111 悸顿 念。 復 歇 何 漸 念 修之說。 刧 岐 漸 之川 亦 不 容拈 旋 战。 111 [íi] 使 矣。 浴 怒 小 索安

# 楞嚴經知見無見說

楞 狂 少 不 直 類 無 便 休 嚴 得。 方 n 心 幸事 此 知 也。 得 頓 經 便 全 句 也。 效 諸 疾 歇 知 經。 義。 鄉 聖 也。 卽 見無 心空及 也。 得 古 不 此 風 所 德如慈 不 能 見 月 知。 成 取 見 盡 聞 有 轉 佛 一語至 也緣 第歸 誰 無 非 舉。 相 見 傳 非 明 爭 唯 也。幻子也 也。 圓權大道棲賢舜廣道者等諸此四句攝盡無餘所謂緊要處 起 聞。 授、 妄 也聞 爲 撒 無 無 轉 要 句。 餘 手 想 生 妙總攝 復翳 聲 到 身 無 也。 色 家 性 知 而 一师。 根除 之一 何 就 叫 呈 父 -所 餘。 字 也。 切 也。 君 似。 超 衆 臣退 歸 諸 直 也。 史 無所得 妙之門 要 根 無 入 位以朝 妙 如 旣 -何。 物獻 來 不 門人於大見道為 以 也。 也滅安名真 地。 佛 立。 其 君 算 刹 法 座 即 也。 無 無 堂 DI 那 父子 是 彩 所 也。 慚 而 登 兄 子 緣。 知 愧 心全修 狮 投 後。 好 JE 也。 根 Imi 果能 機 路性 皆作 兒 覺 塵 無 見 也, 也, 知。 孫 兩 君 在 也。 此工 體 亡。 不 也。 臣道合 性 華 念 是 自 得 靈 也愈 夫謂 屋 是 相 無 光 無 之 獨 不 心 知 應。 也。 小い 是 mi 歸 道 耀 7 也。 說 歸 1120 4116 110

心體道以其是還鄉要路歸真秘訣也。

# 金剛經實無有法發菩提心說

全 得。 牛 如 金 生即 剛 此 何 者。 發 爲 爲 經 佛果見到 所發之 有安 ه،آ، 圓 何 明 心 五 史 有 ه نار 故 眼。 全安 法 故 也。 洞 三心 叫 日 徹 三心一 得。 側 實 故曰實 無有法。 真。 旣 全生 不 段。 叫 前佛是 得衆生豈 無有法發菩提 發菩提心者又妄 乃 解 上文實 爲 不 復 發而 可 無 ال 得。 有 發。 الناء 衆 法 發菩提 示可 稱 生不 性開發阿耨多羅三藐 得。 叫 得。 則全妄卽真衆生不 心 者之義謂 誰 爲 能 發之人三 衆 生所 三菩提 可得。 10 以 爲 則 口口

### 一乘决疑論說

萬 生 衆 欲 千 生 得 苦海 億。 故。 不 修證 至 招 之慈航。 於 無 道 此 間 成。 業。 法。 凡在有情孰 仍 莫 無 央數 以 謗 平 如 等 刧。 來 大 行 正 不蒙益。 悲。 諸 法 順 輪。 \_ 悉 切 此 檀義 而諸子以依違之見肆口詆 古 難 行 德 法行捨 大慈 而 敷 衍 悲 之故 所愛 心 淚 之國 凡 出 \_\_\_ 痛 句 城妻 腸 -語 字。皆 子。 呵。 也。 障正法 頭目 良以 無明 腦 我 長 髓。 釋 瞎將來 夜 不 迦 之 知 如 其 來。 炬。 爲

忘。 益 迷 疑 雲 於諸子不唯有益 自 誤 能 而 衆 深 淨 生。 生 盡。 殊 隨 耀 非 喜。 佛 小 IE H 小。 於諸 使未 以 謂 重 其 子且深有益於天 忘 光。 無 未 誠 罪。 寧有是 通。 爲 定當 法 門 庭茲 頓 獲 大 下後 勝 金 以 益。 湯 世 矣。 乘之 故 當 之學者請卽流 知 此 是 理。 論 時 剖 之 也。 决 作。 諸 羣 疑。 非 子 特 通。 天 JE. 以廣 大 有 眼 光明直 益 法 法 於 執。 施。 法 果 截痛 得 己 通 快。 蕩 有

### 禮佛說

忽 道 趙 有 無 州 個傍 固 古 佛。城 必又 不 甘 何 東 老 的。 妨 搖 因 姥。 手 我 戒 道 禮 愼 汝。 乎 何 今將 苦何 其 所 苦。 垂 不 範後 彼 聞。 旣 恐 昆。 懼 十汝乃二 郤 平。 其 乃 調翻 所 不 五·。 前 睹。 某應之 古。雖 固 是 似 眼 截 同 鶴 干 棚傀 續 日。 鳧。 耳 儡 然 如 大家 亦 幽 不 谷。郤 無 不 補。解

## 紅螺普同塔說

沙 門 無 生契此者之謂涅槃是謂參學 者。 學 死 者 也。 夫 四 大 如 纪。 五 蘊 事 性 畢。 李。 所作已 生 本 不 辦。 生。 生幻 死 本 也。 不 死, 死。 是 幻 也。 之謂 涅槃亦 不 生 幻 不 也。 死。 以 達 幻 此 者 之 而

也, 此 合。 藏 生 骨 著 红 此土登斯 堆 此 骨 是 耳。 謂 堆。 本 色 不 收 臺。 道 唯 因 受大法樂得 無 結 人。 我。 觸 果。 卽骨堆亦 此 了 骨堆定能 幻 中 大自 之 空了 幻。 於 在。 經 而 此 百 云。 於得 骸未 則 知 證 幻 散 生 见 卽 本 時 聖。 離。 者 起 昧 不 宿 眼。 此 作 因 四 則 方 之 重 唷 便。 地。 淨 六 離 能 士。 凡。 幻 是 無 何 卽 土 知 覺。 念及乎就重 亦 也。 生 佛十 九品 無 漸 蓮 界。 次。 均 臺。 恰 九丁 日卯 何 不 與 臺 外 理

## 個菴老人生塔說

im 實 m 蹟 妨。 諸 Z 失其 頭。 詳 緣 擬 直 之何迂謬 無性。 時 將 陳。 饒 練見聞 之 實。 不 如 偶 屑 余 斯 Ė. 合。 於 會 從 之甚 亦 不 横 於 取。 何 F 然。 影 要 點 來。 與老 響涂 也。 載 獨 矣。 大 噫。 或日。 之 地 不 是不 人相 佳 聞 眉 絕 塵塔 話 古 目 子 有修 唯 也 作 於 見。 或 是 虚 將 不 猶 心溢溝 識 無縫 空。 安 說。 人 無縫 笑 認 寄。 理 塔。 假 E 固 無 生之 塔。 無縫 栽 善 相 橋 無影樹卽 矣。 1 無 假 塔。 影 然 名 望 生。 樹者 潼關。 色 則 爲 何 塔 建 身 實 此塔此 乎借 塔 法。 尙 法 也。 大 無 執 身 植 巧 遠 不 影 樹。 \_\_\_ 樹。 樣 事 樹。 非 在。 隔。 於鄰 亦 非 何 老 况 -夫必待 何 樹 人 行 塔 嘗 也。 苍。 之 m m 識。 意 塔。 乃 垂 論 嘉 IE. 以 歟。 人。 頑石 t 尺八 所 此 訓 得 竊 謂 塔 高 於 母 知 此 末 渦 老 執 樹 何 相 尊 幻 學。

親 抑 徇 見老 名 亦 刨 者 此塔樹 人首肯是說於言 世 試 ---於 而 便是 此 浴 乎。 心 如是諦 象 愈欠 、之表 念。 亦 觀久之。 矣。 流 (或人 相记 之。 退。 必 所 大有 III III 遂以是說質諸老 1116 以 縫 發 塔 明。 纵 至 影 彼 樹 人。 此 书。 老 即離 共 果 人 之疑滯。 笑 密性 m 此 塔 不 答。 廓 樹 然 爲 勒 m 別 之塔 盡。 有 自 耶。

年,师 恍 峯 學 隨 末。 投 然 律。 諱 石 誦 未幾辭 之。若 大 草 本 通 闡教禪師塔銘 受檀那請。 理字達天。 邑 悟。 米青 」妙音鐸 舍。 宿 巴 觀 去。 習然。 撰 徧 諸 法 開法於嘉興寺居無何。 家直 師 經。 華 遊 躯 講 新 向 衆 薙 席謁 染。隷從新 所 疏 稱 疑 至 異。 滯 方 衍 謂 河族趙氏父名士 加 法元 便 者 再 顯 品品 皆 來 如 香温來 人 洞 初。 珍公受學年 也。至 然 疑 復領香界之命。 矣。 情 等諸 歲 頓 年 云嘗閱 -+-庚 發。 老宿。 戌。 執 九。 筆 禮 出 侍顯 大藏母白氏敬 世 經 皆以大器期 山山 生 潰 旬。 申修三山菴爲休老 至檀 ---德 光。 詞 \_\_\_ 彰 住 律 越 難 之雍正 措。 家。 師 值 事三 + 偶 稟 餘 讀 具足 衆 三年 寶。 僧 年。 經 道 戒。 誦 師 至 所。 生髫龀 乙己。 逐 風 如 法 依 是 華 大 振。 相 居 座 經。 妙 師 乾

降

甲

有

終

鉢 六 世。 + 遺 曉 爲 觀 馬 重 1-疏 臨 年。 光 解 之 經 達 策 於 nJ 世 戒 資。 宸 行 嘉 過 夀 旨。 知 示 淮。 永 志。 沙門日 # 矣。 寂。 傳 興 修 聰。 祥 人。 八 福 内 嗣 持 慧 晚 猶 + 日。 + 華 於 焕 戌 法 年 命 四 敗 身 嚴 辛 圓 法 夏。 弟 嘗 弟 期。 壁 份 僧 於 卯」 修 主。 皇 永 子 儉 安 舘 語 子 說 臘 頹 冬 爲 城 若 取 約。 塔。 自 人 法 垣。 六 所 仲。 市 子 宗。 干 B 圓 = 殊 不 +-次 講 賜 山 質 老 憚 人 覺 + 年 譜 不 有 紫 兼 林。 干 色 彩 僧 新 餘 介 勞 =: 夏。 大 復 歷 力 唱 别 會。 意。 苦。 門 義。 善 疏 示 伽 遷 挽 教 無 稿 居 弟 微 庚 開 四 H 所 黎 復 讀 常 長 至 疾。 子 以 刹。 與 子 喻 出 冬復蒙 方 皆 處。 之。 學 奉 至 旌 除 輒 主 m 者。 以 特 師 齋 者 有 全 六 異 接 拈 拈 六 危 粥 興 月 納 苦 坐 身 之。 花 花懷 + 坐 游 瓦 建。 塔 + 勅 王 不 اناد 寺。 旨。 餘 靜 處 於 辰。 倦。 衆 礫 三 實 師 公。 年 聽。 外。 堆 順 日 封 開 故 永 受 行 逆 恐錄 師 清 未 便 安 集 闡 中 四 爲 濟 之高 塔 路性 焚 激 之 衆 教 字 方 住 北 譯 禪 佛 揚 際。 者 香 前。 告 學 持。 密 師。 弟 法 註 操 舘 者。 著 或 法 别。 師 ED 也。 耳。 華 有 經。 行 貌 泊 時 翻 奔 沭 於 蓋 訛 楞 無 然 年 赴 講 執 溫 大 古 巳 誠 嚴 恐 脫 筆 少 和 而 八 藏 演 梅 春。 諦 等 變。 + 也。 輒 氣 逝。 諸 後。 爲 成 具 要 矣。 語 其 竟 剛 佛 經。 爱 有 師 禪 行 旨 辛 也。 生 古 果。 生 以 事。 日。 師 師。 狀 有 4 丑。 道 若 行 拿 質 於 統 傳 乘 體豐 以 法 著 忘 道 宿 康 賢 盡 三宗。 聲 戒 塔 華 日 俱 宗 沭, 人 垂 風。 熙 出 等 間 住 急 珍 厚。 辛 衣 通 教

卷中

四七

師 之 山 其 得 銘 記 見 地 湧 之人。 囑余 衆中之一 佛道 無 惟 、敢發是 法華 者 耶。抑 也。 經藏 故焚香义手。 願 爲 者。 深 今也 如 固 幽遠惟佛 來 所使之 不 敬為 讀 成 誦。 人 與 一悟大通。 日。 乎。 佛。 不 乃能 然。 究盡而 必白毫 盡形 夀 况 光 以 末 中以無量喻爲 闡 法 F揚 廣流 活 宏 經 此土 通 尤難。 而 衆講法。 著述。 自 非 修 戲。

菩

薩

行

而

求

銘

T 靈 道 兩 被餘續輝 年之後。 本 山。 無 儼 然 迷。 人自 跡 未 聯雲凝花墜塔影高標真身不 踵 散。 天台家世賢首。 與 不 麽現 悟佛降西乾教流 前貴拘 禪 披 忍 觀。 辱 指 東 衣。坐 土文字性離體 點 鏡燈卷舒華 滅萬象森羅熾然常說 法空座秉願宏 即般 藏。 廣 經。 大 若。 垂老不 門 非 證問 風。 何 墮名刹四遷殊 慚 通知音蓋寡一 向 上。 師 其 適 恩 生。會

# 修中天寺十方常住碑記

宗。 師 原 逐蒙印 見 夫 之 插 矣。 莖草以建梵 可未幾歸受業事師理院務有 法 師 幼 脫 白於 刹。 坐微 武 塵而 清 邑 轉法 東 北 輪。 孝 力觀 年以道義聞孝力村東八里許 事是恁麼 音 寺。 具 事。 戒 人 須恁麼 後。 依增壽 人余於同 慧岸道 有寺 學友 翁 名中 法 人銷 主 天。門 習 性 塵 近 相 法

種 招 植 者 通 行。 故 自 + 之 世 提 庶 菩 在 名 悉 牧。 片 緣。 咸 餘 衢。 幾元 備 種 提 作 地。 德 年 頹 尊 血 特 賢 焉。 種 種 乘。 鑿 永 法 方 廢 الله 不 莊 子。 又日。 復 始 風 永 師 日 而 重 不 過 嚴。 不 頓 惜 傳 主之。 置 落 汲 法。 久。 完 墜。 賢 種 之 宏 唯 1 凡 勞 地 成。 此 種 慈 之 宣 若 大 以 E 有 護 瘁。 基 所。 最 演 利 化 事 聞 廣 唯 不 干 佛 址 益。 H 初 大 法 利 誠。 私 教 頃。 殿。 尙 而 此豈 ---成 隆。 緣 者。 眷 剃 用 日 存。 濟。 乘。 念而 於 其 要 屬。 接 也。 充 懺 法 無 度 法 益 今 待 待 香 壇。 南 唯 無 師 雲水。 與焉。 師 而 其 閻 火。 塵 不 汲 E 過 离性 寰 偶 後 成 汲 爲 僧 浮 人。 而 此 提 噫。 堂。 然 而 凡 佛。 經 然 如 檀 有 念 後 感 居 法 垂 以 不 以 大 那 F 感。 外。 丈室。 發 來 斯 是 云 上 哉 熏 無 五 願 劫。 位 行 故 乎。 百 續 修。 盡 \_\_ 爲 更何 者。當 念 諸 蔵 慧 以 隨 興 有 知 願。 福 緣 الناء 不 中 佛 可 命。 不 德 及 復。 有。 中。 可 津 藏。 天 名 衝 必 兩 1 客 遂 萬 以 圓 得 此 足 得 廣 濟。 寮 捐 與 工 法 使吾 法 滿 舉。 奠。 之 日 旣 雲 而 資 福 唯 師 事 月 竣。 成 限 知 倡 乃 田 廚 ه،آره 量 就。 之 普 爭 佛 法 耶。 爲 丐 + 募。 於茲 心 常 初 者。 光 大 余 與 夫 方 鳩 務。 爲 無 抑 無 佛性 且 矣。 法 文 日 T 益 欠 又 流 集 心。 性。 維 過。 切 復 記 少。 須 以 見 佛 之 其 材。 功 法 通。 凡 法師 雖 知 聞 種 在 師 叢 成 與 事。 親 念 後 衆 董 如 數 邦 隨 從 不 H. 林 旣 數 喜 緣 上 之 生。 居。 年 1 E, 所 厥 行 爾。 苦 年 所 者。 起。 卑 結 將 如 宜 事。 念 種 爲 深 是 次 以 請 行。 出 有 歷

感 無 念 入 之不 之記。 解 法 輪 脫 己將見莖草徧插於處處法輪 門。 n 草. 建 轉 無 亦 ग 塵。 叫。 建之梵刹。 法 莫 性 不 如 如 是。夫 是。 非强 轉 如是謂 無 爲 可 轉 也。 大 之 然 建 轉於塵 法 法 梵 輪當必有 性平 刹 竟 可謂 塵。 等。 此 非 實 感 有 無 余 梵 自 法 所 師 他。 刹 深 Z 旣 ul 感 望。 法 建 而 者。 師 亦 相繼 亦 偶 可。 法師 謂轉 有 五〇 而 所 之至 起。 感。 法 感復 能 輪 竟 願 順 致 可。 也 法 感。

### 壽 **壽萬壽蓮筏和尙序**

為

斥 萬 知 和 香 今 識 作 秋 壽。 之 尙。 余同門也。 其 禮 重 所 几 l十餘人末· 無 請 九。 至 111 余 大 雖 以宗 41 爲 戒 也 家 文 將 門住持。 明 以 圓。 上入先師萬壽粹老人室。 世 矣然經有 姑蘇。 祝。 適 值 因 姓 而 和 而 曉 王 尙 時 之日 六旬 氏童 云 或 一具壽。 兼 夀 年 初 傳 薙 或云無量壽 者 度 戒 之相。 之 染。 法。 依 辰。 數 乃印心焉。甲午冬出 籫 乃 其 年 我 以 華 嗣 來期 者。 執 法 Ш 何耶。 之異 得 文 戒 經 海 蓋 名。 律 諸 四 具壽以戒言。 師 弟 如 建。 來 子。 世 具 m 戒雲水 於 欲 壇 西 圓 順 下 山普覺寺未幾。 禀受 覺 世 三十 重臘 般 緣。 若 用 者 非 等 酬 輒 年。 參 重 經。 法 F 乳。 復 南 幽 餘 揭 也 而 炷 遷 北

得 無 自 徒 以 夫 具 受 諸 其 戒 量 驅六十之年。 顯。 IE. 毒 IE. 也。 子。 法 也 而 抑 以 所 諸 以 身 者。 孰 之自壽 以 又 子 顯。 所 الناء 不 壽 以續 當 我 言。 須 口 特 身 以 依 和 知 妙 空塵 壽 諸 慧 份。 和 悟 無 性 量 尙 自 世。 佛 命 不 亦 則 壽 海 所 推 النار 身。 依 他。 以壽 温。 此 亦 同 乎。 形 精 戒 壽 持 無 一身 不 况 也。 佛 以 光 济 加 不 持 入 一壽矣是故 壽諸 也。 戒 戒 石 戒。 佛 則 也。 亦 慧 名 爲 火 戒 子。即 還 壽。 其 命 耳。 命 僧。 存。 焉 以 持 爲 僧 無 是 所以壽 應 之 用 我 以 iffi 壽 命 卽 **祝。** 知 也。 存。 無 壽 衆 和 戒 具。 不 اناد 亦 衆 倘 子 利 生 果 以 111 生。 聞 尙。 之開 命。 僧 اناد 大 者。 爲 乎其 亦 庶 乎。 而 無 所 所以 檀 幾 約 惠。 歡 以 喜 爲 和 授 命 悟 الناد 體 自壽 論 踴 元 尚 戒。 也。 則 法 無量。 授 囑 保 也。 悟。 跳。 身 心諮 遂 得 累 是 不 也。 悟 身。 焚香 傳 若 共 亦 ال 不 是。 至 子 授。 ili. 延 T 不 是 是 散 能 則 乎。 Im 悟 11 花。持 諸 先 孰 以 命。 非 若 則 以是 是謂 此 子 夫 悟 小 法 受 是 叫 -身 也。 介 以 以 不 而 無 H.

### 淨土津梁跋

爲

仲秋衍法志公 和 尚會刻淨土經論文集成囑跋數語余因 歷 觀 經。 因 舉果大

道 忘 耶。 以 筏 而 無 歸 神。 放 理 淨 淨 生 起 自 之 返。 縱 分。 引 圓 去 等篇 所貴 謎。 趨 横 來 人 任。 士。 الا 通。 之 當 應 誠 其 險 取 ال 入 或 化盡切 爲 依 道 問 捨 外 何 賈 觀 莫 \_ 以带 以 勇 攝 非 數 論。 耶。 有 本分直截示 -慰 大 先 化 往 於 法。 紙。 題 門中 安。 波以 搜决 登。占 津 生急 此 去 集 理 或 梁 破 紹 來 者 矣爱 展轉津 禪 取 之 則 籫 爲 務。 迷。 素 玩 的 捨 人。 苦 蓮 不 助 者 分 夫唯 之 津 之 爲 11] 行 孤 示 明。 ه رياد 要門至 見 題 許 且 梁 梁。 上 少。 陋 唯 善哉念 之疑。 而 品。 名 乎。 深 則 ال 心 汝 苦海勞 之要能 淨土。 女 噫。 會 味 不 日 關 若 夫 進。 淨 法 唯 通 守津 當 佛 蓮 心自 玄 命 直 士 語 處現 花 名者 生。 踏。 津 -舒 峯 ---門。 世界詩。 章。 頂 梁 由是而蒙利 獲 梁。 文導 性。 以自足。 力 成。 法 然 如 不 之 或未 是 自性彌陀觀 大 恐 而津 此 振 初 雖 人間。 義 於 諸 機 行 然莫寐 梁雖 不 設。 文 而 無 X 也 矣。 驚 無機 心。 濟 生。 出 因 精 或曰。 者可復量 佛 詳 外 汨 設。 游 循 體 記 戲。 之 無 沒 履 不 曲 弊。 法。滿 踐 鈴 早 被。 好。 不 和 而 盡。 雲樓願 無路不 指 隔。 摒 在 理 尙 承。 哉如 歸集。 之苦。 實 目 乃爲 秉 願 人。 撩起 青 圓 單 輪 是 傳 卒 其 通。 常。 文。 采 山。 速 之宗。 便 衆 本 津 轉。 統 况 自 致 逐 梁之 問 萬 註 善 徧 行。 寫 分 世 直 以 橋 波 刹 20] 流 境 戒 於 截 事 說。 祖 戀 誰 傳 殺 網 m 而

跋德全禪人血書蓮經

德禪 衆 問 也。 偉 之 無 生知 禪 莫忘 H 矣哉真無邊 本 我 人。方 漸 1 存 而 見耶於此 密 刺 本 平 靈 願。 金 書。 發 我。 者。 刀裂肉。 蓮花 九品 佛知 繁 而 苦 وآراد 我 了 之最 念 增 海 淨 見 然則佛國: 長時 中頓 血筆縱橫 佛。 願。 也。 直 愛 書 有 者莫過 空我 待 也。 成 我 t 此 七 m 時,其 卷功 非 見。直 方 軸 昧 遙寶蓮 者。 報 蓮 身。 知疼痛 出生死 謝。 圓。 經。 苟 衆 蓮 彼 以 衆 生 土 花 正放或猶未 生 知 無 之勇猛 花 之身 光 情 而成點畫 見 香 開。 之 也。 具足時 見不 卽 霜 生 丈夫也噫。 見 佛 刀。 也請 亡。我 者。 佛 刺 知 靈耶味 也。 聞 難 見 分 如 出 法。 執 無 明記 是 因 禪 之 殊。 不 人 耶。 圓 則 身 破。 特 取以質 初發是 禪 血。 則 我 果 耶非我 生死 妄 人 滿 + Z 指 我 時 念蓮 諸彌陀老 間 也。 淨因已成 瀝 輪 雖 乾。 耶。 廻。 之 曷 佛 然。 華 耳。 刨 種 اناد 能 夫 知 見 今 自 矣。 植 不 大 耶。 試 但 時 動。

# 跋明初禪人血書蓮經

E 靈 金 寶劍。 Ш 刀 未 殺活臨 舉。班 會 本 管 不 時。 曾 未 拈。士 如是 會 亦 刺 可 方是 也。 血。 向 如 當 是書經是真精進是名真法供養 部 時 血 喝 淋 散 淋 的 可 也於 妙法 華經。 今日 於斯 再 會 見徹。 亦 ul 如 謂 也。 來。 大 靈 可以暢 用 Щ 現 前。 會 本 不 未 散 師 存 出 刺 可 世 也。 則。 Z 如

懷。 不 生 金 生 1 不 易 滅 臺 年 滴 人。 如其 磁 以 發起之勇 ورناد n 滴 取 以 尙 歸 來 源言言 少。向 古 實 坐 未 待。 相 然。 佛 道唯 猛 法。 妙 直 泥 淨信爲 諦 得 轉 須 洹 之 不 十二 誠。 髓。 不 輕行為 奚止 塔直 日 刺 可惜 時 UT. 親 書 刺 令十二 聞。 中。 否則 矣禪人其勉 我 四 經。 無 慢憧。 威 皈 能 心樂 必 儀 刺。 類 見 書 不 内。 牛。 特全 我 以 +. 無 迎 爲能 果能聞是 所 書 列 迷妙法遠背佛 經 書。 m 書經爲所書彼是 之 舖 命 念念念念忘 好花 根 說 頓 於錦 ൬ 戲。 不 無 心且深負 緣。 生 上。 邊 指 刺 驚 法 刺血 明月於 藏。 怖。 血 是爲 之 點 此 時。 じっ 筆 彼是書經處以 11. 解 天 而 文 點百 第 الناء 邊 憶 也 彩 全 却千 義。 佛 哉 管 彰。 明。 1 生 取 品品 禪

# **政禪人勇建血書楞嚴經莊嚴淨土**

請 爲 首 務 究 楞嚴 結 竟。 耳經中棄明淨 經 名。 此 者稱性大定 依 此 後 藏 復 性 之理。 明 土其處有 之名 昧 起 此 也。以 稱 難 免 性 四。第 之行還 t 如 趣 來 一大 沉 藏 復 心而 淪。 ,勢至法王子親禀念佛法門於超日月 證 修 爲體 此 入 藏 須 防 性 性。 以耳 全 五 體。 随 擾 -根 經 圓 亂 大旨義盡於斯。 者。 通 但 愐 反 爲 襯 入門以窮極聖位 正宗。 放文 以 補 光佛。 足 殊 於是 其 其 所 間 ifi

殘 陳 質。 不 法。 復 至 續 生。 切 夫 要。 乾 m 慧 大 士 地。 修 雖 圓 因 伏 契 果。 五 住。 自 見 利 利 思 尙 他。 猶 唯 未 以 念 斷。 佛。 何 皆 以 悉 便 具 不 足。 續 生。 若 乾 超 同 恙 居 地 穢 中 云。 士。 現 生 回 前

然。 將 之 純 居 Z 法 要 想 及 諸 况 招 淨 機。 道 惟 師。 有 極 之 與 土 浄 矣。 "L'o 利 現 福 恶。 耳。 乎。 古 便 F 相 願。 \_ 今 况 念 往 者 根。 往 自 名 宏 知。 生 未 生 然 H 大 福 者。 法。 入 有 الناد 師 示 乎。 背 變 聖 分。 開。 是 [m] 其 其 位 此 見 難 其 念 蓋 證 所 + 以 之 明 就 尙 我 證。 受 人。 方 也。 經。 路 夫 然。 地 臨 釋 佛。 第 念 况 還 終 清 獄 迦 --家。 佛 老 苦 往 淨 情 如 念 故 法 牛 來 因。 國 想 門。 乎。 爲 大 法。 文 者。 土。 昇 是其 安 慈 殊 專 隨 沈 大 終 樂 悲 願 逗 中 士 + 年 國。 證 ه.آر،ه 往 云。 熾 終 方 曲 重 也。 生。 純 爲 之 身 罪 第 然 前 想 機。 輪 四 乾 揀 平。 份 卽 選。 其 廻 慧 \_ 然。 流 那么 行。 非謂 根 往 况 之 通 地。 便 齊 生 鄿 分 中。 猶 生 罪 中。 特 屬 耳 被。 不 天 上。 乎。 若 地 聖 根 耳 在 生。 拈 若 獨 根 中 况 位。 有 勝。 圓 下 無 \_\_ 出 此 TE 品 念 通。 罪 人 此 即 11 矣。 横 佛 專 乎。 身 博 H 古 便 逗 無 具 出 地 兼 今 劣 此 凡 福 福 重 也。 方 宏 份 罪。 界 夫。 兼

#### 書蓮 經 普門 品品 後

讀

經

者

不

D

不

禪

人

血

書

此

流

通

大

貫

爲

希

有

難

能

之

其

於往

省

必

有

分

將 非 題 此 喜者震鋒 恐 門。 是。 標 普 JE. 特 妙 與麼 門 其 法。 漸 末 何 閉。 時。 耳。 法 鼓。 也。 而 直 不 妙 與 品品 須 法終 麼 號 少金剛其意豈 未 普門。 會。 舉 隱 始 以 具看 矣。 前。 何 默大 向 超 經 世 也。 居 眼。 拿 說 士 否 開 者 哉。 有 則 謂 口 見於 入 不 \_\_ 得 光 海 此。 算 處。 東 得 砂。 大 照。 是 士 執 + 指 經 廻 界 爲 而 避 圓 裝 月。 彰。 不 帙 不 及 隨 之。囑 唯 時。 類 埋 親 現 身。 級數 沒已 見 應 法 語。 法 念 普爲 見惜 此 脫 法, 苦。 明 未 見 FF 聞 眼。

### 二有室跋

隨

毒

食

淺

茂

余 圓 誠 經 以 吉。 教 云。 一有 從是西 有 分 明 門 之 名 指 方 有。 室。 示。 與 過 或 而 夫 者 世 + 萬億佛 性 淺 之 具 之。 昧 吁。 本 者。 有 是 猶 土。 之有 謬 尙 有 執唯心 不 耶。知 其謂 刨 横 H 空 之有。 之 極 生 淺 異 樂。 也宜 其土 議 有 m n 兵無庸辯, 悲 有 佛。 有。 也。 號 因 阿 特 雙泯 書 彌 此 陀。 今 雙存。 以 名 現 超四 在 余 說 室。 句。 用 法。 警省 該 此 金 兀

#### 覆 香嚴居 士書

用 月 الا 内 之 廿 動。 切。 九 立 日 行 得 之 拿 猛。 扎。 此 備 矣。 百 悉 日 内。 切。 當 欣 必有 慰 無 大 量。 不 讀 扎 思 議 内 之成 病。 有 念 就。 佛 期 但 此 過 知。 三七。 時 不 गा 倘 預 未 存 見 了。 期 相 好 效 之 云 云。 دريا، 佛。 存 觀 此

則

增

燥

而

翻

爲

障

礙

此

係

修

行

門

中

微

細

心

不

叫

不

直

須

深信

諦

انار

外

無

佛

於 是 諸 第 此。 明 在 外 白。 m 後 衲 未 正 انار 前。 無 已。 子 是 七 親 好 不 便 وناد 絕無一 見其 月 揮 叫 佛。 是 全 擲 更爲 間 麈 向 正 真 ان 談 書。 此 實 n 他 刨 字 蛇足。 之謂 圓 經。 未 方 佛。 效 之新 全 罷 叫 世 驗。 全 部。 界。且 果能於此 也鄙 刨 懸 佛 離 得。 因 焚 斷。 此 卽 并書以 見如 思 香 寺 自 念 ه المار 4 晏 中 外。 載 近 الم IF. 此。 念 坐。 别 博 或 眼 現前。 之 念 不 求 日。 内兩 雙校 佛。若 洞 識 唯 效 笑。 嘉 居 開。 驗。 刨 終 士於 ---華 園 E 覷 便 嚴。 此 破 是 念 居 開 士 經亦閻浮提 或 少 瑯 意 問 相 檢閱 兼 解 琊。 云 戲。 應。 捉 何。 念 旬 路, 便 津 念 或 則 敗 至 不 現前。 梁。 長 如 親 更 人 别 至。 不 水。 長 切。 生 勞拈 楞嚴 水之間。 亦 此 刨 便 念 無 外 入 大 大旨。 事。 歧 念 别 出 瑯琊之 快 榜嚴 矣。 相 無 路 矣。 事 客 柴 思 應。 己講竟 過 也。 紫 但 迹, 經 然唯 答。 錄。 4 不 云。 使 鍼鋒 慧 矣。 是 此 久 聞 念常 循 逐 然 الناء 行 卷。 H 其 雖 直 作

數

約

與

名,

如

截

佛。

現

# 答江南彭二林居士書

益 忘 仰 真 取。 之 切並沒量 覺 佛 門未投隻字今感 惟 惟 赧 囑 居 士。深 明以自 顔。 者矣向得三經新論妄爲評 山 入淨宗。 大人出格作用可 野 裁焉。 維 教 乘大旨。 廣陳法 念佛决疑 居 士。 虚 日廳知向 懷遠問。 施。 續 炳論。 自 入 他 藏。 皆發前人所未發。 爲法之誠遂頓 方。題。 並 而 永 不 利 見罪責。 永流 幼 失 通序跋皆精當。 問 學。 已出分外茲復寄示 圓。 忘 語 可 謂 一以見慧解 固 不 成 陋。 現 整己 文。 居 間有 士 故 所 兩 身修菩薩行不 之超 知。直 可商之處簽辯於後。 處住持二 種種 卓一以彰衞道 詞以告其當否 新 + 刻。 違本 囑令論 餘 年。 檀 願。 護 定。

## 與瑞一李居士書

殷。 且 屢 欣。 此 有 因 則 書 思道無 來。 自 行 曾 未覆答師資 化 不 他。 在豈分朝野而修證 利並 舉。 心 契。諒 世 法 佛 不 法。 我 之際實有易難的論修道。 \_\_ 疑。 道 聞 齊 在 行。 南 中 或 雁 竭 力辨 信 時 公。 通。 盡 或 出家尚不 口 心 護法修 碑 傳 誦 易况 持不 每 在家 聞 輟。 見。 霍力 耶。 且 導 居 慰

之善 衝 家 塲 人 繁官 室。 命 可 願。 下 無 權 我佛長 便 常。 署。 現宰官之 况 居官 下。 幸 猛 無 聞 切 少生 却護念之慈 乃 佛 耶。 爾。 身 故 法。 非宿善 者恐 留 幸 知 戀無 生 卽 終不 塵勞 信 恩而 虚 根 ونا، 力謂之何 棄 幻境 免 爲 塵緣 光陰。 成 佛 -事化 幻 務 世 緣。 漸 哉雖然猶 出 期 染。 隻 熱 事辦 世間 眼 m 悩 道 覷 作 之勇猛 念日微 1 清 破。 生。 凉苟 須 佛 痛 心 丈夫焉。 也今賢 開 佛 念三界無 非 上 行。 忍 品 證 赤 庶幾不 契 體 無 擔當淨 安。 信 生。 肉 向 位 負自 身 此 登 業 苦 道 不 己多 得 悩。 未 退。 修 生 久。 深 生 便 好 H 入 修。 路 能 如 宦 險。 於

### 尺香齋白詞

死 生事大來日 無多道業未成實深慚 懼。 奪 客相看午後炷香非敢 輕疏。 幸垂鑑

### 外待白詞

米 不 片板自 蓄 二粒。 **」
贈門庭日** 菜 不 蓄 冷。向 莖。 唯法道難通今併食輪有礙因集兩序相 任 往 來 者 喫 得 飽 膨 脖。 吾斯 未 能。 實 有 深 愧。 與 而謀。 自住 衲 子 此 刹。 盂。從 + 餘

禮。 後 尤 來 只 凡 不 無 者 大 自 底。 點占 衲 安。 諸 敬 尊 天 反 ال 官。 覆 華 籌 不 檀 雨。 减。 那 度。 那 勝 法 别 得 滿 侶。 常 無 或偶 超 長 雅。 香 策。 若 飯 然 乃拖 亦 經 別 唯 炊。 過 此 布 袋以逢 隨 務 事 喜。 在 稍 或 미 衆同 人 專 變 通。 放 爲 憨固爲 遵。 光 旣 便 顧 蒸 從 降 砂 今 臨。 難 可 日 到 以 耻。 約 療 來 便 定。 原 饑。 卽 斷 不 IMI 鳴 不 因 畫 楗 以 齋。 餅 椎 來 豈 接 而 人 待 堪 開 或豐或 供 門 但 應 客。 散 盡 此 衆。

#### 衣單疏

儉。

總

請

隨

大

衆

同

苦同

甘實欲省

緣

非敢

慢客伏希鑒恕莫怪

空

比充。

脊。 唯 --六 衲 衣 於 翻 高。 鉄 僧 於 憐 高 剪 現 三百 前。 布 春 後 挂。 衲披 寒暑 又豈 雲 夜。 六 定 + 而 选 殘。 莫 普 藉 骨 緬維 及 金 教 遷。 節。 之常 寒 不 針 在 在撑天 威 無 暗 雙鞋留。 儀。 特 逼 度。 甚。 令 惱。 王 龍象 範 拄 編 線 既解惆 横 秋 旣 地。 实 草 垂。 抽。 道 集。 昔 以 蓋 人 中著眼。 難 賢 宜 爲 八 堪。 肅 萬 共 法 故 觀 身 四 相 依 瞻。 于 雖 七斤衫破寧無格 久 是以躶 靜 稟芳 昧。 毛 掩 情 竅。 二 十 規 禪 執 網。 未 四 彌 體 徹 墜。 堅。 直 於長 古 欲 末 未 外知音 徹 通 浦 學 敢不 年。 今。且 團 隆 真 坐 邪宗之 遵 欲 破。 不 資三事 使禪 極 m )。 奈 致。 乃 和 謬 難 孤 何 子 堅 天 計。 斜 空 赤 鐵 際 著 几 披。

體 未 挂。 擔 果 當。 因 要 憑 不 味。 大 君定 居 1: 獲多 毫 端 福 點占 何 出。 疑。 將 看 实 水 别 增 氣 象-天 共 仰 威 儀. 冷 暖 自 知。 誰 肯道

絲

# 資福寺講前提綱 井一日月

騰 隨 文 案。似 者。然 外。 禪 但宗 歡 殊 我 後 别 提 作 所 普 串 淨 得 傳 向 舞。 賢 業 貴 真 見。 穿 座 Ŀ 珍 各 門 用 傳。 綱 大 披 來。 珠 到。 名 宗。 F 人 更 中。 衣。 泉 雖 -境 無 别 教 横 教 湧 語。 界。 少 有 須 身 似 闡 方 離言 期 後 賸。 訊 爲 異。 巨 叉 便。 到。 實 浪 與 生 物。 通 晚 管 畢 本 大 而 祇 如 方 竟 E 喝 進。 甚 消 義。 無 采 上 也 說 用 籫 殊。 向 -揚 劍。 士。 句 不 又 上 到 悟 綱 聲。 共 得 訊 南 用 殺 別 草 宗。 也 展 不 無 個 活 傳 未 草。 什 風 到。 20] 臨 之 固 謂 爲 山 用 彌 麽。 是 規。 時。 分 僧 陀 說 宗 教 出 設 到 外· 格 今 佛。 用 又 自 通。 外 事。 高 宗 將 將 訊 不 得 别 且 流。 世 到。 他 個 真 傳。 不 道 間 什 通。 離言 百 傳 但 \_ 揚 常 藏 麽。 暮 安 之 如 大義 情 能 謂 何 法 暮 + 用 之 是 道。 說 120 訊 朝 訊 直 所 唯 朝。 分 俱 法。 通。 亦 共 教 心 得 只 到。 刨 而 淨 恁 典。 則宗 教 紅 知 通 無 士。 螺 麽 言 俱 \_\_\_ 内 備。 自 問。 真 Ш 念。 T 教 啓 性 雖 掃 率 問 七 迷。 傳, \_ 彌 羣 諸 然。 軌 百 土 何 教 陀。 峯 大 此 則 矣。 名 內 無 是 IMI 不 公 何 達 違 教

則 道 聞 話。法 虚 饒 الماد 須 固 大 道。 設 輪。 淨 頭 舌。 雕 、笑之不 是。 若存若 一再代一 士。 山 耶。 有 禪 土。 座。 毫 何自 個問 自 僧 客。 便 釐 傍 更 抽 性 請 笑 而 亡。 觀 代 轉。 無 瓣 釘 速 差。 分。 不 下 的 道。 耶。 拔 復 -陀。 所以 足以 因 土 舉前 呵 語。 楔。 但 語衆 呵大笑。 久云。 共 聞 無 有 亦 如 道。 亦 問。 爲 道 何 未 師 此 毫 大笑 天 道。 云。 不 免 著 下語足令文字 釐 語云。 地 適 叉 ां 增 諸 之。不 懸 且 有 才 復 座 人 隔。 差。 有 旣 傍 如 主 舉 笑 復 天 觀 何 前 家 世 珍 珍 地 之 界 不 解。 問。 廉 重 懸隔。 足以 笑, 笑者 名日 去。 重 遂 纖 法 吝 於 稱 合 之 師。 詞。 毫釐無 極 南 斯 爲 是 掌 見。 脫 山 樂。其 我同 無 道。 珍 欲 胎 僧 者。 復 阿 得 重。 换 只 參老 彌 差。 孰 有 稱 + 土 骨。 得 陀 亦 同 人 分 有 郤 自 南 前。 佛 氏云。 天 云。 親 佛 代 孰 無 未 地 下 異。 號 免 阿 切。 去 聲。 士 上土 一等痛 懸 且 彌 Roj 也。 助 笑 顧 隔。 聞 彌 陀 禪 復 衆 毫 聞 旣 道。 佛。 陀。 和 舉 云。 釐 同 勤 道。 復 快。 若 前 子 有 問。 有 笑, Iffi 勤 云。 本 與 儱 差 差, 行 行 麽下 而 Ш 侗 著 山 耶。 天 又 之。 行 今 Z 僧 語 地 同 之。 無 上 恁 日 語。 機。 云。 差 懸 行。 士 中 麽 足 是 初 不 耶。 聞 隔 上 土 說 惜 轉 與 唯

#### 爲 闡 教 禪 師 塔

懸

隔

不

懸

隔

良

良

馬

不

知

何

處

阿

難

依

舊

世

尊

雲失最 日 巍。 傳 輪。 伯 無 當 獨 干 老 來 方 花座 天 尊 和 無 大 釀白 乎當 勝 盡 份。 道 依 三宗並 契環 心 1.0 汗。 止。 燈。 撒 世。 人 熏 道 悟 絕 中。 香馥 風 天 蓮 類 闡。 悲 入座動微 增 經 之戒 四 願 無限悽惶。 馥四布 於早 刹 高 珠, 迭 深 微笑堂 歲。 興。 海 凉。 於 白 古 嶽 遐方。 IE. 4= 道 间。 恁麼時瓣香初熟盃茗三傾。 前。 曾 儼 應 正宜 提 吐 存。 跡 古 無 大 1日 方 黄 與法門作 文 隨 金。 之 獨 緣 叨 加 步。 起 聖 印。疏 八 盡。 大主 澤以 + F 釋 江 宰。 優 六 年. 何 隆。 經。 廣 月 且作 期 漲 丹 陳 去 息緣 起難 鳳 法 來 歴生 晚 施。 空。 事而 銜 思 百 恭 一與老 雙 法 F 惟 入 紫 萬 海。 拈 人相 宗 寂 品。 劫。 花 崇 德 堂 光。 恒 見。 使 轉 行 Ji. 水 巍 教。 化 洪

# 爲均伯老和尚入塔

要 留 翁 七 且 影 法 ---一見貪欲 伯 像。 餘 續 老 年 和 游 ال 之 燈 倘 戲 性 於 法 身。 华。 室 雷 去 初震。 所以聖財 内。 年 轉 令 敗納 見 昔 光 總 於青塔 法寶尋 輝。 同 塵。泥 示 慳 常 吝 招 牛 間 提。 耕 乃 等 金 罷 串 錫 凡 囘 罷 途 情。 穿 搖。活 來。 刨 處。 習氣 塵 刧 勞 埋 外 識 向 m 風 情。 白衣 爲 光 另 末 佛 梢 蘭 事。 有 若。 春。 顶 不 懸宗 從 唯 恭 空 惟 彰 放 鈴 白 水 生 於機 衣 到 堂 之 跡 者 先。 变 幻。

六四

長 句。 安 畢竟如 不 住一步密移藏 何。 萬 象環 羅 明月於懷 無縫塔。 紅塵 中横 隔 全身於物 斷 九 仙 外。且 正 恁麼時老人 收因結果立命安身

### 慈壽寺熏塔

無 放 拜 師 性、 徧 光。 殷 717 座。 慈 十方是座 說。 勤。 故 唯 光 大居 得 徧 妙應。 亦復讚莫能及聊爲 誠 法 不外當 界而 傾 士爲能道本貫 喇 器 腦 素。 遠 古 人事是 塔。光 喜 近 動 頓 見聞。 禮。 放有時盡大地是個清淨法 全真 頌 恁 乎古今法豈問於凡聖由 共植 麽 全應 事 人 無 之佛 上 須 圓 恁 麼人變淨· 因終成究竟妙果。 身砥今塵塵 公身緣感卽齊 土集分 是瓣 出 香 現。 幸逢 即縫 珍重。 身。 應。 非 斯 無縫 老 是知時節 卽 會愧 \_\_ 釋 之實塔從 念 迦 乏長オ不 iffi 不 可請 過 因 未齊 絲。 全彰 此 香 唯 刻 飯。 刻 借 佛

古塔 經 年 誰 禮 熏結緣還待 有緣 人。 、試看緇素歡騰處已放祥光 滿刹

## 得戒和尚塔前供

則 立 師 炷 定 老 無 香 秋風。 慧 和 縫 云。 塔 份。 道 初 前。 基。 得 衍 衆機萬 真解 殷 華 勤 臺。 展 脫。 來 數某當 拜。 具 春 大慈 風 衆觀 於 悲。 葉 初 瞻大寂定 嚴開 葉戒 無 授 受 遮於 傳 中。 اناد 裏。 旣 毫 地。 末。 再 爾 建 四 師 佛 止作 點 資分定今日 事 於 頭阿誰證據雲外 於機 塵 塵。 先。 恭 絕 開 惟 示 鬳犬 岫 納 人 宝 九峯横 天 堂 處。 宜 IE. 乎 路。 第 碧漢。 感 # t 應道 有 世 巖 餘 得 交。 前 戒 萬 然 安

樹

動

### 念 佛堂釋迦

年。 三藏 廣 汪洋五 行 此道。 一姿婆 一乘浩 界空事或難保 渺惑亂衆生猶更 香無 嫌 人 少。 焚 開 念佛 地 無 門。 人掃。 倒 當 也郤 與 麽 好。 只 時。 有 不 得 懊 事計較宜早若 悩。 到 他

#### SIL 彌 陀佛像

全 المار 即佛全佛即 心該 法報 化絕去來今當陽獨露徧界難尋突兀妙峯未足爲

六六

海。 未 足 爲 深。腦 後 鎚。 頂 門 鍼。 七 珍 池 沼 水 投 九品蓮花 金 博 金。

皈 命 世 尊。 無 量 \* 壽。 誓 重 如 山。 慈 逾 於 母。 爲 我 現 身。水。 爲 我 TE 手。 證 我 發 110 滅 我宿 垢。

配

我

思

懺。 癡。 名許 淨 ال 皈 我 我持。 命。 身 我 口。 佛 拔 惠 我 阿 我 之苦覺我 彌大誓大願大悲大 寶 蓮。 出 我 之迷護 險 有。 天 我 未 慈胡爲 以 足 念接我以 高。 地 乃 未 爾。 足 時。 直 厚。 至於 資 我 我 其 法 斯。 云 乳。 身 何。 有 爲 焚 我 我 香 蓮池。 現。 稽 手 首。 親 爲 授我 我 垂。 記。 罪

我 金 容獲 師。 佛 覩。 血 **淚滿雙顋稽首大慈父願隨歸去** 之萬 來。

其

如

是。

我

復

何

緣

東

謝。

意

四

馴。

虚

空

口

壞。

此

志

不

移。

常

容

我

### 讚 血畫彌陀佛

欲 故 慚 珍 攜 國 重 愧 歸 人。 走 爐 淨 猶 他 光焕赫 未。 香。 鄉。 大悲 瞻 竛 珥 依 熏曠切。 空今 苦徧嘗。 雨 淚 古。嘉 頻。 指 滴 追 號宣 血現全 端 思腸 滴 傳 M 寸 徧 身。 現 寸。 刹 全 本 巴 塵總 自關天 身。 首 同 淚 體 行行。 爲 天 性。 悲 真 深 何 刀 無問 曾隔 覺 裂 不 更 隔。 點占 親。 堅 見聞 塵。 指。 不 轉 爲 m 憐 慈 瞻 塗 禮 眸 無 界 盡 應 量 圓 待 苦。 光。 我。 慈 與 因。 長舒 種 恩 何 九 金質 蓮 以 報。 人。

愧 要 筆 聖 金 兀 瀝 真 霜 向 八端 久孤 鋒 凡 刀 乾 身指出血 J] 點 不 珍 刺 指 自 恩恨 池 滴 嚴 隔 破 血 刺 結 MI 像 畵 -娘 苦 且 微 淋 勝 花 生 逼 鄉 身 淋說法明明在現今四土 哀。 塵。 因。 香。 指。 真。 陀。 根。 慈容 底 真 影 黑 盡 赤 **LUT** 花 誠 現 事 血 得 染 分明證 塗成 畫 點 溯 香 溯 彌 陀佛 们刮 染 陀 染 陀 血 老 法 意 血 ML 始 料片 法 界 痕 若 如 一尊豈是指端 身父子天 神幾囘 親。 來。 王。 新。 何。 誰 從 不 非禮 始 今母子 羡 信 知 九蓮 皮獲 人天 生佛 稽 朝 真從此 首 參常 常相 求富 浦 腥 殷 無痛 原 不 穢 勤 供 無 隔從來 白赤 樂願 合。 憶。 m. 間。 養。 覺。 52 刀斧 頓 岛 不 凹 成 色 垂 但 終 知 蓮 無法外唯 應 接 \_\_\_\_\_ 道 妙 相 何 教 51 見 身 耀 化 以 我 紫 最 放 斫 \_ 祇 出 報 金 不 慈 [0] ns 此 娑 兹 心。身。 開。 光。親。身。

# 讚乘吼觀音丈夫相

毛 4 盘 五 圓 走 出 通 補 功 陀 獨 殿。當 崖。 楊 陽 柳 首 蘸 乾 मे 文 南 海 殊 選。 浪。 神奇 一片老婆心不休堂堂重 將 謂 有 老 般。 耳 杂 原 現 來 大 皮 兩

六七

六八

寶蓮 淨 按 轡當 瓶 打 几 色曾 失 陽 不 知 誰 去 何 來情 問宏願千重祇 日。 楊柳 知救苦念頭灰沈沈那管人瞻禮。 空持 到 自忙好把 此方甘露一 身 不 心都放 曾 施 下晨昏 滴。 盡 爭 教 日 受我 思 火 宅 量 「覚善財。 頓 爐 凉,

### 讚大士像

宏願等虚空含靈 大 圓 萬 普 不 道 門 在 通 類 何當禁夜 原 層 面 新。 不閉豈 皮 目 淨 本分明。 上尚未空諸 水 遙 待指彈開。 行。 含 共景 試 不識誰人畵得成月上 空 向 界月楊枝暗 補陀岩 仰垂慈雖有方赴感 有何能滿大哀忍歸 觸 著毫端 畔問聖凡曾 露 刧 便 前 現 千峯看 身、 春。 悲深那 有幾多 安養 相 何曾往大士顧 逢 去。 有象風鳴萬籟聽無聲普門未必須彈指。 盡 怕惹 親自 爭。 解 低 紅塵肝腸 補 頭 無言。 陀 拜。 親 來。 萬古 見慈容 善財欣合掌始 何 枝楊 止 十分 有 幾 柳。 人。 羣靈 熱。 知 面 目 巧 個胡 常 善 逗 隨 財。

### 悟圓老宿像

滿 地 布黃金未免俗氣當陽插莖草猶欠事 功。 爭似者老師平地起 孤堆伽 藍 自 建。

贈

滯 刧。 貨。 齋 田 檀 寶 度 殿。 圓 常 成。 佛 放 法 光 僧 明。且 三拿等供施 畢 竟渠 是 受 BOJ 物 誰。 京 \_\_ 北 體全空六七十 大 牛 房 村 觀 年。 音 寺 想 裏 慳 杜 老 貪。 悟公。 總 成 呵 佛 事。 百 T. 萬

輪 珠 未轉佛 اناد 通。 田 服閒披色本 空。道 範祇 應天眼對高踪豈 在畫圖 中。

## 本然安老宿像讚

積。 樸 九 牢 出 重 把輪 自 城裏。 天 珠念 十字街 真。 非 栩 不休咦現有菴居 造 頭。 金錫高 作。 瓦 礫 翻 卓實行密修。 成 標榜 金 碧。 在。 岩 三十 時 待 營謀。 人 載 何 更 光 天 共白 學 陰渾如一日。 虚 雲 頭。 一曉水同 百 干般境界不換雙眸。 明 月 流資糧 老 去 擬 勤

縱 實 菴 横 隱 丽 皇 四 念 土 都 佛 聲 幾 最 前 相 十 秋。 淨, 宜。 自 紅 塵堆 在 句  $\equiv$ 洪 身象 名 裏 見清 密 外 自 彰。 持。 修。 如是 生 萬 妙 4 念 得 干 時 力 支 非 都 無 有 多 不 念。 子。 會。 一味尋 珠輪 坐 看 未 花 常 轉 放 寶 老 义 何 蓮 實

觸 伽 黎 目 明宗猶 色 帶 煙 是 霞 古。 鈍。 珠 門 數 辨 香 分菡 È 尙 苔 嫌 清定 遲。 如 何 久 不 洲 面 知 堂堂 誰 是 處念佛 佛、 長 空 依 萬 里 然 |||| 月 孤

#### 個 菴老人像

分 風。色。情 十二章 身。 性 是 從 天 此 盡 力。 含 味 行 靈 推 冰 如 冷。 挽 重 不 被 面 及。 不 恐。 杖 前。 皮 咦。 龍 佛 得 恁麼瘢 活 加 是 欲 致 竟。 我 舞。 黑。 儂 用器 奈 九 煮 何 慣 不 重 得。 與 城 敲 武 裏。 開鞋虎 接 四 寒山 +-載 睡 之 混 方 步。 俗 酬。 六 和 光。十 脚 百 跟 首 字 何 唾 處 出 街 摸 便 顶。 休。 华 心 们胡 毫端 折 裢 潛 騎 1: 子 聲 之 蓋

鶴 林 比 壽梵 網提 綱。 卷居 無 玷。 僧 史有

#### 法 空 寶耆宿像

設 魔 4 都 有 肩 尝 個 來 衲 覿 不 管。 面 披 過 殘。 不 現未 識 百 的。 八 + 輪 史 問 世。 珠 道 揑 念佛 扁。 坐 渾忘 法 的 爾 畢竟是誰 法報 化 三身。 你 不 個胡 H 一燒香 中圓 禮 滿。 拜 面 了。 目 再 如 [6] 此 你道 分 明。 相 未 逢 晚 直須 具 眼。

夢

東

禪

師遺集

卷中

偈頌

念 佛 伽 陀

教義百偈

句彌陀意旨如何知音常少木耳偏多。句彌陀我佛心要豎徹五時橫該八教。 句彌陀名異方便普攝羣機。 句爛陀大意分明蛇生弓影藥出金 線。 瓶。

句彌陀成佛標準以念佛心入無生

句彌陀臨終佛現四辯親宣方方共

句

爛

陀開往生門是多

福

德非

少善

根。

旁通

錄

句彌陀清 句 句 句 句 句 句 句 句 句 句 句 句 彌 彌 彌 彌 彌 彌 彌 彌 彌 彌 彌 彌 陀妙真 陀白牛駕 陀滿 陀, 陀。 陀。 陀。 陀大圓智鏡身 陀, 陀。 陀。 陀。 空 華 開 大 圓 證 圓 如 淨實 三不 般 般 滿 + 如 屋門開從者裏 融 來 若 來 湼 大 菩 法 如 藏 、願豈得普 藏。 槃。 提。天 界觀 勁。 門。 相。 性。 ·L'0 退。 萬 絕議絕 + 春在華枝像含古 水 祇 法未 土影 虚 輪 更 體 外 疾 此 萬 明 無 全 無 如 含。 上。 真。 思。 賢。 法。 月。 形。 浪。 風。 生。 快隨我 实 難 萬 重 ----交 器 行 錯 便 真 名難 里 重 原是 教 不 羅 步 口 補 空 平 與 絕 掩 無 平 T 佛 映。礙。狀。鏡。金。正。 相。

句 句 句 句 句 句 句 句 句 句 句 句 句 爛 州陀法 彌 彌 彌 彌 彌 彌 彌 彌 彌 彌 彌 陀罕聞罕睹影現鏡 陀。 陀, 陀。 陀。 陀。 陀。 陀似空合空了 陀。 陀。 陀。 陀。 入王二 繩 渾 如 性 本自空星 本 全 藏 大藏論當念心開 大藏 大藏 界緣 大總 鏡 是麻。 秘密。 大 照 經縱橫 鏡。 藏。 起。 持。 昧。 一淨業正 戒定 發本 奈 似 轉 轉互 皆 何不 無痕 ---地 慧 文彩。 神 拱 切 均 林響宣 含。 會。 光。 通。 ه ناد 縫。 因。 北。 物。 擎。 慧 菩提 水盡 翻 具 重 流 戒 絕 卻 使 如 大威 十二 疑 出 光 波 待 有 璺 天 作 交 如 羅 幽 種 普 無 西 朝 力。 噴。 靈。 蜜。 映。 子。 東。 東。

句 句 句 句 句 句 何 句 句 句 句 句 句 彌陀。 彌 淵 彌 彌 彌 彌陀得大自在。 彌陀非有非 彌 彌 彌 渊 洲 陀非難非 陀第 陀的 陀明 陀。 陀。 陀。 陀。 陀。 陀。 就路還家一 里 有 妙 老 亦 無 一義諦。 的是 明是 功者賞王膳 圓 無 婆 111 三諦。 爲 亦 心 變 無鎔他 無捺著便 易。 美。 有。 有。 苦。 喻。 九品蓮 轉變聖儿。 四辯八 居 गा 最 尙 夢 巡 ili 惜痴 超百 鏡當 清 裏 萬 1 盈前。 凉 萬 來 Щ 角汗 人棄金担 非。 池。 轉。 音。 華。 歸。 111, 像。 舟。 40 髻珠 水上 枯 融中 大 鏡 入 婆 發 水 生 椿 猛 落 我 中 الناء 銀 通 T 虚 洪 心 非 在 世 火 四 華 苦 约 附 柳。鑪。 掌。 鬼。 界。 聚。句。盧。 地。

句 何 旬 何 何 旬 句 何 句 何 句 何 句 彌陀只恁 彌陀。 彌陀。 彌陀。 州 彌 彌 彌 彌 彌 彌 彌 彌 陀誓成 陀。 陀。 陀。 陀、 陀。 陀。 陀。 陀。 要在信深。 **礕**猶 攝 愈名 不急 要在 安在 全 類 歸 横 如 身 心 元 出 娑婆你信不 片 鑚 密 愈 頂 掘 不 娅 行 願 捷 戴。 火。 井。 持。 好。 緩。 念。 段。 專。 切。 徑。 蓮芽九品 拌此 緊要資糧。 百 單 寸 就 加 人 木 如 11. 命 煨 人 人 八輪 提 心 下 口 飲水冷 近 學 欲 煙 無 如 ---不 射。 生。 泥。 念。 焚。 及。吾 常。 生。 珠。 -- 0 作箇 光 暫 價 久 歷 線 斬 雙 抽 唯 目 陰 廉 煖 習 歷 斷 信 停 幽 自 末 T 自 則 重 閒 萬 流 此 不 不 m 願 如 巧。轉。 换。漢。緣。 知。 血。 心。

卷下

旬 旬 句 句 何 句 句 句 句 何 旬 句 何 彌 彌 彌 引畅 彌 彌 彌 彌 彌 彌 彌 彌 哪 陀滿 陀。 陀。 陀, 陀。 陀。 陀。 陀。 陀。 陀。 陀。 陀。 陀, 滿羼提 無爲 幕直 塵緣 滿 無 無 頓 如 险 妙 如 路砥 漏 F 檀 相 入 水 [] 救 羅 那 真 大 心 念 自 此 清 It. M 法。 佛。 過。 鐵行。 珠。 度。 度。 度。 僧。 門。 平。 觀。 然。 日用單提。 雪 紛紜 直 都 裂 師 國 金 寂 盡 踏 攝 Щ 土 十分 我 破 子 翅 扺 寂 藥 遊行。 籫 莊 六 慳 到 雜 惺 相 壁 所。 空。 根。 襲。 樹。 嚴, 底。 念。 惺。 力。 海。 無生忍 劍 幣 期 掀 險 香 直 不 圓 更 不 無 散野 住化 都的 道 剧性 非 象 鐵 雜 上品品 淨 取 龍 籫 籫 渡 自 明 他 無 燈。匣。物。河。干。吞。無。 城。

句 句 句 句 句 句 何 句 句 句 句 何 句 彌 彌 溯 彌 瀰 彌 彌 彌 彌 渊 彌 嫻 彌 陀。 陀想寂 陀一杂寶 陀。 陀。 陀。 陀, 陀。 陀。 陀。 陀。 陀宏通敢惰。 陀。 滿 能空 滿 滿 滅 幽 無 朶寶 杂 杂寶 般 除定 盡寶 諸 禪 毗 若 思 苦 寶 那 梨 煩 蓮凡情不 度境寂 蓮。 專。 報。 業。 蓮。 蓮。 度。 度。 惱。 藏。 八字打開。 入大悲室。 决定不 不染 赫日 全佛 現 直 唯 世 界根 饒不 離 諸 الم 纖塵。 之 心 忍 威 輕 全 信亦宜其 空裳開 信已 信真箇 妙。 土。 儀。 霜。 身。 心。 直 洪 普 坐 法 已 藏 刨 法空 踏 了 爐 鹿鹿 同 甚 片 百 月 枯 玄 供 m 雪。 養。 座。 露。 樹。 了。

卷下

何 句 们 何 何 句 句 何 旬 旬 旬 旬 句 嫻 13/44 瀰 淵 湖 湖 引摘 州 洲 州 淵 渊 彌 陀。 陀。 陀。 陀。 陀, 陀。 陀。 陀。 陀。 陀。 陀。 陀。 陀。 化兼 华 報 超 機 解 [[] 利 列 微 有 感 人 轉二障。 未報 諸 難 糸統 妙雅 然 逗 大 加 教 應 小 人 恶 解 無 象 時 本 無 非 天參差三輩掩 趣。 恩。 寃, 聖。 類。 能。 節。 行。 思。 礙。 邨。 裂纏 刨 萬 慈 囘 異 馬 唯 文 雄 少 永 德洪 光 感業 殊呰 狹 俊 明 香 鳴 佛 康 綿 共 **元單** 常 造 與 劣 入 化 伯。 苦成 冥惟 聞。 論。 佛。 賢。 هزياد 名。 網。 仰。 佛。 蓮 龍 大 向 那 入 法 善 智 乃 能 映 容 解 喜 秘 恭 人 無 者 樹 導 社 滅 九 密 思 脫 均 教 創 往 知 境 1 光 議,門。 沾。 界。 蓮。 生。之。 乘。 明。

句 何 爛陀是無上禪。 彌 陀理非 易會百 一生事 偈俄 成。 辨。 曠 尊 刧 功 加 圓。

### 宗乘百偈

句 句 句 句彌陀現成公案。 句 句 句 句 彌陀死了 彌陀指 彌 彌陀切忌莽鹵。 彌陀莫問宗 彌陀五宗公 彌 陀。 陀。 何 正 门一上路不一 敢 好 未 活 相 一案八裂七 燒。 教。 嘲。 埋。 佛曾有約 (但辨肯 瓜徹蒂甜氣 未 抝 合 折竹杖。 取狗 擲藤條先焚疏 可言傳直須神 心必不 口打折 華。 燒郤 瓠 天 不 不 連 勞 須 根 草 相 驢 判 鞋。賺。 腰。 苦。悟。 鈔。招。 斷。

何

爛陀計甚易難。

三條竹

度七箇蒲

句 句 句 何 何 何 何 句 句 句 旬 旬 句 彌 渊 渊 湖 彌 彌 彌 粥 渊 粥 州村 佛 湖 陀天然五 陀三支三 陀萬 陀正 陀格 陀。 陀, 陀。 陀。 陀。 陀。 险。 陀。 全省 四重 悟機 念 誰 親 踏 拳 外宗 知 來 筝 重 好 切 上 料揀。 尤 全 關 頭 轉 如 便 受 牢 要除郤 身。 透。 主。 位。 通。 锅。 此。 妙。 好。 持。 執。 收放卷 只爲 師 泥 佛 水 山 百 念 不 揑 -丈鼻 牛 手 子 牛 不 盡 極 用 鉞 無路。 鮫 分 楊 吼 驉 是 情 分疏韻蒙合 飲 稱 明。郤 舒。 頭。 忘。 修。 脚。 人。 月。 水。 水。 錘。 、雲門足 Ш 溪 頂 阿 寒 出 鵝 木 面 五 門有 誰 灰 王 難 馬 皮 依 囘 馬 黃 彩 擇 知 舊 有 豆 領 嘶 不 金 道。 風。厚。山。村。指。 眼。乳。 會。妙。 爆。 嘶。汁。

句 句 句 句 句 句 句 何 何 何 何 何 旬 彌陀得 爛陀。 彌 彌 彌 娴 彌陀是何宗旨。 彌陀六八宏願 **彌陀大有來由暗中** 洲 州村 啪 辦 陀舊案全型 陀法 陀。 陀。 陀。 陀。 陀。 全 誰 将 本 就 PL 分禪宗。 器占 身 機 要明宗攬草成 善舉揚龜毛 轉 身 種 靈 向 勘 不 無 藏 已自己· 翻 明。 上。 破, 跡。 鋒。 二雪拳輥 横擔棚 如 喝 勝 無 冷 此 巖 金剛 退臨 何 便穿 意 星 頭 拂 若 書字窗裏出 稱 山 誰 去 衣飢 藥。 果。 何。 濟。 王。 毬。 短。 河。 知。 後。 徒 棒 超 天 兔 山 直 誰 兩 華 勞讚 走德 亭空 頭 木 善 恰 上 斯 山。座。

句 何 句 何 句 句 句 句 句 句 句 句 句 彌 彌 彌 彌 彌 彌 彌 彌 彌 渊 彌 爛 彌 陀。 陀父子 陀成 陀。 陀。 陀。 陀。 陀。 陀。 陀, 陀、 陀。 九品蓮 的 且淺 君臣道 含 子 居 切莫 重 坐 當 奉合 靈 箇 細 不 新 鎮 待 主 商 商 投 晋 商 指 醂 實 華。 育。 量。 量。 量。 合。 機。 10 夥。 點。 預。 字。 翁。 薫風 聖德 覷井 月圓當 焼返 種 日 店 慈 盗 若 11 拽 豆得 麗 中 外 顏 入 然 下 賊家。 山 焚 南 覰驅是渠是 禪 兩 無 天 咫 魂 床。 豆。種 被。 尺。 1110 淵。 法。 來。 戶。 香。 物。 僧投 殿閣 擊塗 春 庫 東 慚 愧 未 日 用 難 久背 榮 是 著 出 瓜 1 土 得 草 賣 微 報 寺 毒 西 正 連 融 薑。方。凉。答。違。宿。我。 眼。 山。鼓。

句 句 句 句 句 句 句 句 句 句 句 句 句 彌陀於意 潮陀是活-彌陀。 彌陀撥 彌 彌 彌 瀰 彌陀念者爲 彌 彌 彌 彌 陀九品蓮 陀。 陀。 陀。 陀。 陀。 陀。 陀。 是 願樂 今 九品 九品蓮 別啓玄關一 惟 曾 殺 德是 重告 塵 聞 人 欲 北 人 見 蓮 云 語生實不 誰。 刀當塲拈 劍。 馨, 聞。 何。 佛。 觜。 華。 華。 華。 草木 佛亦 曾得了 一壺盧架 故鄉作 界露鋒鋩龍 兩 布 Щ 雁 般雲月 段不 過 帛 不 真 是 長 非 在 ,也猶欠鍼然 起。 同。 生去 空影 上。郤 客。 高。 香。 塵。 儉。 鬼哭 收歸 各 塵是 水 Ш 别 錦 騰和 自 水清 决定 結冬 沈 國 繡 不 前 谿 在 寒 爲 非 上 何 物。錐。去。 深。音。 科。 山。 水。瓜。

何 句 何 何 何 句 何 句 何 句 旬 何 旬 煽 彌 溯 彌 堂 彌 讲稿 淵 加 彌 彌 彌 彌 陀, 陀。 陀。 陀。 陀。 阼。 陀。 陀。 陀。 陀。 陀。 坐大寶蓮 轉身就 安樂 不勞融 臨 ム字 法 說 頗 亚 F 佛 不 深 用 機 雷 車 眼 本 山 意 掣電。 回  $\equiv$ 鲜作 常 故 中 曉 自 致買石 點。 父無計 曉但歸 土。胡 住。 話。 曲。 窮。 軌。 贯。 心佛衆 芭蕉 綠 六 法 娜 王 唤 通 服 樹 不 月 勒 庫 破 身 歸 松 篡 拄 卷 綿 啼 承 山 寶, 沙 非 饒。 杖。 簾。 驚。 密。 生。 歡。 來。 風。 去。 後。 盆。 刀 移花 鬧 自 黃 三平 何 人 釋 加 作 八 本 動 敢背 面 市 間 有 龍 來 便 迦 庭 IE 有 蝶 斷 無 柴 拳 不 真 法 玲 -飛 瓏。串。去。许。虎。價。至。燒。 頭。案。 眼。

句彌 句 句 句 何 句 句 句 句 句 句 句 句 彌 彌 彌 彌 彌 彌 彌 彌 彌 彌 彌、 彌 陀震大 陀是究竟 陀殊 陀。 陀。 陀。 陀。 陀豐儉隨家。 陀。 陀, 陀, 陀。 明珠走 常 無 擊 吹 建 萬 百 全 大 大 非 邊 大 古 寂 T 心 衆 法 法 法 法 空 草 滅 卷 相 盤。 生。 鼓。 螺。 雷。 幢。 平。 草。 道。 相, 經。 委。 木童 臥龍 同 寰 香 當 救 日 F 水 時 似 和取升霞。 四河 時度 則有 月 中 巖錐子真淨 人 至 中 金 撫 奮 停 道 面 華 鹽 博 竟贵 掌。 契。 輪。 迅。 分。 目。 開。 味。 金。 道 喚回 石 色裏 盤 山 大 鶯 如 待 女 戶 外 卽 地 hal 河 啼 水 高 洞 魔 應 起 袈 衆 趙 大 更 柳 膠 投 開。降。裟。難。生。老。 笑。上。 舞。歌。

八五

句 句 句 句 何 句 句 句 句 句 句 句 句 彌陀恰 彌陀。 彌 彌 彌 彌 彌 彌 彌 彌 彌 淵 彌 陀宗 陀。且 陀。 陀。 陀。 陀。 陀。 陀。 陀。 陀。 陀。 大家委 11 人 道 離 心 何 無 無 無 佛雙彰。 提 不是 人 出 有 見 佛 止 1-量 盡 明 知 格 超 兩 唯 佛 法 煩 大 佛。名 悉。 方。 外。 證。 情。 亡。 心。 道。 門。 概。 有。 不許 向 從 刧 趙 水 慈 Щ 寂 水 兩 輥 下文 火洞 州狗 清 歸 本非 氏 輪 自 東 光 成 高 渦 有 月 滄 互 夜 樓 現。 長。 相。 然。 子。 海。 照。 高。 名。 行。 閣。 團。 西。 雲去 付 進 者 郤 即 物 投 全 佛 水 武 ----於來 統 前 箇 明 性 無 壤 自 原 身 陵 也 佛 帝 須 义 無 文 深 無 桃 靠 無 壞。性。成。鄉。疆。深。物。到。源。

信 生 必 有 死。 の普 曾無一人 逃從 得古

信 人 命 無 常。 一出 息息不雖 來存。 即入 爲息 後難 世保 0 0

四。 -信 苦 輪 趣 囘 時 路 長。 險。 再三 **爪上土。** 頭一 來報 失人便 是五 幾千 身置惡 時劫 . 0 。趣 如。 大得 地人

土身

。如

六。 Hi. 信 信 實 佛 有 語 淨 不 虚。 士。 可此 。如 的的是婆 使傾動 有無 。異

0 0

諸可

佛令

所墮

言落

0 0

無妙有高

異山

也王

0 0

願 生 卽 生。經已 有明文願 0 0 哉生

七。

信

八。 信 牛 卽 不 退。 退心不 起强 0 0

九。 信 信 法 本 生 成 唯 佛。 وناد 0唯 何壽 事命無 皆心 我有 心具 辦量 具造。二 0 0 皆義 我。

心如

造上

○諸

法

佛 語 ه ناد 故。 樂 即 土 造 後 之 牛。 四。 如 不 信 操 佛 左 劵 語。 m 但 造 収 故 前 物。 四。 夫 故 何 深 信佛 鲜性 之 吉。 有。 甲 即 子 深 t 信 月。 自 ili 也。 道 修 淨 書。 業 者。 能 具 此

卷下

種

信

窮 欲 未 唯 極 佛 佛 彌 自 禪 會 樂 陀 性 明 心 在 非 宗髓。 自 極 唯 唯 崩 唯 性 性 念 土。 心。 いい。 樂。 中。 性。 陀。 外。 佛 性党 提 須 極 性 自 淵 唯極 明唯 樂 性 陀 教 達 刨 七言五十一首工 網 唯 佛 彌 佛 唯 自 陀。皇 綱。 士。 100 心。 樂。 外。 中。 性。 夜华正 砬 山 阿 離 本 如 執 風一片。 自高 土論 水投 彌 砆 自 性 首五 果 非 圓 廢 佛安樂 玉。 修。 明。 高。 心心。 融。 水。 翻然 鍮 水自 天 Z 似 帝 大

何

隔

礙。

空合

樂

成

網

交

空。羅。

見聞

隨喜信願持

名。

功圓曠日

刧。

佛

補

信

手

瓣

香。

至

心

拜。

本

分

修

持。

大人

境

九

变

蓮,

在

脚

跟

底。

不

念

彌

陀。

孤

負

自

西

曉

石

不非深大露。金、深。錯。

欲 明 安 樂 國端 的 是 西 方。 唯 土 宗非 謬。 即 الا 理 更 長。 寂 光 原 有 相。 佛 性 卻 無常未委深深旨

#### 何 妨 問 願 王。

聲 聲 聲 聲 聲 聲 聲 聲 聲 聲 佛 佛 佛 佛 佛 佛 佛 佛 佛 佛 號 號 號 號 號 號 號 號 號 號 聲 聲 聲 聲 聲 聲 聲 聲 聲 聲 じっ 穢。 心。 心。 هراياد 心。 ه رااد 心。 心。 心。 心。 葉茂 法藏 格 山 落 須 覺 心 向 直 信 自高 落 上 佛 海 外 下 全提 門 圓 心 雙忘 投 分 靈 由 兮水自 音 深 來 機 開 明 源 聞 佛 根自 句 深 入髓 趣 尝 勿 更 共 復 現 淺 轉 外 今。 深。 深。 深。 深。 香。 深。 葬。 深。 深。 深。 萬 不 何 夢 定 鞭 四 不 無 臨 借 論 落 事 眼 士二 限 久 濟 影 未 東風 宮 世 干 含 不 德 未 間 開 經 商 靈 勞 重 知 山 癡 情 些子 都 閒 誰 如 頻 因 毛 漢 逐 話 曲 見徹 未 果 卓 舉 唤 力。 子。 逐。 盡。 肯。 竪。 調。 相。 醒。 示。 猶 慈 大家 優 分 鍾 滿 任 白 都 光 量香 將 明 期 廬 教 牛 天 常 黄 齊 題 未 霜 不 棒 連 綻 必是 葉 照 目 墮 著 喝 月 出 謗 夜 古 頂 祗 松 古 去 照 叢 黄 沈 知 來 門 而 黄 幽 林。 針。 林。 金。

娑婆

了界捨唯

じ

淨

土

蓮

開

自

性

不

向

此

宗

親

四方端

的

是

何

說 猛 彌 學 圓 話 自 痴 明 我 個 憐 陀 道 到 著 明 念 句 發 迷 事 知 切 大道 無常 身作 蓮 洪 經 = 彌 安 持 自 -分 念入 養是 名一 邦 性 今 الا 明 陀 名 古今通。 見最真。 祗 太 雨 四 الماد 兩 有 如 相當雙 寶蓮。 自 平 娑 愈 淚 課 吾 救 + 悲百 僧。 婆。 年。 切。 垂。 程。 家。 頭。 聲聲流 單提 閻 了 長 從來無 **晨**昏 娑 還 天地毫釐辨 歸 知沉淪 飛雙遮 年 死 浮 鄕 去 婆 出要尚茫 彈 脫 苦 一十萬 休 那 一念念彌 生卻 指 .趣 法及 教 出 更 可 實 自 總 欲 路 口 句 異 未 奈 堪 心親。 不 何 الا 遲 分 更 堅盡生不 然輪 何。 悲。 同。 曾。 留。 妨。 爲。 明。 差。 田。 穢土 誰 即今撒 惟 但 世 但 念 不 但 珠百 願名 識 間 求 聲 教 念 教 到 欲翻 一唤著 念念能 慈 出 西 盡 塵 圓 標蓮 八別拈 起餘 方 父 緣 手 融 世 報 成 思 無量 便 垂 常 唯 無 蓝 淨 惟 聲 相 歸 礙 思 哀 如 念 界全機撥 壽。 去。已 想。 憫。 裏 遍。 應端 此, 處。 起。 佛。 續。 11. 要 小 不 不 原 時 珍 不 念彌 須 來 較前 佛 種 的彌 業 聞 小 池 怕 卻 西 高 蓮 彌 衆 高 誰 是 方上 轉 陀 賢輸 陣 生 花 列 陀 論 占 陀 主 上 念 更 籫 藕 與 非 成 不 \_\_\_ 念 品 傳 彌 串 花 蓮 現 别 枝。燈。 蓮。

穿。

籌。

香。

故 鄕 别 久 經 秋。 切 切 歸 יטי 不 暫 留。 我 念 彌 陀佛 念 我。 天 真 父 子 兩 相

唯 淨 尋 僧 常 拙 聲 Pol 心 土 佛 彌 淨 唯 粥 但 土 心 飯 知 號 了 幾 叉 我 個 車 時 獨 閒 淨 中 **Sol** 人 知六字 業。 憶。 彌。 僧。 知。 律教禪宗百 九品 除 客 癡 來 郤 人 洪名 蓮 空 幸 <u>ka)</u> 自泣 香帶裏 勿帶 彌 須 總 密 冬 不 紅 不 能佛 持。 歧。 塵。 聞。 知。 拶到 故 世 樂 搯 鄕 號 間 國 到 六時常 歸 多 念 已 水 少奇 窮 去 知 珠 繩 山盡 原 便 歸 密 男 不 索 處樂 子。 遠。 斷。 轉。 去。 金 不 休 飯 邦 色 الناء 識 教 香 菜 花 不 西 更 不 爵し 方 隔 熱 隔 開 IE 竟 路 念 已 絲 是 何 多 最 紛 曾。 真。 絲。 時。

佛 專 曾 + 志 與 念 土 彌 持 得 雖 名 陀 生 遙 有 佛 千 典 宿 百 有 不 億。 孤。 緣。 願。 尋 脚 千 \_\_ الن 囘 常 跟 百 歷 不 有 轉 歷 亂 路 是通 現 過 我 吾前。 輪 無 疑。 珠。 津。 寶蓮 彌 者 奈 陀 囘 何 已信 老 不 我 少 但 斬 標 思 時 塵 名字。 時 情 歸 念。 斷。 客。 未委花 都 深 那 管 負 把 彌 珍 彌 陀 池 池 陀 大 第 作 念 籫 幾 我 别 人。 波

清

月

現

看

偏

地

暖花

開

喻

更

親。

佛

號

聲蓮

九品。

高

低

分

位

屬

何

好。

彌

陀日

念百

T

轉。

不

亂

الن

竟

未

成。

禪

客那

堪頻啓請。

重

開

貝

葉

四

憐

空澄 唯 要作 六字洪名密 割 明 林 彌 洪名六字 + 陀已 明 萬 斷 句 الناء 朶花 旬 辯 彌 眨 具 蓮 海 彌 塵 彌 四 陀 緣 眼 造 湛 陀 陀 士 悟主人翁極樂同居路正 含 池 念已 寂 百 念 非 變 理 念 水清珠方寸澄澄百慮 自 不 便 他 青 分 光 憶 聖 在 便 週条前 土日照天空 思通身著力念 。提 土的的 黄。 明九品蓮胎念念成。 持工夫冷暖 胎。 人 親。 、娑婆肯 名 Ŧ-恰 總 書某甲 是 生 如 死了未 三身 古 萬 無 臨法 刧種 常 鼎 更 尚香 自 祇 信 亦 惹 家 阿 曾埋娑婆已竟多生債淨 息 此 奇 紅. 界身父子相逢重會合一 來 彌娑婆深 無個 因娑婆 身身土都來穿一 忙。 知。 浮。 通諸上善人俱會處何妨某亦在 塵。 哉。 尚衣 娑婆 心神 穢 試 從 展金經 裏 土 來 不覺沈 早 不 不 但 風 因 作輪 結娘 光難舉 送歸 厭輪廻苦早向 超 果 聽講 輪 唯 生 轉 沈 الا 安 廻 業要作 睡。 串。 一似長天 夢。 苦。 演。 養。 現。 極樂像 穩 蓮 更 底 此 囘 團 看 土 池 無 事 地 萬 空餘 和 花池占一 蓮 舉 \_ 花 m 下 分 今歸 品 句 氣滿 著 然 里 明 開 池 不 叉 月 鏡 自 不 七 夢 去 囘 何 相 其 輪 裏 門 寶 在 用

枝。

來。

人。

春。池。遊。

### 示衆偈六首

泥 4 海 底喫金鞭。 轉步踏翻碧浪天誰識皮毛參異類自甘耕牧了殘緣 三車門外原無 法。

五 字脇邊不是禪在處青山饒水草眠雲 臥月自年 年.。

會取 吾家 向上宗移星換斗自從容老祖曾未來東土童子何須過別峯流出靈源波港 湛。

歸古鏡影 重 重相逢不吝閒拈示百尺樓頭一擊鐘。

縱 坐 横 斷 一劫前 活 路 脚跟 一點 通千門洞啓恣遊戲赫赫金鳥 空郤來赤手展家風。 何妨傍戶 出海 揖賓客未許當堂見主翁與奪靈機格 東。 外轉。

應惜 遊 大 化 人 徧問 絕 疏 津椎拂未拈知落處到頭猶是眼中 親。 片花含萬古春少 室 九年情已 塵。 露。 曹溪一宿話維新謾勞慈 氏頻

灼然大寶獲春池到頭始信原 生 死 牢 關 未 透 時脚跟 一句好提持。 無事弓影非蛇祗自 不教覓水逢泥 止。那 得亡羊逐路歧驀地寒 灰爆黑

本爲了生死緊要先須識自己項上頭非鏡裏頭娘生嘴是虛空嘴眼中不著一星沙

底常容大海水擬剔眉毛早隔山那堪更問張三李。

耳

禪

# 講圓覺經畢示衆偈七首

智慧 皮袋年來病不休渾無氣力按牛頭相逢偶與閒拈示猶憶歌聲下酒 炎 爲 陣 相 重雪 惜流光在 雲 逢 炎 爲 長 初飲劍光凝十里長河夜鎖冰脫屩圍爐相對 不 夏苦跏 船精 用作 上一重霜今歲還同去歲凉攢板禪和猶不會。 <u></u>
麼生。 進 苒 一灣直灣 跌貝葉頻開興不孤十二章經都話徧不 過。 此 殷勤開演貝多羅非云擊節明經義聊與諸 事 頭 渡 頭總現成鶴膝 惡波 濤。 境 風 自長 順 逆猶堪 鳧脛 短。 懼端在梢公舵 坐大家俱是太平曾。 更嫌 更煩人爲點茶湯。 知真 何 人遺睡 個 處 覺 不 分明。 圓 樓。

覆講大義八首

贝

臭 口 不 開 毎 趣 覆 正 講 長名言纔穿 預 日 I 侍者下 墮 - 某某籤: 便 亡羊爲 此 憐摘 次磬鳴衆集。 葉尋 枝 去。 始知侍者悞送籤。 大義當 頭特 舉 師遂拈以爲題

云。

事 出 4 常理最· 文磬聲一 擊耳門穿言 前有 句如何 說大義 **渾該三百** 

磬聲 莫 現 機 瓶 先 成 更談 瀉 證據豈 = 河流成底 句是 玄論 扣 報 **矜**誇畢竟 如何。 有 知 無。 音。 事雨花動地 清磬聲 誰道堂前草丈 盈前 空生非作 海 衆嘴盧 中 也徒然大家高挂娘生口聽取虛空講 漏 泄多説 家座上 都。 深法座未登講已 個 默 中 果 雙 大 离焦 好 無能說者看渠何 真消 誰 不二。 息。不 竟。 等閒疑殺老 到 但人 頭 -著勝 空法 處散 雙 卻 維 亦 天 圓。 如。

4

懶

隨清磬證

圓通。

一任燈王寶座空如是來還如是去堂堂格外展家

#### 解制示衆偈

結 禹 門驚 冬又 解 迅雷棧道試 冬鑄印還外 輔 銷 **駿毒鼓已頻撾却燒無賸** 即。 暗 地 撒 明 珠。 當 頭 截 露 燼。 刃。

九五

當人莫自欺個事宜親信此去到諸方不須重問訊。

## 我空偈四首

水 解 百 綠 心 云 骸 心声明一 澄湛 體盡 食 盡 冰還 身猶 波 歷 間 遠在會取緣生火自空 酒在二客相持鬼本無 問月四大紛紜空裏共 歷。 鴉鳴鵲噪韻囂囂。 生火自空 本無莫笑。 花。 拶到 可憐誤 擬 向 含 水 個 識 窮 生 中 尋主宰。 東 Ш 無 代君面王庫 盡 倒 處。 斷。 程 不 將 途萬 知 刀 誰 何 誰 是主 曾有 里未 肯 自 人 此 輕

# 資福寺講前示衆偈十六首

從 白 兩 來國 木 寺 + 柴牀 皇都偶 韶 光 土 支講 本 瞬 唯 息 夢 過。 臺。遊。 心個話颟顸古到今不是老僧親道。 業緣猶繫苦娑婆還鄉 紅 霜 螺 華已染鬢絲秋一聲 古 寺法 新 開。 漫 嫌 退 項 曲難成 石 鼓 歸 頭 難 來 心破森羅萬 晚。 調。點。 、雲自高 且自逢場唱哩 且 得 虚 象量沈 空笑 飛 水 自 滿 顋。流。

相 逢 珠 盡 兮珠 說 土 走 唯 盤。 心。 豈 唯 11 識 唯 唯 土 心 理 两 甚 無 端。 深。 不 知 塵 毎 死 語從 徵 唯 土 來 活。 算 盡 沈 吟 河 了 沙 祇 沈 自

爲 西 實 杯 拈 家 大 老 有 小慈 愛 珠 居 方 句 街 病 來 無 追 淨 彌 出 弓 窮 百 生 頭 篋 拿 隨 事 + 陀 影 否 陀 子 重 將 病 總 賺 本 法 衣 去 缺 法 懸 相 善 唯 界 難 中 耶 主 當。 财。 情。 宗。 處。 消。 非。 ינוים 寶。 裁。 一聲彈 直 幾 恰 渴 咫 杖 千 明鏡當臺未 山 度逢 飲饑 房 門 尺 梨扶 透 是 九夏 唯 輪 蓮 萬 餐樂 指閣 王酱 الا 戶 君舌苦饒 邦 上 義 話 盡 歸 講 E 無 甚 照 有 門 未 經 羅 時萬 常。 生重支極妙如何 深。 籠。 珠。 開。 歸。 臺。 肝 直 親 只 大 驢 見彌 須淨 膽 料 自 别 施 饒 唇 跨門纔 毫 干 者 門 入 馬 端 陀 念 差 囘 開 後 嘴渾 樓 曾 能 無 都 饒 輕 問 欠 \_ 還 漏 吐 相 利 閒 説萬 盡。 步。 訊。 繼。 少。 濟。 閉。 泄。 事。 不合當 奈 從 翻 珍 個 金 惹 四 里長天 樓 中 然 鳥 土 何 來 得 故國 \_\_\_\_\_ 消 依 夜 羅 虚 空笑滿 身影 物 息 舊 初 华 刷 孤 幾 首 潑 樹 郤 盡 自 陰 現 人 横 原 他 外 無。鄉。來。飛。顋。 摇。

卷下

開

爐示衆

偈二首

火 煙 突起 親 從驚 死柴 嶺 頭。 傳。 舜 性 若多 空 無 神 我 寄諸 赤 汗 流。 緣。 -驚 星撥 得 泥 轉寒灰 牛 吞卻 月。森 裏。 羅 地 萬 Щ 象 河 笑 俱 洞 抬

## 題誠齊居士照

對治 乙巳 之門因說偈 秋 日 誠 齊居士自携其照索題且曰余習性多瞋無以自解願爲說 E. 法。并 以

昔 合亦 知 爲 阿 IE 當於瞋 復 本 若 身 誰 爲 是 知 卽 不 如 迷 此 是 卽 應 影 迷今復因瞋 時順爲 瞋。 瞋。 知。 像。 有。 展轉竟 爲 萬 知 馨 復是 應 如 事等空花於 在何處四句本無 不 兩 非 不 知 李 手合之亦 了。瞋 知。 瞋。 知。 不 知 此 尚本非瞋了復何所了昨日與今朝自倒還自起從 瞋 此 此 知 瞋 試 更 若 是 非 之 無 諦 生。 物。 誰。 知。 知。 觀。 非 此 有 瞋 如是諦觀察久之當 一際不可 習何所 知 知 因 爲 倘 便 卽瞋。 無 不 得居士 生。 瞋。 有。 此 此 無 心 知 因 知 本 若 爲 瞋 自 何 自 非 自 非 何 無 瞋 曉。 瞋。 知。 有。 瞋。 隻眼洞 瞋若 境空瞋 知 習性多瞋 瞋生何處 順 即是 卽 然 兩 何 怒此 開。 心。 知。 來。 有。 瞋 無 瞋 有 ال 此 著 者 知 境 知 滅 徹 慚 爲 所 何 卽 兩 根 惶 Boj 應 知 處 無 瞋。 瞋。去。 誰。

何瞋復何喜。

# 個菴老人斗室偈

爲。 斗之室置法空座太虛不寬毫端不窄有松兩株有竹幾個。 佛 也不做衲以應身粥以療餓歲月任遷蒲團任破常在其中經行坐趴。 明月夜來清風曉過老更何

#### 觀空應眞

無道 可悟無心可安撩天鼻孔不受人瞞一領布衲一個蒲閣盡未來際作如是觀

## 頌楞嚴經十首

#### 經題

劈破 頂門突出破沙盆的的無門是法門怪殺瞿曇機不密晴空迸作一條 虚空露一機未開口處示全題可憐眼底 無珠者誤認經 前 # 字

卷下

九九

證信序

發起序

道力何堪不自量等慈妄擬墮淫房定門縱使重重啟也是閒到好肉瘡。

四大章

四大毒蛇性本空等閒拶著便成龍飛騰可惜無人職幾度頻埋下土中

法身親證等虛空也是無端枉用工試把鏡珠都放下諦觀何法不圓融。

彌勒章

法王法要豈輕宣滿座知音道有傳話到點頭側耳處祇園一會偷儼然。

00

習氣難忘是利名世間出世幾多爭看他補佛情猶在大似唯心定未成。

#### 大勢至章

個 中無路與人行攜手歸來已隔程若待攝心勤念佛他年緩緩證無生。

### 道場加行頌

聖凡物我體元同感應休疑道有窮天自高寒波自湛誰推明月落潭中。 秘密門開妙總持須知神用力難思但教心口一如轉便是習忘業淨時

### 開講楞嚴頌

花香鳥語圓通性水綠山靑常住心一部楞嚴渾漏泄不須低首更沈吟。

## 頌金剛般若經

剛道卽非又是名等閒一 舉便超情有求有得全封見無說無聞總隔程如是降伏如是住,

若爲色相若爲聲分明一段刧前境八百餘家畫不成。

### 頌般若心經

#### 經題

生佛同乘沒底船漚花影裏去仍還一篙撑塌東西岸明月團團下九天。 滚滚洪波無盡頭孤帆高掛下中流夜深明月來相照兩岸蘆花一色秋。

## 觀自在菩薩節

從來 風 休雲靜地天空畫筆詩情寫未工花落亂隨流水去夢囘閒 五蘊性元空豊借區 區一照功要看勞生開夢眼金鳥夜半潑天紅。 臥月 明

### 色不異空節

真空幻色兩無殊道得分明在半途覿面未開宗正眼徒勞水上按葫蘆。

活 發 明珠走玉盤色空空色辯還難拈來幾度從容看两不成 單。

## 諸法空相節

聖凡 萬 里晴空湛玉壺重重法界一塵無僧繇也皺雙眉斷此景如 無地著名模擬涉毫端便染汙直 下分明擔荷得迢迢十萬 何上畫 隔程

## 以無所得節

月滿 冒 死 江澄馮不流遊人到此盡停舟漁翁老大曾經慣移棹攢眉過別洲。身經百戰塲歸來真個便封王雖云高爵尊寰宇逸格風流輸子房。

### 故說般若節

說了 勞勞重復論前功一 殷勤復自誇可憐 片婆心未有窮不得末梢頭句好穩教千古錯流 心 事 已如 麻。當 時若解牙三打。 也勝 重 鋪 錦 上花。

# 頌禪人血書蓮經求生淨土

## 頌番僧轉世

血

染蓮經七軸長一橫一點盡含香他年海會談因地十指光流照此方。

客舍幷州已十霜歸心畫夜憶咸陽無端更渡桑乾水卻望幷州是故鄉。

# 頌說得一丈不如行得一尺

古佛口門高挂鎖鐵牛脚下痛加錐任他千聖頻呼喚榔栗橫眉更顧

# 頌聖人不是無心柢是無心心耳

無 心恰是聖人心聖不無心趣轉深會取無心端的旨無心心卻無無心。 頌察秋毫之末不自見其睫

洞 燭 秋毫不見睫由來專向境邊涉而今幕 地 囘 光照始覺從前 被眼遮。

#### 心花頌

蓓 心 蕾 華 臺 無 承淨滿 種 如何種。 身未瞎娘生雙鬼眼空教覿面隔前 紅紫芬芳另有春白雪立深香乍冷蒼顏皺破色初新翩翻葉布迦文 塵。

#### 雪彌 勒

樓 閣 宫 門前甚 不 住 下 處囘。 塵埃已是無端惹禍胎只個 似 此行 藏渾沒據爭教補 幻 關待當來。 身不 自了那般笑口為誰開日 光定裏如何見。

#### 證道歌

爲 永 嘉 大師 者 演 詵 證 道 歌直 過。 頗有會心處因躡其每段 截 痛 快言約 義豐洵爲 古今絕 兩 短 句續 唱。 辛丑夏六 而 歌之非敢 月禪 與 大 坐 隙。

**、聊自娛耳** 

度 龍 捉。澄 來 還 用 有 行。 走 威。 逢 家 縱 提。 幾 常 官 天 虚 祇 藕 真 橫 人。 獨 天 碧。 者 只 無 見。 是 奈當 信 頻 誰 是。 絲 不 步。 界 不 霎。 脚 戲 是 手 咸 在 無 何 甚 中。 喧 無位 功。 功 人 打 跟 擲。 I 念。 分 通 麽 珍 重。 眨 德。 淨 雕 誰 身 教 不 開 不 東 真 自 踏 五 是 長 賊 無 琢。 無 + 上 海 人驚吐 眉 生。 掀 馬 信。 盡 今 眼。 夜 寒 與 口 得 道 騎 從 藏。 時 明 暄 西 毛 翻 言 將 他 磚 路。 五 滚 應 早 明 動 天。 舌。 力。 黃 難。 錯 實 照 靜 默大 好 謗。 頭 無 行亦禪。 血 河 中 總 罪 未 絕。 趕 任 瓦 世 過。 戰 徹 禪 賊。 他 礫 物 燈。 無 福。 動 欲 底 會 非。 功 摩 捉 盡 外 舌 關 干。 無 吾宗端 高 尼 清。 坐亦 得 我 奇 任 + 損 根 坐 碑 \_ 益。 斷 賊 尙 珍。 逍 珠。 夜 恰 禪。 遙。 人 4 空 恰 悟 非 可 時 來 無 勒。 日輪 不 裹 恰。 的 全 迷 馬 我 價 T 中 聖齊 塞 識。 頓 旨。 身 空。 他 自 也 珍。 何 覺 突 獅 閒。 是 用 北 六 卓 當 須 耳 門 安 宫 午 專 了。 出 誰。 應 犖。 子 無 未 齊 照。 鳥 塞 不 盡。 聽 南 八 决 如 明。 生前。 定 捨 指 斷 趁 + -國 更 迹。 來 無 大 陣 畏 方 呼。 說。 入 空 嫌 禪。 聽 ---收。 說。 慈 九 窮 表 性 鼻 重 + 無 狼 何 歌。 虚 威 生 洪 釋 雕 真 處 孔 界 籍。 圓 圓 誓 弓 波 證 音 國。 隨 子。 依 乘。 明 不 裹 宗 永 分 萬 實 那 願。 時 口 斯 前 -吉 明。 無今 金 挂 相。 稱 層 畔 亦 賑。 不 境 通。 毛 貧。 道 放 閒。 無 等 狼 解 上 古。 三千 聲 詵 獅 徹 煙 自 斷 M 邊, 人 教 大。 曠 說 徹。 子 息。 亦 立 骨 囊 古 法。 莫 現全 今憑。 甚 須 地 窮 常 藏。 刹 大 萬 通。 獨 幾 把 刧 里 證 來 海

蘭 賊 老 處 龍 中。 林 捨 e 頭 在 難名狀。 著當 鉢, 是 我。 東 刹 若。 捨安 平。 刹 竹 得。 雙 擲 親 解 + 陽貴 十九 决定 八字 塵塵 睛 虎 篾 不 家 年。 さ 心、取 和 錫。 幾 留 防 年一 打 情。 獨 不 與 衣 遞 全 條 巴 真 開 睡 代 脱。 钁 魔 得。 君 體 生。 字 理化忙 佛 冷 重 倒 持 江 現。 幾 無 毁。 把。佛 都 撲 月 月 更 地 來 無。 隱 不 囘 千古古 明前。 作 服。 教 可 教 碎。 匿。 \_ 死。 自倒 何 成 猶 讚。 巴 馳 豁 準 松 法 萬 風 處 更 爲 两 看 逐 達 的。 從 空。撥 覺 古 低 君 段。 破 何 爲 吹。 不 教 依 窮已。 跏 分 格 震 渠。 醒 問 圓 前 爛 頭 明極。 外 慚 因 來 泥 趺 通。 還 犯 法 卻 石 直 果。 天 犂 休。 自 竹 通 雷。 惶 但 Ŀ 得 空 大 幾 起。 建法幢立宗旨大似虚空 量。 方 擊 饒 無 夜忘 法鼓驚 當 便。 限 生 王 亮。 度 本。 前 幕 莫 心鏡 開。 和 偷 斷 殿 指 地 來 囘 緩 聲 الماء 上 須 歸。 愁 甚 兩 息。 明。 彌 泥 末。 鹿 光 送 起 頭 披 緩 出 大 大 機。 枷 鑑 牛 脚 爲 返 問 Ш 丈夫。 蟲鮫 入 跟 太 無 馬。 照 彌 也 鎖。 子 是 海 路 覺 勒。 分 囘 礙。 如 時。 活 明。 殺 秉 全 光 胡 何 無 刨 幾 默 乾 乎 消 時 切 虎。 慧 身 來 喫。 了。 ---念脱樊 安 忌 萬 劍。 漢 息。 坤 不 笑 說。 墮 不 現空多 求 個 閣。 看 象 寒 施 破 兩 說 死 耳。時 他 光 水。 真。 裏 神 功。 娘 森 閃 籠。 風 通 生 默。 手 羅 損 不 萬 斷 迷悟 自 窜 灼 態。 光 晏 無 法 \_ 别 嘴。 若教 舉 昧 拈花 處 財。 妄。 T 坐 扇。 陵 入 天 分 道 似 幾 巖 取 葬。 滅 差 深 岸。 明 撞 誰。 何 賺 前 不 木 功 Щ. 著 飲 當 德。 機 行 降 般。 住

卷下

無 光。 真 性 立。 性 孫 元 妄 浪 本 說 真。 若 空。 分 孤 教 皮 峯 認 髓。 絕 著 法 頂 元 東 路難 真 流。 處。 入 又是 通。 此 士。 從 五 重 來 宗 添 不 古 坐 派 鏡 空 Ŧ 塵。 昭 嗟 殿。 T 古。 末 那 法。 復 爭 恶 分 知 時 身 教 世。 萬 外 吾道 象 别 中。 無 陵 الناد 傳。 是 夷 根。 + 堪 泣 法 原 是 涕。 來 塵。 是 安 得 根 驚 塵 Ti.

羣

大

丈

夫。

祖

燈

展

轉

憑

相

繼。

作

在

ه الم

殃

在

身。

焦

層

拔

舌

贵

無

因。

泥

型

多

小

香

辛

輩。

4

是

閻

浮

閒 善 後。 謗 Ш 癖。 塞 法人。 亦 財 爪 河 牙 斷 去 舌。 小 虚 未 栴 騃 後 石 檀林。 樓 人 是 空 露 非 嘴。 常 不 拍 無雜 閉。 如 種 手 好 狗。 龍 笑 惡 性 邪。 樹。 有 呵 曾 女 枝葉 時 錯 來 DDI. 何 跳 知 時 解。 此 \_ 解。 珠 入 扶 曲 一途六 鳥焉 疏 野 正 阿 明。 狐 香 誰 四 趣 成 非 羣。 曾 馬 布。 互 不 聽 \_ 何 喝 鼻 徹。 相 非。 足 是 乾 孔 吞。 不 自 怪。 坤 休 思 1 是。個 教少牛 賣 顚 議。 \_ 倒 到 翻 解 頭還 脫 四 裏 走。 邊。 力。 覆 淆 圓 自買。 爲 訛 頓 風 個胡 宣 誰 教。 來 般 揚。 猶 共 勿 受 獅 委。 人 待 用 子 漆 桶依 情。 兩 生 明。 何 堂 無畏 鐵 = 窮 一堂古 然 度。 饅 極。 說, 獅 還 頭 重 路 子 當 虚 不 重 少人 兒。 快。 空 面 法 界 亦 抛。 衆 口 啟 愚 等 行。 隨

今 此 道 曾 無 别。 丈夫 眼 裏 誰 無珠。肯謗 阳 僧 謂 有 說。

賸

T

1

見。

無

物。

綠

水

洋

洋

Щ

鬱

鬱。

借

問

路

人

渾

不

知。

殷勤

爲

舉

龜

毛

拂。

H

वा

冷。

月可

熱

古

端。

隱

顯

縱

横

無

不

得。

法

中

王。

最

高

勝。

脚

跟

不

動

常

相

騰

騰

日

用

自

忘

機。

信

手

拈

來

無

少

應。

〇八

#### 不

別 撒 話 直 個 鏃 卻 頭 捷 裡 有 舉 風 層 紆 分 層 關 處 光 曲 明 來 眼 須 萬 逈 -事 歲 底 透 機 自 歸。 障。 過。 忘。 殊。 晚。 無。 透 萬 那 入 打 币 過 地 海 開 堪 事 還宜 普 泥 灼 特 無 4 灼 天 地 加 踏 眠 成 生 起 光 明 向 規 不 死 淺。 模。 醒。 藏。 上。 個。 切。 鼻端 身 單. 到 無 無 端 斯 الناد 事 刀 翳眼 直 不 1617 甲 線 拶 必 邊 入 空華 自 是 輕 空 休 牽 矜 良 無 住 轉 現。 誇。 相。驀 脚。 圖。 生 致使 直 且 將 死 喫 然 入 心 長途 重 待 Ш 何 豆 僧 子 黏 悟 曾 真個 爆 間 鬼 手 渾 寒 成 戶 語 中 險相 符。 棒。 灰。 錯。 默。 脚 者 精 棒 思 跟旣 逢 杂 量 頭 誠 不 觸 擬 ال 禁 華 念 瞎 議 涉 因 燦 超 頂 轉 爛 程 勤 相 無 勉 途。 眼。

#### 挽 羯磨 阿闍 黎岫 雲靜觀 老 和 尚

不

於言

外

解

知

謂

我

說禪謗

不

迎報恩經故云<sup>7</sup> 畢 願 南 輪 塔殷勤 移。 西参 淚 瀐 滴 預 連 垂。 不 兄弟曰此子他日出世當先於汝曹今果然可具後隨師南塔院拔草灰師指某顧謂諸戒 自 持。 己 識 浮 生身 是 幻。 難 忘 面 命 圓 淨 語 戒 冬 珠 慈。 光 東 州 寮 夜。 捐 陰 點 森 經 覺樹 親 授。

老 于 花 椏 座。 枝。 四 色 一宗道 蓮 開 合 因 七 籫 無 池丈 我。 萬 一室徘 里傾 徊 心 勞想像。 爲 有 師。 樂 法 邦 雨 頻霑期 迢遞忍棲遲殘霞古 此際迷津 倦 木 濟 欲何 風 來 處。 之。 秋 九峯雲掩 水 石

月 落 時哀慕未能空象外林泉巖壑總成 悲。

# 祝闡教禪師八十壽三首

先 性 九 聚。 啓 重。 煙 天 水百 後。 寥廓覺海淵澄。 光 輝 師 乎其 泉 城。 孤 石。 人。 奔 峯 德斯壽 絕 騰 高深畢睹。 象龍奮筆註 侶。 鵬 斯胡爲 舉 師 今昔 行。 契古 平 經。 祀。 孰 扣 聊爾 關 南 曾維師降靈殆非偶爾。 心接賢宗武。 擊節白髮青燈老而 殷 勤辯培 **一**掬。 據 曲永 不 牀。 乘大 輟慈父孝子。 擊大 願 法皷道 輪。 爲 如 法王忠臣。 來 行 使冰霜 四 刹。 聞 達 承

閻 願 輪 浮 高 地 駕 勝 何 超 軒 尋 昂。 常。 獅 T 搏 佛 鵬舉 出 興 見行 古道 藏顯 塲。 生 蜜 緣 幸 權 實 托 難測 薄天 量白馬 堂。 况當 西 御 來 世 歲 遭 月長。 輪 王開。 五 乘 八 應 藏實 緣 來 汪 帝 詳。洋。鄉。

致羊 吐詞章河流 亡為 憐 末 四 辯韻鏗鏘獰龍威鳳 學 别 雌 黄。 博 采羣 詮 逐騰 定宗 翔零亂 綱。措 詞 天 析 花 義 精 雨 座 且

該

括

五

教宗清凉。

時揮麈尾

古

今

註

疏

滋

分

張。

歧

冬

遂

爾

師 金 號 館 今 妙 更 手 開生盲。 叨 天 光。 春 高 秋 風 八 四 十 l播傾遐· 老 風霜。 方番僧 榮 辱 入賀對 いい 知師 舉揚。 已忘片言用祝壽彌 三宗五部語 琅 **現紫衣**昔日 昌。 維持 此道 曾 惹御

僧史他年照縹缃拈花萬古轉芬芳。

歲 الله 燈 月 早續焰 靈 椿 秀氣 重 重。 鍾。 卻 神 慚 資道 無物 味貌 爲 師壽倩得須彌第 如 松。 華深 悟不遷旨般若巧傳無住宗願海正翻波浩 峯。

# 爲潭柘監院琮公七旬壽

老柘陵空正 重 興 千 載 舊叢 布陰鼻孔曾無措大氣謾勞相 林令德維新道俗欽。 一片 悲田耕不盡幾重願海探彌深石潭見底常含月。 向話從 北。

# 爲廣善復公法主五旬之慶

境 觀重空道 奔 水 赴競 入微濟物應將籌論 相 依。 赫 赫聲 光動帝畿頑 室誰 云四 石 真 + 教 九年 頭自點天花時傍座前飛荃第都脫情無滯。

#### 卷下

# 鐵冶亭長江濯足圖

幻 質本來空寓形良有以乾坤一葉舟今古長江水船子覆何曾龐公吸未已快哉無垢人。

濯足靈源裏。

#### 小徑蒔花

繞徑植花叢殷勤奪化工源頭汲活水葉底露春風既委真猶幻何妨色是空西來無限意。

漏洩此園中。

# 題柏石小照

石靈應解點頭頻水雲未委深深意猶謂師將境示人。 坐斷千差不染塵何妨身外更分身百城南去門庭舊萬里西來面目新柏老已傳佳話徧。

## 山居三十首

謁 罷 禪 筵及講 叢。 歸 來 茅 屋 四山中黃精紫芋 食 無 盡。 活 水乾柴用 不 窮。 雲淨 夜寒猿 嘯 月。

林 深 日 暖 鳥 吟 風。 遙 思 海 上 同 參 者。 此 意 何 能 \_\_ 信 通。

龕 寂 寂 枕孤 峯。 極目 煙 巒 色轉濃。 瀑 布 真 垂 千 丈 壁。 懸巖倒長萬年松苔封古徑樵歌 斷。

月 照 深林 塔影 重。 一借問 菴 中 - 誰是主衛 花 百鳥覓無 踪。

山 空 人 靜 水淙 淙。 獨 自披 衣對夜 缸。 花 氣 隔 簾 侵石 榻鐘聲 和月到 松 窗。 塵 塵三昧 機 先 露。

蘴 結 擾 瀑 茅 擾 臨 狂 住 心定 風 便 睡 後 去 相 宜。 降。 遲。 此 اناد 通 趣未 眼 曉 空 坐 居 來 來 渾似 山不 說 向 委。居 誰竹 睡夢魂幾度落 山能 榻 通 育塵夢 得 幾 蓮 人 斷。蒲 知。 邦。 團竟日素懷怡看梅待月歸

來

掩柴 扉。 石 徑苔 深 人跡 微。 流 水影含 空界月。 落 花 香 襲老僧衣此宗 本 自 無 迷

大 道 何 曾 有是 非。 客 到 不 將 拳指示任 教 人話鈍禪 機。 T

峯

如

畫

我 入 儂 夜 性 挑 癖 燈 讀 愛 佛 幽 書。消 居。 1 受幾 得 重 名 巖 閒 搆 歲 小 廬。 月。 滿 雅 懹 地 白 此 「雲常近 外 復 何 榻。 如。 繞門 流 水自成 渠清晨 和露 食 林

青 Щ 入 眼 漸模糊。 坐來定裏眉毛 重老去胸中佛法 無。 臨澗 自憐禪影瘦。

兩

斑

花

歲

月

徂。

穿 雲 唯喜杖 藤 枯。 盤 桓 不 厭 頻 相 對。 階 下 支 離 松幾 下。株。

华 間 箬 屋足 幽 棲。 巖 岫參差 一覆戶 低。 就蔭頻 來松樹 消 開徐步 板 橋 西晴峯 有 色時窺

皓 月 無 聲 夜 落 溪。對 客 不 談 支字 脚。 從 教干 古錯標 題。

寄 跡 空 山 爲 學 贵。 更 教 何 事 nl 干 懷。 經 書高 向 虚空挂佛 祖深於實際 埋雲淨月圓當夜

雨 餘 花 落 覆春階客來懶共閒饒舌門額題 悉止止 齋。

幽 巖 竟 日 坐 堆 堆。 口 滿 **醭花衣滿苔但** 向 眉 間 懸寶劍誰 於肚裏著寒灰咄哉縱火婆休

去。

久矣 銜 花 鳥 不 來。 莫把 野 狐 涎唾 我。 此 間 明 鏡 不 當 臺。

竹 南 杖 枝 頭邊歲 梅蕊報 月 先 新。 春。 萬 造化傳來消息真餘 疊雲峰 圖 畫 裡。 何 妨老 吐 冰 我 河宛有象氣融雪谷杳 \_\_\_ 閒 身。 無 垠草鞋跟底 山川

機 先得 旨 不 關 聞。 文。 紙 燭 纔 吹鈔 便 焚。 委好將 執謝 無 庸 情 繾 綣。 雲。 الماد 空豈礙境紛 紜看· Щ 見見見非

山 聽 瀑 家 上千峰影牛吞翻憶於踞途路者無端辜負 没 聞 事 聞 聞 到 黄 不 昏。 此意是誰堪 分 付兒童 早掩 共 門。 自 牯 自 ---巴 榻 草鞋 臥松 九 曲 澗。 黃猿 不戀六花村。

風鳴萬籟

聲 初 靜

月

萬 緣 脫 畧 海 天 寬。 塵 世 無 交宜 隱 巒。 不 有 桃 花驚 客 眼。 唯餘 梅子 濺牙 酸。 傳 燈誰共挑 燈

指 月 時 携 就 月 看。 往 事 囘 觀 堪 笑。 此 الا + 載 倩 人

Ш 外 環 溪 溪 外 山。 紅 塵 雅 不 到 林 間。 巖 邊 朽 木 甘 他 攀。朽。 嶺 上閒 雲羨 我 閒撞 彩 何 難 斫

脫 空 未 慣 說 -緣。 關。 葛藤椿 子 連 根 年。 拔。 壁立 門前 路絕 著力落牀枕

汲 期 水 從 常 幽 壑了 擔 夜月 殘 還。 面 領 壁 誰 袈 後零亂 拘 定 九 甚。 折 那 來 柄 佛 钁 法 頭 堪 與 人 傳。 子 不驚眠移花偶惹春 風 至。

日 高 簾 外 鳥聲 嬌定囘 滿 目 皆 生 意。 乘 興 扶 笻 過小 橋。

爲

愛

林

泉

趣頗饒。

市廛

隔絕路

迢

遙。

千

更竹

樹

·居幽

僻。

個蒲

團坐寂寥畫靜窗中

Щ

色

跡。

鐵 谷 型 口 雲横 木 耙 久曾抛投 鳥 筧 九集道者 老 行 情 藏 懐 唯自信。 百 不 膠。饑 世 途 腹 何 欲 用 填 苦 圖」 紫芋。 相 嘲。 漏房將補 斬 黄 茅。 溪 邊 苔 厚 4 無

藏 夜 靜 身 自 唯 聞 畫 地 虎 豹 爲 牢。 號。 住 選 後 得 不 \_\_\_ 峯 知 高 誰 是 又 我。 高。 籬 清 壁 風 明 深 栽 月 兩 玄 囂 兔 角衡門 贯。 重 一覆白龜 毛。 窗 開 時 放 煙 霞

毽 撐撐背欲 駐。 劇 憐 歲 月 密相 過寥寥吾道堪誰寄咄咄人生奈老 何。 閒 向 溪流 徴 面

六

漫 從 石 壁 寫 加 陀。 年 來 得 個 休 الناد 訣。 榻 翛 然件 睡 魔。

潦 倒 無 觀 野 衲 家。 饑 來 喫 飯 渴 來 茶。 磚 頭 磨 鏡 人 皆 笑。 ال 字 ·普門 我 亦 嗟。 放 不 專新

忘 機 潑 撒 舊 生 涯。 近 時 也向 巖前 坐没 個 天 人 更散 花。

曲 徑 重 林 山半 央。 竹 籬 低 護 矮茅堂。 -灣 流 水 干溪 月滿 塢 梅花 + 里香。 夜戶 書 埋 禪楊

曉鐘夢破 地 爐 霜。 他 年 待 到 臺 山山田。 好 與 文 殊細 較 量。

疎 拙 難 堪 應 世 情。 餘 生贏 得寄 柴荆。 且 無 活 計卷層钁儘 有家 私 折 脚 鐺亭畔 開 池宜院 月。

籬 邊 種 菊 喜 餐 英。 敢 云 野 况 齊 安養。 差 勝 人 間 閒 利 名。

不 風 驚 坐 蒲 懸 瀑 團 響虛 不 看 庭。 經。 客 主人 來 問 更 我 說 Щ 中 境。 -片 中 寒 曾 松萬 不 著金屑空裏 頃 青。 何 須 釘 鐵 釘。 雨 機落 花 香 地。

萬 峯 羅 拜 最 高 藤。 層。 斗 室 中 藏 個 老 少陵空 僧。 花 發 千 林 春 若 錦。 登。 雲鄉 几 壁 夏 如 冰。 且 無 版 地 栽 瓜 豆。

那

得

閒

情

打

葛

怪

底

經

年

人

跡

鳥

過

不

堪

笑 同 羣 白 鶴 鹿 雲自去留爛煑黃精噇得飽倚松枕 老 林 丘。 萬 壑千 巖 儘 自 曲。 不 向 鬚 眉驚 石 睡 動 夢 幻。 齁。 將 寒 暑記 春 秋。 別聽好 鳥 時 鳴

韶 光一 去杳難尋餐染霜花老漸侵肩上橫 將朽木担胸頭賸有壁觀 心當機誰發拈 花笑,

向 日躬 穿補衲鍼遮莫秋風扇四野滿林黃葉正如 金。

若 魯如 愚百不堪亂峯深處著茅龕曾無聲跡勞他覓那有幽奇到我探杖挂苔衣仍靠壁。

穿蠢 字未開 函。 山 靈 似解寂寥甚日遭閒雲傍座

機 峯 到 廻磵合屋頭尖塵外風光足四簷滿徑幽香花浸露半牀虛白月篩簾心從歇去禪饒味。 忘 來虎不 力下巉巖竟日齋餘口便緘腰瘦難圍 嫌林壑久深投老約何妨華髮鏡中添。 三東篾身輕爭挂七斤衫灰寒古鼎猶重撥。

年 草滿空階亦懶芟客到也須高著眼謾勞相對話諵諵。 來 無

#### 紙鳶

放 希誰解聽聲前 去收來一線牽等閒出沒太虛邊無心落影留春水得意乘風破曉煙質幻自應超象外。 可憐都作兒童戲幾度空勞下遠天。

# 和惺齋主人原韻

跏 趺 百 慮 未全 澄。 已是 人 間 無 事 僧。 說 法 閒 將 三寸舌酬 機 賸 有 枝廢。 香花 此 日

公案他年入祖燈獨愧蒲團空幾破深禪妙悟竟何 悸。

#### 偶作三首

四 五 蘊 山頭 個朽 廬。 六窗虚 豁任緣居空華誰 復分榮 落幻影 無勞問 我 渠。二 鼠齧籐情促 促。

蛇 盤篋體 如如。 雲林 -段閒消息黑漆 屏 風 醉 後 書。

佛 湖 魔 海 自是 年 來 懶搆 没 親 廬。 疏。 寄懷何 溪 Ш 宣男活 處 不 蘭 幽居。 若。 三千刹 無 用 心。 心 土行 門 壁 無 迹。 書。 個蒲 團 坐有餘今古任 教 說

住。

月 移 面 空界影徐 郎當個 故 徐。 廬是誰於此 就 中一種真奇 解安居創來莫問年多少到者方知地有餘香盡古爐煙寂寂。 絕。戶 牖 不 開 見 + 虚。

#### 落花十首

小 院春移興索然蜂癡蝶戀尙 蟬聯殘紅 墮 雨埋幽 徑冷艷流香膩 逝川一片愁含三際外

幾 枝夢斷 五 更前。 薄情最是東風惡吹 落 無 الناد 似去

禪 心. 久不 爲 春 傷。 無 那 飛 紅 照眼 光。 風 妬 暗 催 辭故 本。 苔嬌遙倩點新 妝講臺畫靜 翻 晴

雨。

撲 丈室 撲餘 窗 香 空 襲 映 衲 晚 衣。 塘。 隔簾 愁殺 時 東園將宿蝶夢魂從 見鳥 銜 飛。 林 春 老 此 吟情淡。 不成 香。 三徑苔深客屐稀是境是心

勞我

思。

非 無 奈留 空非 春不住 色定 誰 何。 歸。 朱英玉 東風莫教 心亂辭 吹 便盡留 柯。 月憐影瘦光應減鳥 取 此 此 襯 草 菲。 怨枝空罵定多香水潺 泼牽客

緑陰 掩 映 動 樵 歌。 頭陀未慣空 心 眼見見聞聞 墮日 窠。

東 西 逐 逐 輪忙。 斷 送 春 光 去 一沙茫夢蝶 驚 風 الا 欲醉。 苔過 雨 地 生 香高 樓 有 興空 裁 句。

未 鳥 短 拈 杖 怨 起處 春 無 聊日倚 歸 好 啼 欽 錦 牆自笑年 叢。 風-凭欄 窗開 珍 滿 地盡 重 來禪力薄也隨 舒 長 殘 望。 紅。 党 幽 在 崖 浮幻動 紅 有約還期 紜 物 愁腸。 態 坐病 中。 室何 人

更

滯空。

再放

4

時

應

具

眼。

江 暮 城笛 雨 朝 弄恨悠悠誰探藏海 風 興 份 幽一 流 光 易 過 樂枯 眼 睛 本彈指 頭。 金 鳥 啄 登慈氏樓。 破 T 枝 血。 王 兔踏 殘滿 地 愁仙洞 溪 流 春片片。

110

紅 銷 香 冷欲何任節序摧殘故惱人不禁已添頭上雪可堪重減眼前春愁風 愁雨 更

置 水 墮苔兼墮塵。 化 母 不 知工省費擬將鋪 地鄉長 茵。

4. RA 却還 聲纔過又風 他 重法 情眼底閒愁抛未 聲花事年來興不盈幽鳥多情春竟去夜窗無賴月偏明五衰何處終天相。 得。經 旬高 臥掩柴荆。

倒 春 光歲歲 地 詩瓢牛裹苔定起忽過村圃暮清風明月兩徘徊 去 還 來經慣無庸著甚哀不逐殘 **芳驚** 睡眼從教細草沒靈臺依牆遊展全徽

#### 閱歸元鏡

大方 諦何嘗是浪陳解展化權常格外空花也放少林春。 無滯 見通 人用處投機法法親觸目已成三聖觀和聲與種九蓮因。 乘本不容株守。

## 香嚴居士肖像

富貴塲中偶現 聲佛號 與 心親。 身靈根久不昧前因誰 他年九品蓮高占應是而今畵裏 曾 在欲能離 欲。君 獨同塵不染塵萬刧情關期

#### 偶成四首

寺近皇都靜若山機忘何地不閒閒經年祇解貪趺坐豈料浮名滿世間浩浩紅塵迷白書堂堂古路透皇都知他來去忙忙者脚底還曾踏著無 5 白限盤地刹竿頂指天客來休借問此外更無禪 輦路橫門外皇都峙寺傍禪關臼臺掩端坐一爐香 根盤地刹竿頂指天客來休借問。

# 題慈因講寺太湖石

經年 怪底久沈埋孤硬無情觸處乖試看生公未入座依稀他卻點 頭

## 病中示衆二首

適從鄰院參新座叉共劉郎結淨因竟日勞勞忙未了不知身是病 輪 廻偶 憶骨毛 寒四十年光一指彈禪病通身醫不得祗 應高 臥 且 加餐。 中

## 三週哭師三首

憶昔泥 自 烏籐白拂共傳心皮髓分時論芥鍼白浪洪波突浩渺黃金骨具欲誰尋。 恨當年缺主張祇將九拜當尋常而今有口如何說沈水一爐淚兩行。 洹示早秋經今屈指已三週斷腸不耐頻追思恩怨重 重若爲酹。

#### 立春

蒲團瞌睡正酣濃忽報春光歲裏通鞭起泥牛急著力一犁耕破古長空。

# 香嚴公松泉小照三首

蓮蕊 淨 業曾經細較量數年相與集津梁跏趺竟日成三昧不是堆堆學坐忘。 句彌陀萬慮休脚跟不動出閻浮相逢若問唯心旨松自靑靑水自流。 書名勝 祖 燈宗風 不 羨嶺南能金臺 一任來遲早且作人 間 帶 髮僧。

# 挽戒臺度公四首

來 無 不 白 位真 愛深 兮有象波 髮 盈 八人赤肉 山坐寂寥九重城裏打塵勞脚跟自有通過 含月。 團。 去也 紅 塵堆裏許誰瞞臨 無 心鳥跡空撥 轉 行 Ŀ \_\_ 奏還鄉 頭 句 分明 關模子金烏突出 宵 說。 路。 曲。 突兀 勿謂從空放 日 須彌 能 教 一輪 未是 萬 下 口

紅。難。

高。

## 自題肖像六首

贵 參 兩 披 鼻 處皇都寺。 久禪為 殘屑 但 孔 投機拙何嘗見諦 纔 上 通氣斑麻數不 衲担 悟。翻 一生淨土 徧 殘 教未 手 中 درياد 通。 珠。 清。 通。 從來無所住料得有知 將 nJ 祗須看嘴臉何 句 '憐個面 他無量壽喚作主 彌 陀 佛還 目。 也 曾記 入 用 畵 問 生平。 圖 得 中。 無。

夢

東禪師遺集卷下

世世常行菩薩道 普願災障悉消除 願得智慧增福報 回向法界諸有情 以此印經勝功德 願消三障諸煩惱

> 電話:三〇六二五八〇七十年印刷有限公司承印 南投縣水里鄉頂於村期頭巷15號 因寺大專學生齋戒學會 禪師遺集

中華民國七十七年七月



